



MG

K833.130.5

7  
2:3



3 2174 0570 7

# 日本當代人物誌

第三輯

(密件)

外交部亞洲司研究室編印

國立北平圖書館藏

## 例言

一、本書係賡續第一、二、兩輯，書中人物，主就其與我國有直接間接關係者列入之。

一、本書仍由孔滌庵葉作舟二君担任編纂，稿成後其職位已變更或事績有遺誤者，容於重版時更正之。

民國二十六年四月

# 日本當代人物誌第三輯目次

## 例言

### 【一畫至二畫】

一宮房治郎	一
二荒芳徳	二
入江種矩	三
入間野武雄	四
八角三郎	五
八並武治	六
八幡博堂	七
【三畫】	
三上 參次	八

日本當代人物誌 目錄

三宅川百太郎	一〇
三室戶敬光	一一
三輪壽莊	一二
下中彌三郎	一三
工藤鐵男	一五
大川內傳七	一六
大川周明	一七
大谷登	一九
大河內輝耕	二〇
大藤唯男	二一
大橋信吉	二三

一

小久保喜七	二四
小山松壽	二五
小池四郎	二六
小泉又次郎	二七
小原直	二八
小島新一	二九
小幡西吉	三〇
山本厚三	三一
山本悌二郎	三二
山 山	
⊙本實彥	三四
⊙本鶴一	三六
山田乙三	三七
山田龍雄	三八

【四畫】

中山治三郎	三九
中谷武世	四〇
中村良三	四一
中島彌團次	四二
井口貞夫	四三
今田新太郎	四四
今村信次郎	四五
内田良平	四六
太田正孝	四七
太田覺眠	四九
太村清一	五〇
水谷長三郎	五一

水野鍊太郎……………五二  
片山哲……………五四

【五畫】

北聆吉……………五五  
北島謙次郎……………五六  
加藤久米太郎……………五七  
加藤敬三郎……………五八  
古河虎之助……………六〇  
平瀨愛雄……………六二  
本田忠雄……………六三  
田中武雄……………六四  
田中清……………六五  
田中隆三……………六六

日本當代人物誌 目錄

田知花信量……………六七  
田邊治通……………六八

矢內原忠雄……………六九

矢野恆太……………七〇

石川準十郎……………七二

石渡莊太郎……………七三

石黑忠篤……………七五

石橋湛三……………七六

【六畫】

百武三郎……………七七

伍堂卓雄……………七九

各務鎌吉……………八〇

吉田丹一郎……………八二

日本當代人物誌 目錄

吉田益三	八三
守屋榮夫	八四
安井英二	八五
安保清種	八六
安部磯雄	八七
安達謙藏	八九
早川一郎	九一
江藤源九郎	九二
池崎忠孝	九四
西岡竹次郎	九五
有馬賴寧	九六
米内光政	九七
辻謹吾	九九

【七畫】

串田萬藏	一〇〇
谷本馬太郎	一〇二
坂西一良	一〇三
杉山元次郎	一〇四
村田孜郎	一〇五
尾崎行雄	一〇六
赤池濃	一〇八
赤松克麿	一〇九
【八畫】	
奈良武次	一一一
岸信介	一一二
岩田富美夫	一一三

岩田愛之功	一一五
東武	一一六
松井久太郎	一一七
松永材	一一八
松本治一郎	一一九
松本勇平	一二〇
松本蒸治	一二一
松本健兒	一二二
松江春次	一二三
松岡駒吉	一二四
松村久義	一二五
松村光三	一二六
松延繁次	一二七

日本當代人物誌 目錄

松浦淳六郎	一二八
松浦鎮次郎	一二九
林博太郎	一三〇
林彌三吉	一三一
武田德三郎	一三二
武部治右衛門	一三三
河上丈太郎	一三四
河田烈	一三五
河合良成	一三六
河合榮治郎	一三七
河原田稔吉	一三八
河野一郎	一四〇
油谷恭一	一四一

牧野良三	一四二	泉二新熊	一五七
神田正雄	一四四	秋永月三	一五八
近藤榮藏	一四五	秋田清	一五九
阿南惟幾	一四六	砂田重政	一六一
青木一男	一四七	若宮貞夫	一六二
青木精一	一四八	風見章	一六三
【九畫】		【十畫】	
南弘	一四九	原田熊吉	一六五
後宮淳	一五〇	宮島清次郎	一六六
待永茂治	一五一	宮脅長吉	一六七
津久井龍雄	一五二	宮澤胤勇	一六七
津田信吾	一五四	清瀬一郎	一六九
津島壽一	一五六	酒井忠正	一七〇

皆川治廣	一七一
馬場恆吾	一七二
高山久藏	一七四
高須芳次郎	一七五

【十一畫】

俵孫一	一七六
堀切善次郎	一七七
堀切善兵衛	一七八
望月圭介	一七九
清水行之助	一八〇
深尾隆太郎	一八一
淺沼稻次郎	一八二
淺原健三	一八三

添田敬一郎	一八四
鳥居龍藏	一八五
麻生久	一八六

【十二畫】

富田勇太郎	一八七
堤康次郎	一八八
植原悅二郎	一八九
渡邊千冬	一九〇
湯澤三千男	一九一
勝正憲	一九二
猪野毛利榮	一九三
菊池良一	一九四

【十三畫】

奧村喜和男	一九五
塚田攻	一九六
鈴木文治	一九七
鈴木正吾	一九八
鈴木宗作	一九九
鈴木莊六	二〇〇
鈴木善一	二〇一
飯田貞固	二〇二
沼省一	二〇三
【十四畫】	
廣瀬久忠	二〇四
滿川龜太郎	二〇五
滿井佐吉	二〇六
【十五畫】	
増田義一	二〇七
横山助成	二〇八
蓮沼蕃	二〇九
駒井德三	二一〇
【十六畫】	
橋孝三郎	二一一
橋本徹馬	二一二
篠原英太郎	二一三
篠原陸朗	二一四
頭山滿	二一五
龜井貫一郎	二一七
【十七畫】	

齋藤良衛	二一八
齋藤瀏	二一九
濱田國松	二二〇
濱野徹太郎	二二二
【十八畫至二十五畫】	
織田信恆	二二三
寶來市松	二二四
附錄 人名英文索引	


藤山愛一郎	二二五
鵜澤聰明	二二六
蠟山政道	二二七
櫻井兵五郎	二二九
鶴見祐輔	二三〇
權藤成卿	二三一
鹽野季彥	二三二

日本當代人物誌

目錄

## 一宮房治郎 (Ichinomiya, Fusajiro)

衆議院議員民政黨總務明治十七年生大分縣人



上海東亞同文書院政治科卒業。明治三十七年任北京順天時報記者，三十九年轉奉天盛京時報副編輯。四十三年回國，任大阪朝日新聞編輯，至大正五年又赴奉，任盛京時報社長。大正十一年，在山本達雄任農商務省大臣時期，舉爲官房祕書課長。昭和五年，任內務省參與官，翌年辭職。後又任內務省諮議。當選爲衆議院議員，迄今已達五次。氏原隸政友本黨，與山本達雄頗相得，故後隨山本而政友會，而民政黨。其眼光遠大，宅心公正，蓋頗受山本之感化。昭和四年七月，田中義一內閣因皇姑屯案崩潰，氏在半年前，已早預言及之。因久事記者生活，故觀察政治有獨到之處。曾任民政黨情報部長，現爲十總務之一，派系色彩甚淡。目下除從事政治活動外，兼爲東亞同文會理事及共濟火災保險會社董事。

【二畫】 二荒芳德

二

二荒芳德 (Futera, Yoshinori)

——貴族院議員伯爵明治十九年生東京府人——

故北白川宮能久親王之王子芳子，於明治三十年降臣籍，賜姓二荒，列華族，授伯爵，歿後，由氏繼承家篤及爵位。氏於大正二年卒業東京帝大法科政治學系，任靜岡縣理事官。六年赴歐洲留學。十年伴東宮外遊。嗣後供職宮內省，歷任書記官，參事官，式部官等職。十四年舉爲貴族院議員，以迄於今。氏爲國維會之主要角色，現除貴族院公職外，兼爲日本興業銀行董事，少年團日本聯盟理事長。少年團日本聯盟會長一席雖爲前首相齋藤實所担任，實則一切會務，多由氏處理。本年一月底廣田內閣總辭職後，軍部會推任爲新文部大臣，足見其與軍人感情之不惡。

## 入江種矩 (Iriye, Tanekū)

——國體擁護聯合會委員長 退役陸軍工兵大尉 明治十六年生 秋田縣人——

明治三十八年陸軍士官學校卒業，由工兵少尉累升至大尉，大正五年退役。於日本進攻青島時，曾從事秘密工作。後投入前清宗室肅親王善耆幕下，陰謀建立『滿蒙王國』。大正七年於四平街創設工場，製造蒙古天然曹達。旋又於俄領沿海州致力開墾事業。十五年回國，創設『對支國民同志會』、『東亞聯盟會』等，努力於侵略滿蒙運動。九一八事變後，力事鼓吹法西斯主義。昭和七年與五百木良三等游說各方，促成日本全國八十餘愛國團體之聯合，結成『國體擁護聯合會』，被舉為常務委員，後升委員長之職。最近則為小林順一郎所主持之『時局協議會』之中心人物。

入間野武雄 (Irumano, Takeo)

——大藏省存款部長明治二十三年生岩手縣人——

大正五年東京帝大法科政治學系卒業，即入大藏省供職。歷任橫須賀、厩橋各稅務署長，名古屋稅務監督局經理課長，神戶稅關總務課長，東京稅務監督局經理部長及間接稅部長，大藏省書記官，事務官，銀行檢查官，營繕管財局總務課長等職。昭和七年五月任齋藤首相祕書官兼大藏省書記官。九年八月調專賣局販賣部長。氏與賀屋、興宣、石渡、莊太郎等同爲一系之人物。十一年三月馬場、鏞一任藏相後雖遭排斥，然本年結城、豐太郎登台後，舉賀屋爲次官，石渡重任主稅局長，而氏亦由造幣局長之外職調爲存款部長。若輩現皆爲大藏省之中心人物，其前途殊值吾人之注意。

## 八角三郎 (Yasumi, Saburo)

——政友會系衆議院議員明治十三年生東京府人——

氏爲舊南部藩士八角彪一郎之長子，明治三十四年海軍兵學校卒業，任海軍少尉，昭和五年進至海軍中將。其間歷任磐手，金剛各艦艦長，第一、第二各水雷戰隊司令官，海軍水雷學校校長，大隈要港部司令官等職。昭和六年編入預備役，翌年由岩手縣當選爲衆議院議員，十一年又當選，屬政友會籍。議會中，關於軍事方面常有質問，頗爲活躍。本年二月七十議會時，對陸軍大臣現役制，深表不滿。於海軍方面有豐富之知識，蓋軍人政治家中之佼佼者。

【二畫】 八並武治

六

八並武治 (Yatsunami, Takeji)

——衆議院議員民政黨總務明治十二年生大分縣人——

明治四十二年卒業東京帝大法科，即執律師業。以與箕浦勝人爲同鄉，而又素被青睞。大正四年箕浦任遞相時，邀任隨從祕書。自此遂從事於政治活動，九年得當選爲衆議院議員。十四年在江木翼法相下任參與官。昭和六年在法相渡邊千冬下任司法省政務次官，後歷鈴木川村小山諸法相，至九年始辭職。氏性情溫厚，缺乏鬥志，然亦唯其缺乏鬥志，故無敵人。資質靈敏，前得山本達雄，松田源治提挈之力甚多。隸民政黨籍，爲若槻系人物。任議員職，已達五次。現除任議員外，仍業律師，然業務不振，終年常苦囊空云。

## 八幡博堂 (Yahata, Hakudo)

——前日本國民黨書記長明治三十一年生高知縣人——

早歲肄業日本大學，因熱心社會主義除名。後與頭山滿相接，交往既久，而思想亦改變。在國士館中途退學後，出國來華，擔任青島新聞記者。不久，仍輟業歸國，擔任信濃民報總編輯。自此遂努力於國家主義運動，首先組成者爲信州國民黨（昭和四年五月創立），後擴展而爲日本國民黨（同年十一月創立），由頭山滿內田良平任顧問，寺田稻次任執行委員長，而氏任書記長，此爲日本主義政黨之嚆矢。後爲發展計，於昭和七年十一月併入大日本生產黨，遂成爲該黨中心人物之一。

三上參次 (Mikami, Sanji)

——貴族院議員文學博士慶應元年生東京府士族——

氏原爲兵庫縣人幸田貞助之第三子，後用繼三上勝明，因改今姓。明治二十二年卒業於東京帝大文科後，又入大學院研究。二十四年任母校講師，翌年任助教授並兼東京女子高等師範教授，三十二年得文學博士學位，四十一年依勅旨爲帝國學士院會員。嘗出席德國萬國東洋學會及比國萬國學士院會議。多年從事于日本史料及日本古文書之編纂，曾任天皇侍講及臨時帝室編修館長，成明治天皇御紀一書，獲賜旭日大綬章。現爲貴族院議員（昭和七年勅選），東京帝大名譽教授，史蹟名勝天然紀念物保存會會長，維新史料編纂會委員，國寶調查會委員。氏思想頑固，性好書畫，音樂。廣田林雨內閣，嘗邀任文相辭不就職。（氏爲國本社社員林雨內閣之用入如結城鹽野田邊池田等多由該社社長平沼所推薦而氏亦被平沼認文相之適任者）去年五月特別議會時，出席演說，謂中國妄自尊大，僭稱中華民國，而我方竟以中華呼之，冒瀆我國體之尊嚴，莫此爲甚，此後應改稱支那，以正其名。當時我國留日學生嘗決定組織三上事件交涉委員會，著論以糾正之。而本年三月之

七十議會，氏又舊事重提，堅執其應改稱支那之謬說。其思想荒謬頑固，於此可見。

(註)民初改元時，日人即以中華二字含有自大之義，著爲論說，妄肆非難。故在民國十八年以前，彼邦致我公文，均稱「支那民國」，民間亦均以支那相呼。十八年幣原喜重郎執政，始依名從主人之例，稱我中華。

三宅川百太郎 (Miyagawa, Hyakutarō)

——前三菱商會社理長日華貿易協會理事明治二年生愛媛縣人——

明治二十五年東京高等商業學校卒業，即入三菱合資會社供職。嗣後歷任神戶大阪代理支店長，高砂製紙所副經理，漢口、上海、北京各支店長，本社營業部副部長兼若松支店長船舶課長及東洋課長。及三菱製鐵所成立，任常務理事，後經三菱造船會社常務理事，至大正八年升任三菱商會社理事長。近年兼職甚多，其重要者為日本生絲會社總經理，三菱製鐵，三菱航空機，東亞興業各會社理事，三菱重工業會社董事，商工省貿易局顧問。彼為一深通中國情形之實業家，個性甚強，忠於職務，去年已辭去理事長職。本年三月曾代表三菱，參加遣華經濟考察團，來我國視察。弟保一，為三菱信託會社常務理事，兄弟皆三菱財閥之忠臣也。

## 三室戶敬光 (Miurakoto, Keiko)

——貴族院議員子爵明治五年生京都府人——

明治三十一年明治法律學校卒業，經高等文官考試合格，歷任宮內省書記官，皇宮主事，御歌所主事等職。大正十四年被互選爲貴族院議員，任職迄今。在齋藤內閣時，商相中島久萬吉因贊揚足利尊氏（足利爲八百年前之諸候，曾以刀脅天皇，迫其承認己意）氏斥爲狂妄迫其辭職。及昭和十年「國體明徵問題」發生，氏在貴族院繼菊池武夫後，力向岡田首相進攻。一般均認爲彼與法西斯分子有關，且懷倒閣之陰謀，然據彼自白，完全出於獨自之正義觀念。其在貴族院研究會，與渡邊千冬同具有元老之資格，思想頑固。彼自壯年卽供職宮內，現仍兼任宮中顧問官，對歷代天皇陵墓及事蹟，均有甚深研究，其尊皇思想特強，可知非偶然也。此外，彼現又兼任爲東京高等音樂院長，盡力於音樂界，善歌謠，能繪事。

三輪壽莊 (Alwa, Iusho)

——社會大眾黨中央執行委員明治二十七年生福岡縣人——

大正九年東京帝大法科卒業。在一高時代嘗爲中學會（校風維持團）會長，全寮委員長，有小英雄之目。東大卒業之前一年，思想發生轉變，加入赤克松麩等所組織之新人會。出校後，一方執行律師業，一方從事社會運動（嘗參加麻生久之鼓動礦山罷工運動）。大正十四年參加政治研究會之創立式，並被舉爲中央委員。十五年勞動農民黨創立時，任第一屆書記長。昭和四年脫離該黨而協助日本勞農黨之組成，又被舉爲書記長。昭和七年由全國大眾黨書記長而轉入社會大眾黨，任中執委，以迄於今。十一年二月總選時，任該黨對國策委員長，頗爲活躍。氏因熱心運動故，嘗發生家庭經濟上之破綻，然仍不屈不撓，奮勇前進。對農村問題，社會問題，均有研究。性格溫厚，而意志堅定，爲無產政黨中最負時望之人物。譯有考茨基之社會民主黨綱領解說。

下中彌三郎 (Shimonaka, Yasaburo)

——平凡社社長大亞細亞協會幹事明治十一年生京都府人——

生於以製陶兼農耕爲業之貧家，三歲喪父，在小學肄業三年即輟學，從事製陶工作，以助家計。願彼於勞作之餘，仍未忘讀書，苦志自修，二十一歲至神戶，充當小學教員。二十五歲至東京，刊行兒童新聞，旋又發行社會思想雜誌啓明。明治四十四年經中等教員檢定考試合格，分發崎玉師範學校服務。自是度其教師生活，至大正七年始脫離，乃組織教員組合「啓明會」，此爲日本最早之薪給勞動者組合，而氏之從事社會運動亦自此始。大正十一年努力於全國勞動組合之總聯合，未成，心灰意懶，乃退而投身出版界，創立平凡社，以圖廉價通俗圖書之普及。九一八事變發生後，法西斯團體勃興，如雨後春筍，氏怦然心動，謀樹立新黨，會赤松克麿轉向國家社會主義運動，於是與之提攜，籌立日本國民黨，願甫告垂成，而發生衝突，遂自行創立新日本國民同盟，被舉爲委員長。然不久即退出，而該同盟之資金亦因此陷於拮据。昭和八年三月，松井石根，建川美次等發起大亞細亞協會，發行機關雜誌「大亞細亞」，揭亞細亞洲各國之聯合，推日本爲領袖，以氏素擅

【三畫】 下中彌三郎

文名，使爲表面主持之人物。

## 工藤鐵男 (Kudo, Teisuo)

——衆議院議員民政黨總務明治八年生青森縣人——

早歲卒業日本大學後，歷任二六新聞及日本新聞記者。明治四十四年爲研究新聞事業漫遊英、法、德、美諸國，大正三年入倫敦大學學習政法。歸國後歷任日本大學講師，東京齒科醫專教授，共立女子職業專校講師等職。大正十三年以來，由其故鄉青森縣當選爲衆議院議員，今已五次，隸民政黨籍。青森本爲政友會之地盤，而彼竟能連獲勝利，蓋於選舉戰術頗爲高明，每年必歷訪選民，以資聯絡。今白髮滿頭，而鬥志依然洋溢，故雖非深通財政，然在歷屆議會之豫算總會中，爲不可或缺之人物，此因善能細心觀察，乘隙進攻。昭和六年若槻民政黨內閣時，曾任文部省參與官，現在黨中任總務之重職，係町田總裁直系人物。

大川内傳七 (Okawachi, Denshichi)

——駐滬日本海軍特別陸戰隊司令官海軍大佐明治十九年生佐賀縣人——

海軍大學校卒業。歷任海軍兵學校教官，砲術學校教務長，海軍大學校教官，木曾淺間比叡各艦艦長。其任木曾艦長時，適值一二八戰爭時，担任陸軍部隊之輸送。昭和十一年十一月，繼近藤英次郎後任現職。與氏同時調充該陸戰隊參謀長之武田勇中佐係一二八戰爭當時出雲艦之砲術長。

## 大川周明 (Okawa, Shunmei)

——前神武會會長法學博士明治十九年生山形縣人——

鹿兒島第七高等學校卒業後，升入東京帝大，明治四十四年卒業印度哲學科。大正八年入滿鐵東亞經濟調查局，昭和四年任該調查局理事長。氏在日本法西斯運動上乃偉大之領袖，今日本各急進法西斯團體之徒衆，未蒙彼之援助者殆甚鮮，而其名之著則始自猶存社成立時。歐戰末年馬克斯主義之社會思想，瀰漫三島，氏深致憂慮。大正八年偶見僑居滬上之北一輝氏所著日本改造法案大綱原稿於滿川龜太郎處，大受感動，乃專誠赴滬，迎北氏歸國，共同組織猶存社。名稱出自陶淵明「雖三徑就荒，松菊猶存」句。社之精神，一以北氏法案爲本。九年發行機關雜誌雄叫，以號召同志，猶存社爲日本法西斯運動史上重要之存在，可無待說。其後北氏與彼發生意見衝突，遂於大正十二年解散。翌年糾合滿川等合組行地社，其名乃取「則天行地」之義。氏任總務委員長，滿川任主事，主張與猶存社同。迨昭和六年三月又以行地社青年部，津久井龍雄之急進愛國黨，八幡博堂之日本國民黨等爲中心，結成「全日本愛國共同鬥爭協議會」。及秋，並與赤松克麿一派提攜，籌

【三畫】 大川周明

設日本社會主義研究所。昭和七年二月乘總選舉時，集菊池武夫中將，實業家石原廣一郎滿鐵理事河本大作等，本神武建國精神，企圖實行改造日本，而結成神武會，聲勢盛甚。是年發生五·一五事變，氏因供給資金及武器關係，被捕下獄。九年十一月保釋出獄。十年二月，神武會解散。其刑事部分，此數年中經三審結果，判處徒刑四年，去年二·二六事變後入獄，乃開始執行判決書。氏在軍部內所佔勢力甚大，少壯派對於其理論，恆與其鳴。其所著復興亞細亞諸問題，與北一輝之日本改造法案大綱同為青年將校最愛讀之書。此外著作尚有特許植民會社制度研究，日本精神研究，日本及日本人之道，日本的言行等。

## 大谷登 (Orani, Noboru)

——日本郵船會社社長日華貿易協會理事明治七年生福井縣人——

明治二十九年東京高商卒業，即入日本郵船會社，服務於倫敦澳洲南亞各地支店。後歷任新嘉坡駐在員，香港支店次長，加爾各答，紐約，倫敦各地支店長。大正十二年任專務理事，昭和四年任副社長，十一年繼各務鎌吉後昇任社長。前曾參加世界船主會議及世界海事委員會，担任日本船主代表，並參加世界商會聯合會及世界海法會議，担任日本委員。現除任郵船會社社長外，兼任東京商工會議所常任議員，資源審議會委員，及近海汽船，日清汽船，海外興業各會社理事。氏資性靈敏，長於計理，在高商時代，即優秀過人，畢業時學校當局擬留校使任教職，然彼卒婉辭，而願爲郵船會社之一小職員。經四十年之努力，卒達今日之地位。然其間得先輩同學各務之援助獨多，故彼存在模仿各務之所爲，如態度之冷淡，任事之勇敢，手腕之潑辣，皆取法於各務者。本年三月日本派遣來華之經濟考察團，彼爲團員之一。

大河內輝耕 (Okochi, Kiko)

—— 貴族院議員子爵明治十三年生東京府人 ——

祖先世受封上州高崎，食祿八萬二千石，輝耕之第三子，明治十七年授子爵。早歲肄業學習院，三十八年東京帝大法科卒業。出校後，供職大藏省，歷任主計課長，專賣局主事，大藏省參事官兼專賣局參事，東京地方專賣局長等職，其間又嘗奉派出差歐美。互選當選爲貴族院議員，今已二次，屬研究會系。氏在大藏省服務甚久，故於財政問題，頗有心得，每屆議會常担任財政質問，以潑辣動人稱。平時好讀書旅行。妻國子，爲公爵德川慶光之伯姑。

## 大藤唯男 (Ogata, Taduo)

——衆議院議員民政黨常務顧問明治二十二年生熊本縣人——

大正三年東京帝大法科政治學系卒業。歷任山梨、山形、神奈川各縣警視，山形縣理事官，內務省事務官及書記官，外務省書記官，內閣總理大臣秘書官等職。與唐澤俊樹交誼甚厚。唐澤嘗謂「大藤表面雖似安閑，實則爲苦勞之人」。大正十三年以來，當選爲衆議院議員，迄今已達五次。昭和四年濱口內閣成立時，任文部省參與官，六年退職。前曾遊歷西伯利亞中國各地。在民政黨中深爲町田總裁所器重，曾二度任幹事長之要職，現任常務顧問。氏爲官僚出身，其政黨生涯之歷史尙不甚久。然在黨中既曾二度担任幹事長職，而在昭和七年民政黨多難之時（註），又多所盡力，故今成爲最高幹部之一人。除總裁町田忠治及永井柳太郎，櫻內幸雄三巨頭外，彼在黨中殆爲最重要之人物。性情溫和而態度積極，足以增長黨內明朗清新之空氣。

（註）昭和七年爲民政黨多難之一年。井上準之助被狙擊殞命，江木翼逝世，山道，古屋及其他二十餘名之同志，隨安達謙藏以去。幹事長小山松壽憂慮之餘，半白之頭竟致全白。時揆

【三畫】 大麻唯男

二二

助小山，盡力護黨者即爲大麻。被與安達感情本不惡，然彼不僅不參加安達之新黨，且毅然爲民政黨而奮鬥，於此亦足見其政治信念之堅實。

## 大橋信吉 (Ohashi, Nobukichi)

——日本勸業銀行副總裁明治十六年生岡山縣人——

明治四十四年東京帝大政治科卒業。出校後，卽入勸業銀行服務。昭和二年馬場鐵一與石井光雄就正副總裁職，氏由放款課課長，一躍而爲理事。其時：行中位居氏上者，頗不乏人，而氏得特蒙拔擢者，蓋食忠於職務之報也。昭和十一年三月廣田內閣成立，馬場出任藏相，石井升爲總裁，而所遺副總裁一席，由氏任之，外界頗有引以爲異者，蓋從來勸業銀行之慣例，正副總裁，必由行人調充，此次則特破向例，由行內人員升用，可謂劃時期的人事更動也。性情靜默，態度親切，從不黨同伐異，自樹門閥，對上不諂，對下不倨，惟孜孜於自身之職務，故信用頗厚云。

小久保喜七 (Kokubo, Kishichi)

——貴族院議員政友會顧問慶應元年生茨城縣人——

氏自幼師事中島撫山，習漢學。二十歲以前即從事鼓吹自由民權思想，後曾一度入獄，得無罪釋放，乃參加後藤新平伯之「大同團結」。曾爲茨城縣縣議會議員及副議長，明治四十一年以來，曾六度當選爲衆議院議員。前曾任遜信省參事官，自由通信社及台灣通信社各社長，現任貴族院議員，爲交友俱樂部（政友系團體）之指導人物，年事雖高，而鬥志未衰，本年二月之七十議會中，對政府提出人權蹂躪問題，謂前年之府縣議員選舉，去年之衆議院選舉，青森兒鹿島等十餘縣，對有選舉舞弊嫌疑者，竟用水灌鼻用火箸烙額等等酷刑拷問，希望現內閣對此種蹂躪人權之警官予以處分，並以後應採取根本消除之道。氏本係自由黨（明治二三）以來之政友會宿將，今仍任政友會顧問職。此外並爲大東文化協會理事，小田原急行鐵道會社理事。號城南，能漢詩及書畫。

## 小山松壽 (Koyama, Shoji)

——名古屋新聞社長衆議院議員明治九年生長野縣人——

氏爲小山與右衛門之長子，幼年師事中江兆民，明治二十八年卒業於早稻田大學前身之東京專門學校法律科。出校後，任大阪朝日新聞記者，遊歷華南一帶，其所寄關於中國情形之通訊稿，爲時所稱。後轉任該報名古屋支局長，明治三十九年買收當地中京新聞，改稱名古屋新聞，自任社長，獨立經營。大正四年以來，當選爲衆議院議員，迄今已達八次。隸民政黨籍，爲若槻（禮次郎）系人物，在黨中頗有地位。大正十三年加藤（高明）內閣時，曾任農林省政務次官，並兼都市計劃中央委員會委員，米穀調查委員會委員等職。昭和五年十二月至六年三月（第五十九議會時）被舉爲衆議院副議長。氏頭腦清明，體格壯健，演說時聲音宏大，從事政治工作雖已歷多年，然依然保持新聞記者之風度。

【三畫】 小池四郎

二六

小池四郎 (Koike, Shiro)

——國家社會黨黨員明治二十五年生東京府人——

書家小池淡武之第四子，畢業開成中學、第一高等學校及東京帝大探礦科。大正六年入鈴木商店，任九州木屋瀨炭鑛長。十一年加入日本工人俱樂部，任理事，與安部磯雄相識。十五年社會民衆黨成立，參加結黨式，後被舉爲該黨常委。昭和七年由福岡縣第四區舉爲衆議院議員。是年亦松克騰脫離社會民政黨，氏隨之俱去，並加入赤松所組織之國家社會黨，遂成爲法西斯陣營中之人物。昭和十一年總選時落選。彼在一高時代，以柔道馳名，嘗力斥軟性文學，謂足以敗壞校風，時與同級學友菊池寬，久米正雄，芥川龍之助，倉田百三等齟齬。

小泉又次郎 (Koizumi, Matajirō)

——衆議院議員民政黨院內總務主任慶應元年生神奈川縣人——

氏爲小泉由兵衛之次子，曾任中學教師，橫須賀貿易新聞編輯，橫須賀市議會議員及議長，神奈川縣議會議員，橫須賀市長。當選爲衆議院議員迄今已達十次，並曾被舉爲副議長。在民政黨十年野黨之困苦時期，任幹事長職，奮鬥不屈。昭和四年濱口內閣成立，擢爲遞信大臣。及濱口被狙，若槻禮次郎膺命組閣，氏仍連任，至六年十二月辭職。昭和九年六月重任橫須賀市長，後告退。氏常自稱爲「野人」，蓋素性淡泊，與一般政界策士異其旨趣。然每遇民衆運動發生，氏輒爲先驅，與青年伍，而忘其年事。本年二月中旬，林銑十郎組閣完成，議會續開，氏作第一陣之質問，關於立憲政治，自主外交諸問題均提出質疑之點，並追問林首相當組閣之際要求入閣者脫離黨籍其理由何在？而林之答辭頗爲模糊，謂要求脫黨乃爲適應日本特獨之立憲政治。氏已年逾古稀，爲可不多得之純情的老政治家。

小原直 (Kohara, Naosu)

——貴族院議員明治十年生新瀉縣人——

明治三十五年東京帝大法科卒業。歷任東京地方裁判廳推事，千葉及東京地方裁判所檢察官，司法省參事官，長崎控訴院首席檢察官，大審院檢察官等職。大正十年奉派考察歐美司法制度。昭和二年四月任司法次官，六年任東京控訴院長，九年七月岡田內閣成立舉爲司法大臣，十一年二·二六事變後，隨岡田辭職，旋即救選爲貴族院議員。當昭和十年國體明徵問題初發生時，氏在司法大臣任內，毅然主張司法權之獨立，頗博得好評。本年初，有馬賴甯，山崎達之輔，後藤文夫等策動設立新黨運動，氏亦爲參加之一分子，而最引人注意者則爲林銑十郎亦側身其間。故當林氏組閣之初，嘗有重任法相之謠，然以過去對於國體明徵問題見解不同之故，竟未實現。

小島新一 (Kojima, Shinichi)

——商工省工務局長明治二十六年生茨城縣人——

大正七年東京帝大政治科卒業，經高等文官考試合格。歷任農商務省參事官及事務官，商工省書記官兼商工大臣祕書官，商工省工務局工務課長，大臣官房文書課長，特許局事務官等職。昭和十年五月升任鑛山局長兼臨時產業合理局第二部長。十一年十月繼岸信介後任工務局長。氏爲前次官吉野信次幕下之寵兒，主張統制經濟之健將，頭腦綿密，部下信服，據云有次官希望。惟力量手腕，似均不足。

小幡西吉 (Ohata, Torikichi)

——貴族院議員前駐華公使明治六年生石川縣人——

明治三十年東京帝大法科卒業。翌年合格外交官及領事官試驗，卽任天津候補領事。嗣後歷任新嘉坡，維也納，倫敦各地候補領事，駐華使館三等書記官，（明治卅八年一月），芝罘領事（同年八月），天津領事（明治四十年）及總領事（明治四十二年至大正三年），駐華使館一等書記官及參事等職。大正五年歸國，任外務省政務局長兼捕獲審檢所評定官，七年擢爲駐華公使，十四年調升駐土耳其大使，昭和五年轉任駐德大使，八年調回外務省，九年勅選爲貴族院議員，任職迄今。氏駐華甚久，民國四年之二十一條件交涉（時任一等書記官）民國八年之山東交涉（時任公使）均當折衝之任，態度傲慢，出詞無理，予我國人以極惡劣之印像，故十七年再渡使華，我國遂未予以同意，而至中止。本年三月林內閣成立後以同鄉舊知關係，力促其出任外相，氏以體弱爲詞，堅辭不受，實則因環境關係，恐所懷抱之大陸政策未必能如期實現，故不肯登臺也。

山本厚三 (Yonamoto, Koza)

——衆議院議員民政黨顧問明治十四年生長野縣人——

明治三十六年東京高商卒業，經營海運水產農林業，曾任北日本汽船會社及小樽倉庫會社理事，小樽信託會社經理，小樽市議會議員，小樽商業會議所會長。大正九年以來由北海道區當選爲衆議院議員，今已六次。昭和四年曾任鐵道省參與官，現任文部省政務次官，氏在官界不甚著名，然在民政黨中有相當地位。此因彼一方面爲北海道之財主（係多額納稅者，年納直接稅一五八一圓），固不愁政治資金之缺乏，他方面亦因其性情闊達明朗，和藹可親，充滿朝氣。故前途頗有希望云。性好書畫。

山本悌二郎 (Yamanoto, Teijiro)

——政友會顧問明治三年生新瀉縣人——

明治十九年卒業東京德意志協會學校後，卽赴德留學，進 Halle 及 Leipzig 大學，專攻經濟學及農藝化學，二十六年轉赴英國視察，二十七年歸國。歷任第二高等學校教授，日本勸業銀行鑑定課長等職。三十三年與三井財閥之益田孝等成立台灣製糖會社，任經理（後於大正十年任總理，昭和二年退職）。初時因無經驗，虧折甚鉅。彼乃赴爪哇研究製糖業，歸後重整旗鼓，卒成今日之偉業，而彼遂被稱爲台灣糖業之始祖。彼以三井爲背景，事業既固，於是轉入政界，明治三十七年以來，當選爲衆議員議員，曾達十次，然去年之選舉，竟告落選，隸政友會籍。昭和二年至四年之中內閣及六年至七年之犬養內閣，兩任農林大臣。彼在政友會中，係舊政友系人物，然獨富霸氣，不若其他之穩重，故邇年來遂爲改革派之領袖。昭和十年岡田內閣時之國體明徵問題，彼與久原房之助等聯合法西斯黨徒，爲排擊最烈之份子。彼以爲「天皇機關說」，不懂侵犯天皇之尊嚴，且「干犯帷幄大權」，可影響及海陸軍，與少壯軍人遙相呼應。氏與鈴木總裁感情素不相洽。本年二月

間鈴木引退問題之發生，彼實爲策動最力之人。性善怒，喜直情徑行。與少壯軍人雖有來往，然向  
主政黨主義，蓋彼惟對現狀則深抱不滿耳。前外相有田八郎其同胞弟也。

山本實彥 (Yamamoto, Sanchiko)

——改造社社長明治十八年生鹿兒島縣人——

氏爲山本莊之助之長子。早歲肄業於本縣川內中學，旋赴琉球，任代用教員，後又卒業東京法政大學專門部。出校後，卽入新聞界，歷任門司新報主筆，大和新聞倫敦特派員，東京每日新聞社長等職。大正八年設立改造社，發刊改造雜誌。其時正日本左傾思想最盛時期，左翼作家之論著，他雜誌所不敢發表者而改造輒爲登載，因是銷數大增，奠定爲日本第一流雜誌之基礎。其後遭當局之忌，檢查甚嚴，氏始終以不屈不撓之精神應付之。後發明「圓本」（卽定價每冊一圓之叢書）獲利甚厚。然氏既懷多金，思想行爲不復如前時之新銳發奮矣。好旅行，數至我滿蒙及南北各地，常以其遊紀感想等發表於其主宰之改造雜誌。比與我文化界及政界人士交友甚多。去年二·三月間來我國時，曾謁見蔣委員長。今年一月間又來京滬考察，據氏謂此行目的，在無論如何不望中日兩國以干戈相見，且日本民衆實不欲戰，中國之能自強，亦日本之福。而我國人士對氏之意見，則頗加懷疑，以爲不過藉以緩和中國民衆抗戰之情緒耳。然氏爲接近自由主義之學者，對軍部不滿，亦爲

事實。性豪邁，善飲酒，現已兩鬢如霜矣。著有我觀南海，蒙古等書。

【三畫】 山本實彥

三五

山本鶴一 (Yamanoto, Tsuruchi)

——預備役陸軍中將明治八年生島根縣人——

士官學校第十期及陸軍大學卒業，曾參加日俄戰役，授四等金鷄勳章。歷任教育總監部附，陸軍戶山學校校長，步兵學校校長，第十八師團團長。藩變未發生前，任職第十六師團，駐紮東北，因力圖暴動，於京都之大丸吳服店，開反日每日展覽會，蠱惑民心，致釀成九·一八後大禍。昭和八年三月編入預備役。在陸軍中以任校長多年，奔走其門下者甚多云。

山田乙三 (Yamada, Otsuzo)

——陸軍中將第十二師團長明治十四年生長野縣人——

士官學校第十四期騎兵科及陸軍大學卒業。歷任騎兵學校教官，騎兵第二十六聯隊長，朝鮮軍參謀，參謀本部課長，陸軍大學教官，騎兵學校教務長，陸軍通信學校校長，參謀本部第三部長及總務部長。昭和八年轉陸軍士官學校校長。十二年三月陸軍人事定期移動調爲第十二師團長。氏爲歐洲通之騎兵將校，身材不甚瑰偉。近年以來，青年軍人思想複雜，氏長通信士官兩校時，發揮行政手腕，確定教育方針，誘導學生使入正軌，世人頗以此多之。

【三畫】 山田龍雄

三八

山田龍雄 (Yamada, Tatsuo)

——大藏省造幣局長明治廿六年生高知縣人——

大正七年東京帝大法科卒業，在學時代，即合格高等文官考試。歷任水戶京橋各稅務署長，名古屋稅務監督局間接稅部長，東京稅務監督局經理部長及間接稅部長，銀行檢查官，大藏省存款部監理課長等職。昭和九年五月調主稅局預算決算課長。十一年三月馬場鑓一出任藏相，主張增稅，增發公債，以應付非常時財政，四月，於更調屬員之時，擢為主稅局長。自此途在馬場幕下策劃一切，空前之增稅案，即爲其所草擬。本年二月結城豐太郎繼任藏相，以賀屋興宣爲藏次，復調石渡莊太郎重任主稅局長，氏則改任造幣局長，實寓敬遠之意也。

中山治三郎 (Nakayama, Jisaburo)

——與中公司鹽務部長明治三十年生于葉縣人——

大正十年東京帝大法學部卒業，即服務橫濱正金銀行，翌年轉入政界，歷任奈良，玉造、淀橋各稅務署長等職。昭和七年以專賣局副參事銜任福岡地方專賣局事業課長。十一年五月升任局長。本年受上官之勸諭，轉入滿鐵傍系會社以開發華北爲任務之與中公司，担任鹽務部長職。

中谷武世 (Nakatani, Takeyo)

——大亞細亞協會代表人——

氏爲上杉愷吉門下最有名之人物，前與行地社，日本與國同志會等均有關係，昭和五年與高島門下之津久井龍雄等共創愛國勤勞黨，後高島系分子因與氏意見不洽，先行退出，氏仍留任論說部長，但不久亦離黨。七年一月平凡社社長下中彌三郎組織日本國民社會黨準備會，氏任宣傳之職。五月下中創立「新日本國民同盟」，氏爲中央常任委員之一。是年並担任法政大學講師，同時於各雜誌上發表論文，宣揚國家社會主義。邇年來又與下中成爲大亞細亞協會之幹部人物，甚爲活動。昭和九年五月「維新懇話會」之設立，下中與氏其主動分子也。大亞細亞協會爲松井石根大將所創立主宰，所標榜者爲大亞細亞主義，其機關雜誌亦曰大亞細亞主義。

中村良三 (Nakamura, Ryoza)

——海軍大將明治十一年生青森縣人——

氏爲中村春臺之次子，明治三十四年及四十三年先後卒業海軍兵學校及海軍大學，歷任第二艦隊參謀長，第一水雷戰隊司令官，海軍軍令部參謀，海軍大學校校長，第二艦隊司令長官，佐世保鎮守府司令長官。昭和九年五月升任軍事參議官兼艦政本部部長，同時晉級大將。氏與末次信正同期卒業，與薩岡之財部彪派異趣。關於用兵作戰，尤以空中戰爭，爲日本海軍中屈指之將材，與末次之潛艇戰術並稱爲水戰雙璧云。

中島彌團次 (Nakajima, Yadanji)

——民政黨系衆議院議員明治十九年生高知縣人——

明治四十五年東京帝大法科政治學系卒業，經高等文官考試合格。歷任專賣局書記，副參事及參事，大藏大臣祕書等職。昭和四年七月濱口內閣成立，任濱口總理大臣祕書官，六年四月若槻內閣成立，轉任鐵道省參與官，同年十二月辭職。去年四月在廣田內閣馬場藏相下任爲大藏省政務次官。當選爲衆議院議員，今已四次，隸民政黨籍，曾任總務職。彼向爲濱口之心腹，濱口歿後，對若槻亦頗忠心。近年來熱心研究政治學。於經濟問題有相當造詣。

井口貞夫 (Iechi, Sadao)

——外務省調查局第五課長明治三十二年生和歌山縣人——

初肄業於東京商科大學，後又留學英國（大正十一年）。大正十五年任北京日使館館員，昭和五年任駐上海副領事，八年任駐紐約領事，十年七月任駐芝加哥領事。十一年十二月日政府於外務省東亞局內增設一課，專司對華經濟提攜，調氏任該課課長。該課因預算關係，定名為調查局第五課，然實則歸屬東亞局，作為日本對華經濟工作之參謀本部。

【四畫】 今田新太郎

四四

今田新太郎 (Imada, Shintaro)

——陸軍少佐偽滿軍事顧問——

士官學校第三十期步兵科及陸軍大學卒業。歷任參謀本部中國班研究員（昭和二年），北平張家口特派員（昭和四年），奉天軍事顧問（昭和四年至六年），關東軍司令部附（九・一八事變時），地誌班班員（昭和七年），中國班班員（昭和七・八年）。民國廿二年冬季借辻政信，佐方繁木二人，赴新疆偵察軍情。昭和十年一月調充步兵第四九聯隊附，十一年派任關東軍參謀兼偽國軍事顧問。是年冬間，伴同石原莞爾往來東北及察綏邊境，指導匪偽作戰。思想激烈，與長勇，池田純久等同屬清軍派（真崎派）之少壯將校。神兵隊事件時，曾以親佩手槍交給叛徒云。

今村信次郎 (Imamura, Shinjiro)

——海軍中將明治十三年生山形縣人——

氏爲米澤藩士今村瀧二郎之次子，明治三十五年及四十四年先後卒業海軍兵學校及海軍大學。曾任海軍省副官，海軍大臣祕書官，駐德駐英武官，軍令部參謀，第一艦隊參謀，新高艦長，橫須賀鎮守府附，海軍大學校教官及教務長，海軍技術本部技術會議議員，日向艦長，東宮侍從武官，軍令部出仕，舞鶴要港部司令官，佐世保鎮守府司令長官等職。氏在日俄戰爭時，以中少尉從軍三笠旗艦，歐戰時，加入英國大艦隊參加實戰，爲日本海軍中具有戰事經驗之將材；超然於財部派及加藤派。

內田良平 (Uchida, Ryohai)

——黑龍會幹事大日本生產黨總裁明治七年生福岡縣人——

氏與頭山滿齊名，同爲所謂浪人志士之先輩。自明治三十四年組織黑龍會以來，凡民間對於國家重大問題所起之運動，無役不從。黑龍會創立于中日戰後，蓋以謀雪「三國干涉遼遼」之恥辱，期亞細亞民族之興隆爲目的。故從事研究中國俄國朝鮮等國之國情，且以養成爲國出力之戰士。自後三十餘年來，日俄戰役，日鮮合併運動，阻止中國革命，僞滿獨立，廢棄華府倫敦兩海軍條約運動，華北僞自治運動，無不有黑龍會之份子活躍其間。氏一生專事攻擊俄國外交，努力所謂大亞細亞主義之實現。在創立黑龍會之前，已露頭角。明治二十七年，朝鮮東學黨亂起時，嘗組織「天佑俠團」，潛入朝鮮內地，投奔東學黨。明治三十九年，任朝鮮統監伊藤博文之幕賓，彼一面與「進會會長李容九及朱秉燮暗中提攜，發起請願日鮮合併運動；一面復與杉山茂九聯爲一氣，力促桂太郎決定實行合併之意志。明治四十二年，伊藤被刺身死後，彼亦嘗迭經險阻，然依然頑強猛進。翌年卒見日鮮合併之實現，日人以此爲氏不世之功。氏又嘗與頭山滿合力庇護印度革命志士波司氏

，其用心亦不外欲乘機伸展日本帝國之勢力于印度。及九一八事變起後，氏召開國民大會，攻擊國聯，同時復組織大日本生產黨（昭和六年十一月二十二日成立），推頭山滿爲顧問，形成日本法西斯運動之中心勢力。昭和八年七月發生神戶兵隊事件，主動者即爲該黨中央常任理事鈴木善一，事後黨員繫獄者甚多，而該黨聲勢亦自此陡衰。氏自此臥病迄今，未聞有何活動。性豪爽，在其左右常集有多數同志，皆富于義氣者，苟爲彼出力，雖赴湯蹈火亦所不辭。

【四畫】 太田正孝

四八

太田正孝 (Ota, Seiko)

——政友會衆系議院議員明治十九年生靜岡縣人——

明治四十五年東京帝大法科經濟學系卒業。歷任板橋稅務署長，神戶稅關總務課長，大藏省主計官等職。大正八年以乃岳報知新聞社長三木氏之關係，遂轉任該報副社長，以雄健之筆撰述社論；同時又聘菊池寬久米正雄等第一流小說家爲特約撰述，與大朝大每相競。後退社自行發刊雜誌。昭和五年之總選，當選爲衆議院議員，連任迄今，與大口喜六堀切善兵衛等同稱爲政友會中之財政經濟專家。昭和六年十二月任大藏省參事官，七年五月辭職。現除議席外兼任早稻田中央大學等校講師。衣服華麗，一見爲時流少年。彼由官吏而入新聞界，又由新聞界而從事政治活動，始終富有新鮮活潑之氣象。前曾兩渡歐美，民國二十四年六七月間曾漫遊我國各地。著有保稅制度論，經濟讀本等書。

## 太田覺眠 (Ota, Kakumen)

——內蒙喇嘛教青年會會長安政三年生三重縣人——

氏原爲三重縣四日市東本願寺住持。明治三十六年赴海參崴，充該地本願寺之僧侶，從事當地居民及日僑間之佈教事業。日俄戰爭時，冒朝鮮人之名，刺探俄國軍情。以後續留該處。與蒙古人往來尤密。著有蘇蒙辭典。與廣田弘毅爲舊交。昭和十一年六月應外務陸軍拓務三省及關東軍之召，潛赴東蒙茂林喇嘛廟組織喇嘛教青年會，自任會長，以盡惑蒙民。

【四畫】 太村清一

五〇

太村清一 (Omura, Seichi)

——內務省警保局長明治二十五年生岡山縣人——

大正六年京都市大法科卒業。歷任鹿兒島縣揖宿郡郡長，東京市府主事及庶務，財務，文書，調查各課課長，京都府，復興局各事務官，昭和三年任內務省事務官。後由地方局地方債課長轉財務課長，去年復由長野縣知事調為地方局長，本年二月河原田稼吉任內相後，調為警保局長。氏深通財政，性情明朗細心。河原田此次就任後之人事調動，一般頗譏其派閥之見甚重，而對於非其同一系統之氏予以警保局長之重職，認為一特色。氏在警界僅於唐澤俊樹任警保局長任內，暫代保安課長，其手腕如何，尙屬疑問。

## 水谷長三郎 (Mizutani, Takashuro)

——社會大衆黨系衆議院議員明治三十年生京都府人——

大正十年京都帝大法學部法律科卒業，繼又入大學院研究，出校後執行律師業務，以迄於今。彼在青年時代，即參加社會運動。大正十五年勞動農民黨成立時，被舉爲中央執行委員。昭和三年因內部意見不合，宣告脫離，率其一部分黨員另行組織勞農大衆黨，被推爲中央執行委員長，現屬社會大衆黨。其間又擔任大原社會問題研究會顧問，立命館大學講師，日本農民組合顧問。初當選爲京都市議會議員，今已二次當選爲衆議院議員。本年二月之七十議會中，嘗非難結城財政，以爲間接稅增課重於直接稅，實有害大衆生活，並謂拉攏池田成彬爲日銀總裁，恐爲實施寡頭金融之預備，結城實不啻一金融財閥之保護神耳。代無產黨向結城大聲叱責，聞者稱快。然以氏個人言，爲京都府之多額納稅者，年納直接稅多至一三九二圓，當可想見其擁有相當鉅額財產，乃從事於無產運動歷有年所，足證爲一熱血漢也。舌鋒犀利，年事正盛，其前途頗堪注目。

水野鍊太郎 (Mizuno, Kontaro)

——貴族院議員東洋協會會長明治元年生東京府人——

明治二十五年東京帝大法科卒業，二十七年任內務省參事官，嗣後歷任內務大臣祕書官，內務省神社局長土木局長地方局長及內務次官等職。大正五年寺內內閣成立重任內務次官，旋升任內務大臣。八年任朝鮮總督府政務總監，十一年加藤友三郎內閣時再任內務大臣，十三年清浦奎吾內閣時三任內務大臣，昭和二年田中內閣時任文部大臣，翌年辭職。前曾得法學博士學位，大正元年勅選爲貴族院議員，爲交友俱樂部（政友系團體）之重鎮。氏四任大臣，爲著名之老政治家，今日位居要津者，多出其拔擢，故潛勢力甚大，自成水野一系。現除議席外兼爲東洋協會會長。該會係明治四十二年由台灣協會改組而成，目的在調查中國（特別是滿洲）朝鮮台灣及其他東洋各地之一般狀況並灌輸日本海外殖民思想。其主辦事業有東京拓殖大學，大連商業學校，大連女子商業學校，旅順語學校，奉天商業學校，台灣商工學校，皆以培植殖人材爲旨趣。刊物有月刊東洋，迄今已有四十年之歷史。此外尚有調查資料及學術調查部報告東洋學報。除臨時講演會外每月舉行『東洋

現勢講演會』二次，每年夏季又舉行『海外事情講習會』一次。

【四畫】 水野鍊太郎

五三

片山哲 (Katayama, Tetsu)

——衆議院議員社會大衆黨中執委明治二十年生和歌山縣人——

明治四十五年東京帝大法律科卒業，卽回故鄉，執行律師業。大正七年移居東京，與現衆議院議員星島二郎等共設中央法律顧問所，對貧苦工農階級予以法律上之援助，不收任何費用，一面並發刊雜誌，努力於法律之社會化。大正十二年東京大震災後，星島脫離顧問所而從事於政治活動，彼仍單獨樂此不倦。及後，無產政黨組織興起，彼乃挺身參加。今日日本農民組合及社會民衆黨組織之初，均嘗利用氏昔日比谷之法律事務所以爲集議處，社會民衆黨一時且用爲臨時會所焉。大正十五年社會民衆黨成立，卽被舉爲書記長。氏溫良厚重，在黨中信望甚高，有「阿部磯雄第二」之稱，阿部現爲該黨委員長，蓋二人之人格均見重於時。昭和五年及十一年當選爲衆議院議員，其在議會之演說，和平穩妥，缺乏無產鬥士之風味，此點正與現該黨書記長麻久生相反。現除任社會大衆黨中執委，日本農民總同盟會長，盡瘁於政治工作外，仍執律師業。

## 北聆吉 (Kita, Reikichi)

——衆議院議員祖國同志會常任理事明治十八年生新瀉縣人——

氏爲日本著名法西分子北一輝之弟，卒業早稻田大學後，赴德留學，歸後任母校哲學教授。後辭職任學苑編輯，以講演及文字向青年鼓吹國家思想。大正十四年被聘爲日本新聞主筆兼編輯，昭和三年辭職。乃專心致力於右翼雜誌祖國之編輯。昭和四年集合祖國之讀者，正式結成祖國同志會之右翼團體，內分研究、出版、調查、講演等部，氏任常任理事，高倉憲任幹事長，評議員中多學者文士之流，如室伏高信，亦其一也。該會創立以後，氏以熱烈之雄辯，發揮其右傾思想，不久竟獲得十萬以上之會員。然至昭和七年四月，氏因有所感觸，忽將祖國停刊，飄然赴歐美視察。邇年來氏仍任該會之常任理事，唯表面似已不若前時之活躍。昭和十一年二月當選爲衆議院議員。氏與乃兄北一輝同以熱血漢聞名，爲法西斯陣營中有數之學者，今初登政治舞台，其活動如何，爲一般人所注意。

北島謙次郎 (Kikajima, Kenjiro)

——南洋廳長官明治二十六年生佐賀縣人——

氏爲北島憲治之長子，大正六年東京帝大法科政治學系畢業。初入大藏省，任銀行局職員，旋調福島稅務署長。大正八年至十五年任內閣拓殖局書記官。昭和二年，田中義一內閣成立，新設拓務省，乃轉調拓務省書記官，歷任大臣官房文書課長，管理局第一課長，昭和七年升爲殖產局長。其間嘗出差歐美各國，數至朝鮮滿洲南洋等地，從事調查與研究。對於南洋羣島，自委任統治領設立後，彼爲最初之實地調查員。故關於南洋方面之知識，爲日本有數之人物。昭和十一年，廣田內閣積極進行南進政策，擢爲南洋廳長官。氏頭腦緻密，性格豪放，責任觀念極強，其對南洋方面所抱之政策，頗爲軍部所信服云。

加藤久米太郎 (Kato, Kunochiro)

政友會系衆議院議員明治十七年生三重縣人——

明治四十一年日本大學卒業，任母校幹事多年。後爲內務大臣水野鍊太郎所賞識，擢爲隨從祕書，固非所志，嘗憤謂隨從祕書官，無異僕隸之類，殊不免貽妻孥羞，然水野三任內相，而彼亦三任祕書官，具見二人關係之密切。（在祕書任內三兼明治神宮造營局參事）昭和二年田中內閣時任內務參與官，六年犬養內閣時任拓務政務次官。當選爲衆議院議員今已六次，屬政友會籍。最近政友會之革新派，一爲西岡竹二郎之『鐵道旅館組』，此輩多爲無名後進，其他即爲氏所領導之一派，有前田米藏中島知久平等巨頭爲背景，勢力甚大，排擊人事專斷，力倡改組幹部，而現首腦部頗有與之共鳴者。日後政友會如行改組幹部，氏有出任幹事長之希望云。

加藤敬三郎 (Kato, Keisaburo)

——朝鮮銀行總裁明治六年生愛知縣人——

明治三十年日本大學卒業，經高等文官考試合格。歷任遞信省遞信局長，農商務省大博覽會事務官，遞信省管理局長等職。大正二年任日本勸業銀行理事，十三年任北海道拓殖銀行行長，對該兩行業務之整理，厥功不尠。昭和二年轉任朝鮮銀行（鮮銀）總裁，迄今已十年。鮮銀在朝鮮之地位，與日銀之在日本本部同，故有「朝鮮之日本銀行」之稱。歐戰後，一時曾陷不振。自氏就任總裁後，向大藏省存款部借入巨額款項，擴充營業，日見發展。其勢力不僅早已深入東北，上海天津青島及紐約亦均有其分行。昭和六年海參崴分行爲蘇聯政治保安局所封閉，氏因之怒罵幣原之軟弱外交，而與軍人相勾結。彼在朝鮮已成爲金融界之支配者，其片言隻語，且足影響朝鮮總督府之政策。富魄力，克任艱鉅，然另一方面則手段圓滑，人稱其較結城（現藏相，前興業銀行總裁）更善於逢迎。關於朝鮮及我東北方面具有豐富之知識。曾遊歷我國各地，與我國要人尤多所往返。現除任鮮銀總裁外，兼爲朝鮮工業協會會長，日本大學評議員。本年三月，日本派遣經濟考察團來華，

彼亦爲參加之一份子。

【五番】 加藤敬三郎

古河虎之助 (Furukawa, Toranosuke)

——古河鑛業合名會社總經理男爵明治二十年生東京府華族——

氏爲現古河財閥之主人。古河財閥之創業者爲古河市兵衛，京都岡崎村人，原爲小野家（與三井家同爲明治初年之財閥，掌國庫收支，七年破產）之掌櫃，從事生絲貿易，後獨立經營足尾銅山，運用新機器採掘，三年之間，獲利六百萬圓，遂成巨富，有「銅山王」之稱。市兵衛收陸奧宗光次子潤吉爲養子。潤吉留學美國，習鑛山學。明治三十六年市兵衛逝世，潤吉繼承遺產。三十八年潤吉逝世，乃由氏繼承家業。氏爲市兵衛之親生子，蓋潤吉入繼時，氏猶未誕生，及生後，市兵衛仍以潤吉爲長子。故以輩分言，氏與潤吉爲兄弟行，以家產承繼法言，潤吉爲古河財閥之第二代主人而氏則爲第三代主人也。氏於明治三十六年業慶應義塾普通部，渡美入哥倫比亞大學，研究採鑛冶金地質鑛山行政學，四十年卒業，又漫遊歐洲各國。歸國後即成立古河鑛業會社，四十四年改稱爲古河合名會社。至昭和八年三月，石炭鑛業另立會社，將銅山以下諸金屬鑛業併入而又改稱爲古河鑛產合名會社。該會社爲古河財閥之本部，資金二千萬圓，古河佔百分之九十九。古河之中心事

業爲足尾銅山，帝國生命，古河銀行，古河電氣工業，日本伸銅，日本電線等。古河財閥與政友會向有關係，已故之原敬及今日政友會長老岡崎邦輔，皆嘗任古河鑛業會社之要職，爲古河利益之代表人。此外貴族院議員中島久吉亦常爲古河張目。

平瀨愛雄 (Hirase, Yoshio)

——日本銀行理事明治十七年生大阪府人——

明治四十一年東京帝大法科德文法學系卒業，後即入日本銀行，直至於今。昭和二年金融恐慌時，氏在營業局長永池長次之下，充調查役之職，奮勉異常，早爲上級人員所矚目。後歷任北海道小樽門司名古屋各分行行長，十年九月由審查部主事擢爲營業局長。十一年夏，許爲日本銀行未來總裁而理事中佼佼者之田中鐵三郎出任偽滿中央銀行總裁後，其所遺理事一職，遂由氏升補之。氏頭腦精密，熟諳事務，蓋一典型之銀行家也。

本田忠雄 (Honda, Tadao)

——駐華使館海軍武官熊本縣人——

海軍兵學校及海軍大學卒業後，留英二年。昭和三年任第一遣外艦隊參謀長，派至我國長江一帶。六年任對馬艦長，仍繼續停留我國，研究中國事情，八年擢任海軍軍令部中國課長，十年曾來華參加武官會議，十一年十二月，繼佐藤修後調任駐華使館海軍武官。氏在中國先後達十年，爲海軍中之中國通。

【五畫】 田中武雄

六四

田中武雄 (Tanaka, Takoo)

——民政黨系衆議院議員明治二十二年生東京府人——

早歲卒業青山學院後，留學歐美。經營釀酒業，列爲兵庫縣多額納稅者。曾任岩見銀行行長，姬路銀行、廣島銀行、關西土木興業會社各理事，東京政情通信社社長。大正九年以來，當選爲衆議院議員，今已五次，屬民政黨籍。大正十三年任鐵道大臣仙石貢祕書官，旋轉外務省參與官，昭和九年岡田內閣時任兒玉秀雄拓相之政務次官。前曾數次派赴美國視察僑民，並列席萬國議會同盟會議及汎太平洋商業會議。彼爲一「情報通」，在民政黨中，雖資格尙淺，而關於政界情形之熟悉，殆爲屈指可數之人物，現與大麻唯男同爲人望所歸，將來必爲民政黨之柱石云。

## 田中清 (Tanaka, Kiyoshi)

——陸軍中佐步兵第三十九聯隊大隊長——

士官學校及陸軍大學卒業，櫻會會員，歷任陸軍省軍務局課員，近衛第一聯隊隊附及調查班班員政策班班員等職。在陸大時，曾熟讀馬克思之資本論，各種新思想均有相當研究，尤以農村問題最有深切之瞭解。日本青年將校夙有二派：一主實行，由西田稅主之，一主理論，擁氏爲指導人物。舉凡政治、經濟、思想及國防國策等問題，氏均有獨特之見解，實爲陸軍中傑出之才。（氏爲經濟國策研究所之重要會員）。昭和九年之床次遞相五十萬圓受賄事件及野島某之頒發怪文書事件，以氏有主使嫌疑，被罰「重謹慎」三日。氏在陸軍系統上爲皇道主義派，日人詔爲國防大家。昭和十年三月與池田純久同脫離中央部，調任現職。

田中隆三 (Tanaka, Ryuzo)

——樞密院顧問官明治元年生秋田縣人——

舊秋田藩士田中隆世之長男。明治二十二年東京帝大法科卒業後，即入農商務省任職。任鑛山監督官時，因與農相後藤象二郎意見不投辭職。後由衆議院書記官，法制局參事官，長崎縣書記官，重入農商省任鑛山局長，至大正八、九年山本達雄任農相時舉爲農商務次官。是時氏與藤田組已發生關係，故及次官退任後，一時雖嘗爲律師，不久即入藤田組，任小阪鑛山長，本店常務理事兼爲藤田系各會社董事。其與政黨之關係，本屬政友會，後因改革問題退出而轉入民政黨。昭和四年一月濱口總裁下，任總務之重職。是年十一月文相小橋一太辭職，濱口舉氏代之，六年若槻登台，仍連任，同年十二月退職。氏曾當選衆議員七次，然自昭和九年一月以來，已退出政界，思於實業方面過其晚年生活，最近被擢爲樞密院顧問官，實非一般人所逆料也。

田知花信量 (Tachibana, Shinyo)

——大阪每日新聞上海支局長明治三十六年生富山縣人——

大正十一年（即民國十一年）六月畢業上海東亞同文書院後，即入大阪每日新聞社東亞部，十二年調充北平支局特派員，昭和六年，轉長春迪信部。翌年偽國成立後，升任瀋陽支局長。八年擢為大每之東亞通信部副部長，九年八月繼吉岡文六後轉任大阪每日及東京日日兩新聞上海支局長。該兩報現為久原房之助及一部分軍人所操縱，對於我國時發狂論，氏即其中有力分子之一也。

【五畫】 田知花信量

六七

田邊治通 (Tanabe, Harumichi)

——偽滿參議府參議明治十一年生山梨縣人——

明治三十八年東京帝大法科卒業，經高等文官考試合格。歷任一等郵政局長，遞信省監理局書記官及事務官，遞信省參事官兼匯兌儲金局事務官，大阪遞信局長，東京地方海員審判所長，東京遞信局長等職。昭和二年田中內閣時代，因受鈴木內相之推荐，任大阪府知事，在任時恣情聲色，頗受輿論指摘。昭和七年偽「滿」成立後，以在郵政交通方面積有經驗，被關東軍邀任參議府參議，與陸軍之紫筑熊七，一文一武，操縱傀儡大權。本年一二月間林銑十郎組閣時，其組閣參謀長，十河信二推板垣征四郎（本年三月調爲第五師團長）爲陸相，氏爲遞相。板垣之出馬，受陸軍中堅份子之反對，未能實現，十河因此與林分手，而氏受板垣之指示，亦遂拒未入閣。氏與鈴木喜三郎爲腹孛親，投拜平沼騏一郎門下，性情險鷲，酒量甚宏云。

矢內原忠雄 (Yanaihara, Tadao)

——東京帝大教授明治二十六年生愛媛縣人——

大正六年東京帝大政治科卒業，並留學英德各國，專攻殖民政策，歸國後任母校經濟學部教授，以迄今茲。氏所担任專為殖民政策之講座，在日本現代中堅學者中，為關於台灣及朝鮮事情之權威者，夙負盛名，然關於中國問題，向少發表，而本年二月號之中央公論有氏所著中國問題之所在一文，其中關於中國之認識及對華外交之嚴正主張，實為近年來與論界所罕有。彼謂中國現正向民族國家發展而趨於統一之過程中，而担当此統一事業者為中國現政府，故對華政策如能與此種認識相應，則始能助中國，助日本，並助東洋之和平，為強行相反之獨斷政策，則其災禍將及後代，苦中國，苦日本，苦東洋之和平，此為中日國交調整之一大鐵則。此種認識與主張，殊值同感。著有殖民及殖民政策，殖民政策之新基調，帝國主義下之台灣，人口問題，滿州問題等書。

矢野恆太 (Yano, Tsuneta)

——第一生命保險會社總理慶應元年生岡山縣人——

氏世代業醫，爲矢野三益之長子，明治二十二年卒業於第三高等學校醫學部（現福岡醫大之前身）。出校後，卽入片岡直溫所經營之大阪日本生命保險會社爲醫員，在社凡三年，因意見不洽，辭職。是時氏痛感股份公司組織保險業之不合理，遂發刊題曰「設立非射利主義生命保險相互會社之希望」之小冊子。安田財閥之創始者安田善次郎讀此小冊子後，深爲感佩，遂採納氏之意見，創設共濟生命保險會社，並延氏爲經理。明治二十八年赴歐，專事研究德國之保險制度，又列席於比利時舉行之第一次萬國保險會議。三十年回國，任農商務省保險事務官兼保險業法起草委員。三十年保險業法實施後，被擢爲保險課長。三十五年，氏依其理想，創立第一生命保險相互會社，請現任顧問之柳澤保惠伯爵爲經理，自任專務董事，大發揮其手腕。後營業日興，至大正四年自任經理，竟成日本生命保險業界之第一人。年來，氏專心致力於第一生命及第一相互貯蓄銀行（經理）外，公私兼職甚多，關於官廳，教育，社會，俱樂部，合作事業，政治經濟，學術，鄉土事業之

職務，計在七十以上，其他如放送（廣播）協會理事等之職務，亦近二十。氏年逾古稀而精力未衰。至其著作現除主編月刊國勢圖會，（並於隔年刊行日本國勢圖會）外，單行本有補珍論語，藝妓論，日本生命之研究，複利表，稅制改革案等書。別號一言居士。在政治活動方面曾加入國本社，以資金供給右翼軍人。屢次遊歷東北，對滿投資尤積極主張云。

【五畫】 矢野恆太

【五畫】 石川準十郎

七二

石川準十郎 (Isikawa, Junjuro)

——大日本國家社會黨總理明治三十二年生岩手縣人——

大正十三年早稻田大學政治經濟學部卒業。在學生時代已出入於高島素之之門下，崇奉國家社會主義。卒業後，過其浪人生活，以迄於今。昭和六年與大川周明赤松克麿等組織「日本社會主義研究所」，發刊國家社會主義雜誌，任主幹。七年創立「日本國家社會主義學盟」，九年三月結成「大日本國家社會黨」，此爲日本法西斯團體中，理論的主張最爲整備者。該黨黨誓曰：「基於光輝燦爛之建國本義，以期君民一致無權取關係新日本之建設」。綱領之重要者有天皇制之尊重，改廢資本主義經濟組織，實行集中的統制經濟，土地資源之平等，有色人種之解放等項。是年十二月又組織「大日本勞動組合協議會」，吸引大衆以爲該黨之基礎。彼善於辭令，然非實踐家，始終爲一理論家。今日高島門下之人物，多由國家社會主義轉向爲日本主義，而尙確守高島學說之孤壘者惟彼一人而已。

## 石渡莊太郎 (Ishiwata, Shotaro)

——大藏省主稅局長明治二十四年生東京府人——

氏爲樞密顧問官石渡敏一之長子，大正五年東京帝大法科卒業。歷任稅務監督局屬副司稅官，幸橋稅務署長，司稅官，稅務監督局事務官，大阪東京各稅務監督局間接稅部長，理財局國債課長，主稅局長，二十年來均在大藏省服務。氏向受藤井眞信器重，爲少壯官僚領袖。昭和九年七月藤井任藏相時，嘗使以國債課長兼任大臣官房祕書。嗣後藤井一系之人物，如賀屋興宣，青木一男及氏等，均位居要津。成爲大藏省之中心勢力。十一年三月馬場鑓一出任大藏大臣後，對若輩深爲不滿，大加調動，五月氏遂被調爲內閣調查局調查官。二、二六事變以來，調查局在吉田茂指揮之下，大唱行政機構改革論，聯絡軍部，迫使廣田內閣實行，喧擾數月，迄無結果。十月間內閣且決定拒絕調查局之改革案而採用法制局所擬定者。吉田反對無效，於是憤而辭職，十二月四日遂由氏繼任。本年二月林內閣成立，結城豐太郎出任藏相，重調氏任主稅局長，使當修正增稅案之重任。氏係近衛文麿高等學校時代以來之密友，與現任產業組合中央金庫理事之井川忠雄同爲近衛之智囊，

【五畫】 石渡莊太郎

他日近衛內閣如能實現，內閣書記官長一席當屬彼云。

石黑忠篤 (Ishiguro, Tadaatsu)

——前農林次官明治十七年生東京府人——

氏爲樞密顧問官子爵石黑忠惠之長子，明治四十一年東京帝大法科卒業，當年卽入農商務省供職。歷任農務局事務官，山林事務官，農商務書記官，農商務省參事官，農林書記官及副業，農政，仰田各課課長。大正十三年升任農務局長，昭和二年轉靈絲局長，四年再調農務局長，六年四月於若槻內閣時擢爲農林次官，直至九年七月齋藤內閣總辭職時去官。氏在農林省達二十六七年之久，爲部中少壯官僚之中心人物。本年一月廣田內閣辭職後，軍部曾荐爲新閣農林大臣，然未果。

石橋湛山 (Ishibashi, Tanzan)

——東洋經濟新報主幹明治十七年生神奈川縣人——

明治四十年早稻田大學文學部卒業，任東京每日新聞記者，後由東洋時論於明治四十四年轉任東洋經濟新報主幹。十四年該報變更股份組織，復兼任董事。氏爲自由貿易主義論者，當去年九月間中日外交談判開始後，雙方意見參差，一時形勢緊張，我滬京兩地報界嘗爲兩國調整邦交事發表共同宣言，氏亦著論響應，於日本朝野多所指陳，其辭爲我國報紙所電傳譯載。著有新農業政策之提倡，金解禁之影響與對策，通貨膨脹之理論與實際，日本最近之經濟與財政等書。

## 百武三郎 (Hyakutake, Saburo)

——侍從長在鄉海軍大將明治五年生佐賀縣人——

海軍兵學校（明治二十五年與谷口尚真大將等同期）及海軍大學首席卒業。中日戰爭時，任艦松島之航海士，參加黃海威海衛之戰。松島之砲塔受我軍轟擊，全部被毀，士卒死傷甚多，而氏倖免於難。日俄戰爭時，任日進艦水雷長，以能沈着應付，爲當時水雷家藤本氏所讚稱。戰後赴德學習軍政三年，赴與任公使館輔佐武官。明治四十三年歸國，此後歷任朝日副艦長，陸軍省軍務局課員，伊勢及榛名艦長，第二艦隊參謀長，佐世保鎮守府參謀長，教育本部第二部長，鎮海舞鶴兩要港司令官，佐世保鎮守府司令長官。大正十五年補軍事參議官，昭和三年編入預備役。昭和十一年二、二六事變時，前侍從長鈴木貫太郎受傷，薦野村吉三郎自代，野村辭不就職，乃擢爲侍從長（註）。氏頭腦明晰，處事謹慎，於侍從長一職，亦正相稱。兄弟三人，均居軍職，次源吾，海軍中將，現任橫須賀鎮守府司令長官，幼晴吉，陸軍少將，現任參謀本部部員。氏能書，愛花卉，長於棋。

(註)侍從長一職，名義上雖與中國舊時之御前侍衛大臣相仿，而因陸海軍大臣雜處上奏時，必經過其手，始能直達天皇，故其實際之權力甚大。前荒木欲操縱軍權，推本莊繁任侍從長，而二、二六事變時，叛亂將校之必欲得鈴木貫太郎而甘心，均因此職與軍人勢力之消長有重要關係所致。

## 伍堂卓雄 (Gudo, Takuo)

——海軍中將商工省大臣明治十九年生石川縣人——

氏爲金澤市伍堂卓爾長子，與鉢銚十郎同鄉，兼爲小學時同級好友。明治三十四年畢業東京帝大工學部造兵科，卽任海軍造兵技士。大正十五年，累進至海軍造兵中將。其間歷任吳兵工廠砲熷部員及部長，製鋼部長，砲熷實驗部長，廣島工廠航空機部長等職。四次奉派考察歐美。大正十三年升吳海軍工廠廠長。後轉艦政本部出仕。昭和二年轉神戶製鋼所所長，三年，南滿鐵道實施製鋼計劃，山本條太郎邀氏協助，派送歐洲視察新製鋼術，翌年歸國，任滿鐵理事。本溪湖鐵礦之利用，撫順煤炭以製鍊鋼鐵，卽由氏計劃。九年理事任滿，改就顧問，同時就任滿鐵傍系會社昭和製鋼所所長，以迄於今。昭和五年提出論文，得工學博士學位。在吳工廠時代，首先實現工場管理之合理化，故有譽爲合理化博士者。氏爲一純粹之技術家，以產業國策，尤其重工業問題，在日本現狀下，急須解決，故鉢銚十郎邀任商工大臣。然於政策方面，夙鮮研究，談者謂其必將求助於酒友結城新藏相。氏嫻德語，體格瑰偉，有河馬之稱。公餘好歌曲及運動。

【六畫】 伍堂卓雄

各務謙吉 (Kanamori, Kenkichi)

——貴族院議員明治元年東京府人——

氏爲曾任大藏省屬官各務省三之次子，明治二十一年東京高等商業學校卒業。出校後先後任大阪商品陳列所書記及京都商業學校教師。明治二十四年因母校校長矢野次郎之推薦及其兄幸一郎之斡旋，入東京海上火災保險會社（三菱重要事業之一），此爲氏一生榮達之發足點。後派赴倫敦整理支店（明治二七），名聲鵲起，乃由營業部長而升爲常務理事，更升爲理事長，此外又任爲三菱海上保險會社理事長，日本郵船會社總經理（此席自去年起已改由大谷登担任），更任爲火災保險聯合會，船舶保險聯合會，日本船主協同會等各資本團體會長。三菱之保險資本（東京海上）與海運資本（日本郵船）均操於彼之手中，其數額之大，可形成一小財閥，每年俸給所入達五六十萬圓，蓋不僅爲三菱財閥之總師，實財界第一流之巨頭也。又爲日本水險界之領袖，馳譽全球。今雖年逾古稀，而體力鬥爭力，猶若一四十許之壯年，有胆識，有計劃，並擅長語學。自來與三井財閥之代理人池田成彬，並稱爲財閥資本之雙璧。昭和五年勅選爲貴族院議員，任職迄今（前數度出國，其

最近一次則爲昭和六年代表日本資產階級出席國際商業會議。本年夏，日政府決議派遣歐美親善使節團，團長一席，已預擬請氏担任。妻爲藤岡正敏之女，岳母爲三菱財閥創造主岩崎彌太郎之妹，其養子孝平爲三菱功臣又爲其襟兄莊田平五郎之子，故氏與三菱之葭葦關係，亦至深切。私財據云已達一、二千萬圓，平居至喜園菴。

吉田丹一郎 (Yoshida, Taniichirō)

——外務省南洋課課長明治二十四年生栃木縣人——

氏家世素豐，大正四年卒業慶應大學理財科，八年合格外交官試驗。歷任詩家谷檀香山副領事，領事，荷蘭公使館祕書官，國聯隨員，對德賠款會議日本代表，香港廣東兩處代理總領事。昭和四年，調任歐美局第二課長，廣田內閣成立，因積極推進南進政策，新設南洋課，置課長一人，課員六人，以調整南洋委任統治地與英美法荷西葡之南洋各屬島之政治關係及保護此等地方之日人企業移民爲目標，關於貿易之發展，則與通商局第三課取得聯絡，共策進行。以氏熟諳南洋情形，故調爲第一任南洋課長。

吉田益三 (Yoshida, Masuzo)

——大日本生產黨委員長明治三十八年生長崎縣人——

關西大學中途退學，爲內田良平最得力之同志。大正十二年內田創立黑龍會關西支部於大阪邀爲支部長。氏一面努力天皇主義運動，一面更創辦經濟新聞，從事鼓吹。九一八事變後，德惠內田組織大日本生產黨，期使非常時之日本實現飛躍萬丈之雄圖。現除任大日本生產黨執行委員長外，仍兼黑龍會關西支部長，大阪經濟新聞社長。昭和十一年年末，右翼分子，以建川小林等軍人爲中心，結成日本主義運動統一戰線，揭政治組織之皇道化，國防之絕對安全強化及國民生活之安定等口號，以撲滅既成政黨爲鬥爭方針，氏卽其中最有力委員之一也。

守屋榮夫 (Moriya, Sakao)

——昭和會系衆議院議員明治十七年生宮城縣人——

明治四十三年東京帝大法科卒業，經高等文官考試合格。歷任千葉愛知各縣理事官，內務監察官，內務省參事官及府縣課長，朝鮮總督府祕書官，文書課長，庶務部長及社會局社會部長等職。昭和三年以來，當選爲衆議員今已四次。彼本係政友會黨員，當岡田內閣時，床次竹二郎及舊政友系長老望月圭介等因入閣問題與鈴木總裁意見衝突，先後被開除黨籍，彼亦同時離黨，去年一月望月繼床次遺志而創立昭和會，遂改隸該會。本年二月七十議會時，嘗出席演說對僞滿諸問題，大致主張以警察維持僞滿公安，軍隊則專司國防之責，而對僞滿政治機構，以爲應探文武分治辦法。前曾任帝國地方行政學會常任董事。現日本駐僞使館參事官守屋和郎，其胞弟也。

安井英一 (Yasui, Eiji)

——大阪府知事明治二十三年生東京府人——

大正四年文官高等考試合格，五年卒業東京帝大法科法律學系。嗣後歷任東京府理事官，內務省警保局事務官，社會局事務官，內務省書記官，內務大臣祕書官，岡山縣知事，內務省社會局勞動部長。昭和七年昇內務省地方局長，現任大阪府知事。氏爲內務系新官僚之一，前三井財閥總帥池田成彬及現住友財閥代表人小倉正恆嘗贊爲官界之麒麟兒，屈與聯絡。與宇垣一成關係甚密，宇垣組開時，曾爲之參與密勿。以現任官吏而參與組閣大計，議員遂向林首相提出質問，譏爲紊亂官紀云。

安保清種 (Abo, Kiyokazu)

——預備役海軍大將明治三年生佐賀縣人——

氏爲佐賀藩士澤野種鐵之第三子，後入嗣廣島縣人安保清康男爵（中將），故改今姓。海軍兵學校及海軍大學卒業後，歷任海軍大學教官，秋津洲艦長，第二艦隊參謀，駐英國海軍武官，海軍軍令部參謀次長，海軍艦政本部長，吳鎮守府海軍司令長官，軍事參議官，橫須賀鎮守府司令長官，海軍將官會議議員，軍事參議官，海軍大臣（昭和五年十月之濱口內閣至昭和六年十二月之若槻內閣）等職。昭和五年晉升大將。氏與加藤寬治同班肄業三田小學及海軍兵學校；日俄戰役時又先後任三笠艦砲術長，故倫敦海軍會議時，加藤特推氏爲海軍最高顧問，使爲監督。後倫敦條約深爲一部分人所不滿，致發生帷幄上奏問題。氏亦被累辭去大臣職務，於昭和九年一月編入預備役。無子，以女妻廣島人安保宗人，並收爲養子。宗人畢業東京帝大農科，曾任農林省米穀局長，性情瀟灑，眷戀某明皇，與其養父性情不合，遂致削籍，屢鬪自戕云。

## 安部磯雄 (Abe, Isou)

——社會大衆黨委員長衆議院議員慶應元年生福岡縣人——

氏爲舊福岡藩士岡本權之丞之次子，後入繼安部家，改今姓。明治十七年卒業京都同志社大學後，赴美留學，二十四年進哈福特神學院 (Hartford Theological Seminary)，越四年卒業，經歐洲歸國。初任同志社中學校長，後轉早稻田大學，担任經濟學社會學教授及棒球部長。直至昭和三年始脫離該校教職。彼爲日本從事社會運動最早之一人。明治三十一年日本共產主義領袖片山潛組織「社會主義研究會」，彼襄助甚力。三十三年改組爲「社會主義協會」乃被推爲會長。翌年與片山潛等發起「社會民主黨」，致遭彈壓，而協會亦自此解體矣。然秘密活動，仍在進行。及日俄戰前協會中主要分子幸德秋水等力倡非戰論，輿情憤激，斥爲國民公敵。素重道德觀之氏，至是終於退出社會主義之陣營。自大正初年轉而從事無產政黨運動，歷任勞動農民黨顧問，社會民衆黨中執委會議長，至昭和七年被舉爲社會大衆黨中央執行委員長。彼於大衆黨一切事務悉委於書記長麻久生之手，表面似爲一徒擁虛名之黨首，然實際不僅大衆黨賴彼之統制，其人格道德，且受各黨各派

【六書】 安部磯雄

八八

之尊敬，而常稱之曰「安部先生」。昭和三年及十一年當選爲衆議院議員。著作甚多，有社會問題概論，成爲社會主義者以前等書。

## 安達謙藏 (Adachi, Kanzo)

——國民同盟總裁衆議院議員明治元年生熊本縣人——

氏爲安達二平之長子，早歲肄業熊本濟濟書院，後師事佐佐某，兼入其所統率之熊本國權黨，隨之共渡朝鮮，創辦朝鮮時報及漢城新報，因牽涉閩妃事件離韓，立志欲活動中央政界，由國權黨轉入國民協會，大同俱樂部。及大正二年桂太郎組織立憲同志會，遂入其幕下，其後該會演變而爲憲政黨，又變而爲立憲民政黨，氏在黨內地位，因歷史關係，乃益見增高。昭和六年率其同志脫離民政黨而另創立國民同盟，被舉爲總裁，以至今日。國民同盟之組成，在九一八事變之後，頗具法西斯色彩，其成立宣言有云：「國民同盟志在擴充日本建國之精神，外面檢討國際正義，以定無所屈辱永久平和之基準，內而確立統制經濟，建立無所榨取之正義社會」。然成立以來，內部意見紛歧，今其中堅人物，山道襄一則率其同志復歸民政黨，中野正剛則更形右傾而另組東方會，黨員寥寥可數，在議會僅有十二名之議席，故有謂國民同盟者實氏與幹事長清瀨一郎之一幕雙簧戲而已。氏自明治三十五年以來，當選爲衆議院議員，今已達十三次。前曾任外務省參政官，大正十四年之加

藤內閣及十五年之若槻內閣任遞信大臣，昭和四年之濱口內閣及六年之若槻第二次內閣任內務大臣。氏從事政治生活，垂四五十年，然既無學問，亦無政策，第以多年置身於政界驚濤駭浪中，久積經驗，故頗有敏於豫測世變之能力。又事之關乎選舉者，彼殆無所不知，大抵同黨有志競選者，必與聯絡，故有「選舉之神」之稱，然此爲民政黨時代之情形，觀於今日國民同盟之蕭條異常，可見此亦非其專技。氏之唯一長處，卽爲不顧年邁，能始終奮發而已。

早川三郎 (Hayagawa, Saburo)

——前警視總監明治二十一年生神奈川縣人——

大正四年東京帝大法科德文法學系卒業，在學期中已就高等文官考試合格。歷任宮崎縣警視，郡長及理事官，崎玉縣理事官，香川、岡山、廣島各縣書記官及警察部長，內務省事務官兼書記官，警保局警務課長，奈良縣書記官內務部長，佐賀三重各縣知事。（在三重任內時適值南九州陸軍大演習，以國體明徵問題甚囂塵上，氏担任警衛，頗著勤勞）。昭和十一年一月調鹿兒島縣知事，本年一月繼石田馨後昇任警視總監。石田之辭職，其表面理由爲糖尿病復發，不堪重任，實則因所屬警官時發生紀律不良行爲，無法整飭，故不得已去位。氏就任後，謂擬從待遇問題，教養方法，加以改善。性情溫厚篤實，嘗謂能打起精神做事，即感愉快而忘其勞苦矣。就任不久，而內閣更迭，即辭職，新內相河原田曾予以慰留，卒堅辭去，在任僅三十四日。

江藤源九郎 (Ito, Genkuro)

——退職陸軍少將日本主義政治爭鬥協議會委員長明治十二年生奈良縣人——

氏爲明治初年司法卿佐賀之役叛軍首領江藤新平之侄，士官學校步兵科及陸軍大學卒業。歷任步兵第三十聯隊附，同大隊副官，士官學校區隊長中隊長，第五十三及第三十八聯隊長，第十師團軍法會議判士，參謀本部副官，關東都督府副官，新發田聯隊區司令官，第十六師團司令部附等職。曾參加日俄戰役。昭和二三年普選施行後，屢擬組織獨立黨，競選衆議員，兩次均告失敗。昭和七年投身政友會，假滿蒙問題之名，大肆煽動，當選衆議員。九年脫離政友會，旋另組大日本生產黨，任執行委員。十一年仍當選衆議員。本年二月十日聯絡全國各右翼分子，如大日本青年黨之橋本欣五郎，三六社之小林順一郎，時局協議會之建川美次，東方會之田中養達松谷與二郎，日本勞動組合聯合會之高山久藏，新日本國民同盟之宮崎龍介，陶山篤太郎等組織「日本主義政治爭鬥協議會」，圖法西斯派之大團結，推氏爲委員長。宇垣內閣之流產，卽由彼輩在外策動之所致。在思想方面，爲平沼騏一郎之唯一信仰者。昭和十年，曾因國體明徵問題，在衆院提議懲辦主倡天皇機

關說之美濃部博士，結果美濃部所著憲法書冊，遂被禁止發賣。

【六畫】 江藤源九郎

池崎忠孝 (Ikasaki, Chuko)

——衆議院議員軍事評論家明治二十四年生滋賀縣人——

氏爲岡山縣赤木辰三郎之次子，娶滋賀縣池崎小三郎女爲妻，乃入嗣池田家，故改今姓。早年由第六高等學校升入東京帝大，卒業法科德文法學系。出校後，任萬朝報編輯。大正二年回大阪繼承養父業，經營織襪廠。昭和八年發表美國不足懼一書後，專事評論軍事外交問題。翌年任大阪時事新報編輯顧問，名聲鶴起。氏著作甚多，尤以最早出版之美國不足懼與日美潛水艇戰二書，最受青年之熱烈歡迎。其他以筆名赤木桁平發表之著作，亦復不少，頗未爲時人所注意及之。昭和十一年二月之總選舉，受一般知識分子之支持，當選爲大阪區之衆議員。本年三月佐藤外相倡議廢止二重外交，戮力國際協調，氏與小山亮二人倡議提出不信任案，爲軍部張目，足徵其思想右傾之一斑。

西岡竹次郎 (Nishioka, Takejiro)

——政友會系衆議院議員明治二十三年生長崎縣人——

氏爲西岡伊三次之養子，大正五年早稻田大學法律科卒業。歷任都新聞記者，『青年雄辯』雜誌社長，普通選舉期成同盟常任監事等職。大正十年赴英，留學倫敦大學，後爲研究議會政治與社會政策，復遊歷德法意美諸國。十三年歸國，主編長崎民友新聞，翌年創刊我等晚報，自任社長，以迄於今。當選爲衆議員，現已達五次，隸政友會籍。在政友會中雖屬後進，然與生田和平，肥田塚司等二十餘名之衆議員，自成一『革新派』，即所謂『鐵道旅館組』者是。彼等主張改造政友會，以收拾已失之人心，實則亦不過一爭權之私黨而已。性好觀劇讀書。

有馬賴甯 (Arima, Yoryasu)

—— 貴族院議員伯爵明治十七年生東京府人 ——

祖先世爲舊久留米藩主，父有馬賴萬封伯爵，嘗供職典禮寮及農商務省。氏於明治四十三年卒。業東京帝大農學部，後任母校助教，農商務省諮議，並當選爲衆議院議員。昭和二年襲授伯爵，四年八月勅選爲貴族院議員，任職迄今。前曾被舉爲農林省政務次官，南美拓殖，武藏中央電氣鐵道各會社理事。近年來兼任產業組合中央金庫理事長，又爲同愛會會長，蓋水平運動（註）之先驅也。此外又嘗設立農村問題研究所，對佃農問題頗多供獻，創辦信愛中學，盡力育英事業，故被稱爲華胄界之新人。實則渠之從事社會事業，不過藉爲獵取官位之一種手段。本年初，氏與後藤文夫，前田米藏中島知久平永井柳太郎山崎達之輔等在其邸內籌議創立新黨，而林銑十郎結城豐太郎亦嘗參加。及林銑十郎出組內閣，邀任文部大臣，氏以覬覦農林大臣，結果未就。前嘗斥二萬圓之巨款，爲博多某藝妓脫籍，社會上頗不直其所爲，蓋與其所倡導之平民運動相去太遠也。

（註）參閱松本治一郎條。

## 米内光政 (Yoneuchi, Mitsumasa)

——海軍大臣明治十三年生岩手縣人——

氏爲盛岡市米内受政（受政爲南部藩之家臣，廢藩置縣後，因運用藩款從事政治活動失敗，家計中落，乃送子就學海軍）之長子，前總理原敬及齋藤實之同鄉，明治三十四年與高橋三吉藤田尚德同期畢業於海軍兵學校（在海軍兵學校時畢業成績爲一二五人中第六八名，頗爲平庸，海軍大學時期成績優秀），卽任職少尉。後參加日俄戰役，賜功四級。曾任春日磐手（大正十二年）扶桑陸奧等艦長，第二艦隊參謀長，鎮海要港部司令官，海軍軍令部出仕，駐俄大使館武官（大正六年二月歸國）俄國班長，第一及第二遣外艦隊司令官，第二艦隊司令長官，橫須賀鎮守府司令長官，（昭和十年），十一年十一月升任聯合艦隊司令長官。氏在海軍中與末次信正高橋三吉中村良三加藤隆義同爲艦隊派，卽反條約派之強硬分子。性情果敢，遇下甚厚。因清償父債之故，生活樸素，家中至不用女僕，深爲少壯將校所信服。曾駐英三年，美五年。歐戰時駐彼得堡研究俄國軍事。對我國於任遣外艦隊司令官時（第一遣外艦隊司令官爲民國十八年共產黨佔領大冶時，第三艦隊司令官

【六畫】 米内光政

九七

爲民國二十一年長城戰役前，駐黎渤海曾五次自吳淞上溯三峽，情形甚熟，平居厚重寡言，非敏銳之參謀型及久任中樞之軍政家，而爲具有戰爭經驗之戰術家。林銑十郎組閣時，本擬請末次長海軍，以海軍幹部謂末次係最適合於非常時之實戰將材，不當置於中央部之軍政方面，乃推氏繼任。氏就任前曾以一、海軍之充實，二、文武將吏應各恪循其職分，三、政治經濟之漸進的革新，四、外交之一元化，五、對華政策之確立強化等五條件提求林氏承諾，蓋不啻代表海軍主腦部之全體總意也（見本年二月號中央公論）。妻雪子爲親誠西鄉隆盛首級某勇士之女。氏近年頗致力研究易經，家人婦子，悉另改新名云。

辻謹吾 (Tsuji, Kingo)

——商工省臨時產業合理局第一部長明治三十二年生香川縣人——

大正十一年東京帝大法科卒業。歷任臨時產業合理局事務官、商工省事務官及書記官，工務局工業課長，商務局商政課長等職。現任臨時產業合理局第一部長。氏青年英俊，現已晉級簡任官。自吉野信次及岸信介離商工省後，爲該省將來最有光輝之一人，惟恐秀氣早出耳。妻爲故井上準之助女。

串田萬藏 (Kushida, Manzo)

——三菱合資會社總理事慶應三年生東京府人——

氏爲串田孫三郎之長子，十二歲時卽入其父會爲理事之第百十三銀行分行爲學徒，業餘就學共立中學（東京開成中學前身）轉升入帝大豫備門，乃受知於高橋是清，遣之赴美，學習銀行學及經濟學。明治二十三年卒業賓夕法尼亞大學政治經濟科後，在各大銀行實習四載。二十七年歸國，卽入現三菱銀行前身之第百十九銀行。翌年該行改稱爲三菱合資會社銀行部，繼續任職，三十年升大阪支店副長，三十二年轉神戶支店副長，三十四年又昇本店副長，大正七年任銀行部長，翌年銀行部獨立，改組爲三菱銀行，續掌幹部事務，十年繼岩崎小彌太男之後任理事長。後合資會社總理事木村久壽彌太因腦充血辭職（已故），遂由氏繼其後，與池田成彬之於三井（去年退職，現爲日本銀行總裁）地位相當。然實際三菱財閥之總帥，則爲各務鎌吉，故言此兩大財閥之代表人，各務常與池田並稱，蓋氏之資格位置雖在各務之上，而縱橫馳騁之才則遠在其下也。氏現除任合資總理事及兼任三菱系十餘會社之要職外，兼任工業俱樂部常務理事，東京商工會議所議員等職。最近日

本經濟聯盟決議於今夏將派遣歐美經濟親善使節團，氏爲團長之有力候補者。性沈默溫厚，對下有「慈父嚴母」之稱。鶴髮童顏，精神矍鑠，實日本屈指可數之財界巨頭也。

谷本馬太郎 (Tanimoto, Bataro)

——第十一戰隊司令官海軍少將明治十九年生廣島縣人——

在福山中學時代，與今上海正金銀行分行長矢吹同學。卒業後入海軍兵學校，明治四十三年與前駐華使館海軍武官佐藤修同期卒業。在任少尉時，隸南清艦隊，往來長江一帶，直至中尉時代始離我國。（時艦長爲鈴木貫太郎大將，在上海僅有巡洋艦二艘，）以後亦不時來滬。昭和十一年十二月由第八戰隊司令官繼日比野正治後，調任現職。氏不吸捲烟，酒亦適量而止，嗜好殊爲淡薄云。

坂西一良 (Banshi Ichiryo)

——步兵第五十九聯隊長陸軍大佐明治二十四年生鳥取縣人——

亦作坂西一郎，原姓稻田，爲稻田清淳長子，後入繼貴族院議員在鄉陸軍中將坂西利八郎爲養子，故改今姓。陸軍士官學校第二十三期及陸軍大學卒業。曾留學德國，並任駐德武官多年（昭和八年），致力於國社主義之研究。居嘗以希特勒信徒自命，好酒使氣。後轉任參謀本部調查班班長。林銑十郎陸相時代，於在鄉軍人集會時，嘗乘酒大呼謂『目下時局嚴重，諸君何默默乃爾？』以有煽動在鄉軍人嫌疑，予以停職半年處分。後調關東軍高級參謀，兼第一課課長，爲關東軍重要幕僚之一。氏爲櫻會重要分子。雖時有超越軍規之舉，然善能籠絡部下，比乃父利八郎更富於機略。在駐德武官任內，適值日本退出國聯，而大使小幡西吉又歸國未返，諸事均由彼主持，以致參事祕書等皆拱手聽命，無異以軍職統制文官。本年三月陸軍人事定期異動，隨板垣征四郎離關東軍，調充步兵第五十九聯隊長。

杉山元次郎 (Sugiyama, Motojiro)

——全國農民組合中央委員長衆議院議員明治十八年生大阪府人——

大阪農業學校卒業後，復於明治四十二年卒業仙台北學院神學部。出校後任東番町教會牧師，旋因肺病，養病於和歌山湯崎溫泉凡二年，次在福島縣小高町教會度其半療養半傳道之生活。自此，氏并出其所學，指導農民，改良農業，凡十年，聲譽籍甚。會大正九年都市農民運動勃發，氏亦感奮，至大阪，任職弘濟會育兒部，一面專心研究農民運動。十一年與賀川豐彥共同結成日本農民組合，被舉爲組合長。十四年復組織勞動農民黨，任中央執行委員長。十五年因農民組合及黨之分裂，就日本勞農黨顧問及全日本農民組合長。昭和三年農民組合統一後，任全國農民組合中央委員長，以迄於今，有日本農民組合之父之稱。昭和七年及十一年當選爲衆議院議員。先是當日俄戰爭時，氏在和歌山市演說非戰論，被斥爲「俄探」，其家亦被市氏搗毀。氏又曾就齒科醫師試驗合格，執齒醫業。著有農村經營之理想，農村經營之實際，農村教化之研究及其他著作數種。

村田孜郎 (Murada, Shiro)

——讀賣新聞東亞課長明治二十二年生佐賀縣人——

上海同文書院卒業，曾任大阪每日新聞中國特派員，東京日日新聞東亞課長。好以餘暇研究中  
國戲劇，與梅蘭芳相交甚厚。民國七年梅氏赴東京演劇前，一夕草成存梅傳。九、一八事變前，著  
論痛罵幣原外交爲宋襄之仁，鼓動軍人暴發。事變後往來平瀋，後助板垣征四郎發起協和會，並加  
入善鄰協會，任調查部長之職，時作蒙古之旅行。去年十月鞏蒙古王族之子色額全泰（二十三歲）  
色爾森泰（二十一歲）那村卜和（十六歲）龜音額倫等由大連返日，貫輸麻醉教育，藉以華制華。  
著有支那之左翼陣綫及蒙古與新疆等書。日本論壇中，對華之最強硬派也。

尾崎行雄 (Ozaki, Yutio)

——衆議院議員安政六年生三重縣人——

三重縣士族尾崎行正之長子，早歲卒業慶應義塾，復進工部大學學習理化學及數學，出校後，由報知新聞記者，轉新瀉新聞主筆，及大隈重信任大藏卿，乃於其下任統計權少書記官。後辭任，從事著作，於讀賣新聞及朝野新聞大發表其堂堂之論文。明治二十九年任外務省參事官，三十一年大隈內閣時任文部大臣，三十六年及四十一年兩度任東京市長，大正三年第二次大隈內閣時任司法大臣。自此屏絕仕途，專爲議會政治而奮鬥，以迄於今。氏在二十餘歲時即與林有造等從事民權運動，嶄露頭角，明治十八年十二月之保安條例，卽爲壓迫氏等所頒布。當任文部大臣時，在帝國教育會中演說，有「日本如實行共和政治，則三井與三菱亦將爲大總統之候補者矣」一語，被樞密及貴族二院認爲不敬，卒被迫辭職。其在議會，自明治二十三年第一屆議會開幕以來卽當選爲議員，蟬聯至今，已達十九次，爲日本議會中最老之議員，至被稱爲憲政之神或議會之父。最近十年來，氏在議會中從不發言，本年二月之第七十屆議會，氏突然打破素來之緘默，登壇演說，除關於「滿

洲國」問題，仍閃爍其辭外，餘均值吾人之同感。其要旨：爲（一）政府屢次藉口擴厚國防，非情勢所必要實無理由；（二）關於對華政策，至少可謂日本係屬無政府者，苟日本而對中日友好提攜確有誠意，則余可確定中國必與日本攜手；（三）日本與德國政制不同，何以與之訂立防共協定？（四）關於思想問題，謂武力不能解決思想，僅思想乃能克服思想；（五）關於軍人干政，謂軍人不應不奉皇命，擅自行動，軍人對於國家政務，卽有意見，亦不應發表；（六）關於殖民地分配問題，謂日本不宜擁護此項理論。此種辭嚴義正之演說，不僅九一八以後，卽近數十年來，亦所未聞。當時全院數千人中除陸相杉山元，陸次梅津美次郎及中野正剛所率領之少數東方會議員外，無不熱烈歡呼。氏爲日本最著名之政治家，昭和七年遊歐回國時鑒於國內反動思想之劇烈卽作「代墓誌銘」一文以示捨棄老命爲和平奮鬥，此一席演說，彌增其晚年之芳節。號粵堂，故被尊稱爲尾崎粵堂，或粵堂翁。著有粵堂全集，政戰三十年等書。

赤池濃 (Akaike, No)

——貴族院議員明治十二年生長野縣人——

明治三十五年東京帝大法科卒業，同年經高等文官考試合格。歷任福島、兵庫、滋賀、愛知各縣事務官，內務省書記官，及參事官，靜岡縣知事，朝鮮總督府內務局長兼土木局長及警務部長，拓殖局長官，及警視總監二次。大正十三年退官。在朝鮮時以大捕獨立黨人馳名。大正十二年被選為貴族院議員，任職迄今，屬同和會係，對中日問題時有質問。此外兼為壽製作所理事，廣瀨產業會社董事。向研究孔子學說，昭和四年曾因此獲得啓明會之津貼。父母尚在堂，皆八十外之老人矣。

## 赤松克麿 (Akamatsu, Tatsumaro)

——國民協會理事長日本遞信從業員組合會長明治二十七年生山口縣人——

祖父赤松連城在世時，爲西本願寺之耆宿，有名於時。長兄智城，文學博士，現任京城帝大教授。次兄信麿，故醫學博士，前長崎醫大教授。妹常子嘗在婦人無產陣營中活動，頗有聲名，一家以英才聞世。氏早歲肄業於德山中學，成績冠儕輩，全校教師無不器重之。然在三年級時，揭「賦予學生自治權」之標語，鼓動罷課風潮，卒被除名之處分。繼由第三高等學校，昇入東京帝大法科，受吉野作造所倡民本主義運動之影響，於大正七年，結成著名之新入會。其時參加者尙有麻生久宮崎龍介，山名義鶴，佐野學輩，新人會至呈日本無產運動指導者養成所之壯觀。而氏之成爲馬克斯主義信徒，蓋自此始也。大正八年帝大卒業後，任解放雜誌記者，又曾加入東洋經濟新報工作。大正十年時，轉入鑛夫組合，至是遂正式躍入實際之無產運動，後任日本勞動同盟調查部長出版部長。當有名之三菱總罷工時，指導策畫，活動異常，竟一躍而世界聞名。然自此以後，氏之思想漸次右傾，大正十三年總同盟關東同盟內部發生糾紛時，竟被同志斥爲墮落，氏因此轉入社會民衆

【七畫】 赤松克麿

黨，任中央執委，稱雄黨內。及昭和六年九一八事變後，彼又一變而爲極右翼之法西斯運動主要人物，翌年氏脫離社會民衆黨，而結成日本社會國家黨，任總務長之職，又創立國民協會，青年日本同盟等團體，自任指導。氏之思想行動，雖由極左而轉極右，然始終充滿鬥志，有理論，有策略，固一方之人物也，妻昭子，卽其業師吉野作造女。

## 奈良武次 (Nara, Takeji)

——男爵退役陸軍大將明治元年生栃木縣人——

明治十九年入陸軍士官學校，二十二年任砲兵少尉，後又就學陸軍砲工學校及陸軍大學，大正十三年升陸軍大將。曾任陸軍省軍務局課員，參謀本部附，鳴門要塞司令官，攻城砲兵司令部部員，軍務局砲兵課長，陸軍省副官，中國駐屯軍司令官，青島守備軍參謀長，陸軍省軍務局長等職。大正九年任東宮武官長，十一年任侍從武官長，昭和五年轉議定官，八年退入豫備役，因歷年功績封男爵。前曾二度派駐德國，參加中日日俄兩戰役，出席凡爾賽和會任日本陸軍代表。邇年任文政審議會委員，去年秋間在鄉軍人會改組後，被舉為該會會長，辭不就。查在鄉軍人會成立於明治四十三年，為長閑軍人寺內正毅及田中義一所創設，以養成日本在鄉軍人皇室中心主義之思想為目的，此次改組，最重要之一點為組織之法制化，在陸海軍兩大臣監督下，得以強化其統制力，而便於戰時之動員。

岸信介 (Kishi, Nob:suke)

——偽滿實業部次長明治二十九年生山口縣人——

大正九年東京帝大法科卒業。曾任商工省書記官，失業問題委員會書記官，近任商工省工務局長兼臨時產業合理局第一部長，去年十月被推為偽滿實業部次長。彼為新官僚中最急進派前線部隊之一人，向與軍部深相結納，故此任命，對於軍部與偽滿間之經濟提攜，頗有關係云。近力倡應立即實行戰時統制經濟，並謂中小商工業亦應加以統制，與軍部之主張相呼應，因有官僚中青年怪物之目。與現東北拓殖會社總裁前商工省次官吉野信次，現次官竹內可吉及特許局長村瀨直義前在商工省中為新官僚之四巨頭。著有交易所法一書。

## 岩田富美夫 (Iwata, Tomio)

——大化會會長大和新聞編輯部長——

大正四年日本大學卒業，離校後，即赴滿州，曾投身馬賊團。後與北一輝交往，並協同參加中國之革命運動。大正八年（民國八年）隨北氏歸國，加入猶存社，又同出入於高島素之門下，研究思想問題。翌年創立大化會，此為猶存社傍系之法西斯團體。大正十年前後兩度企圖潛入蘇聯，傳曾被捕入赤塔監獄。彼富膂力，精拳術，而頭腦靈敏，蓋一智勇兼備之人物。熟悉中國及蘇聯情形，於遠東局勢亦具相當正確之知識。大化會本擔任「經綸學監」武力行動部之職務，其分子多為猶存社之青年部隊，嘗以暴力聞名，故氏有「暴力團團長」之稱，然實則氏之思想，亦未見如此急進，觀於附注中大化會之綱領可知。大化會前嘗活躍一時，今已不甚引人注意，氏除擔任會長之職外，並為大和新聞編輯部長。

（註）大化會大正九年四月創立。綱領要旨：（一）日本之世界的使命之覺醒與日本之合理的改造；（二）奴隸的日本之舊思想之排斥與歐美之舊思想的革命的排斥（三）指導的青年之

【八畫】 岩田富美夫

【八畫】 岩田富美夫

一一四

人格的結合；（四）原始的武人之典型；（五）剛健，素朴，簡易，宏大，正義之實現；  
（六）正義的審判之峻嚴。

## 岩田愛之助 (Iwata, Ainosuke)

——愛國社社長明治二十二年生——

東北帝大中途退學。大正二年嘗偕東亞青年協會暴徒二人，以日本對華外交軟弱爲理由，刺死外務省政務局長阿部守太郎。彼於對華政策，尤其對滿政策，向主強硬，歷來遇有此一方面之國民大會，無不參加活動。昭和三年創立愛國社任社長，以迄於今。愛國社之綱領爲（一）愛國社係對華問題及思想問題之研究者，每當問題發生之時，依其會員會議之決定而作種種運動；（二）本會以大陸政策之遂行與思想問題之研究爲目的。昭和四年開辦愛國村塾，以培養將來在中國大陸能活躍之人物。昭和五年十一月刺死濱口首相之兇手佐鄉屋留吉，即氏之信徒（非社員），並寄寓於其家中者。自此事件發生後，愛國社遂被目爲白色恐怖之主動機關。然論氏平生態度，溫雅可親，其行動又極拘謹，無一般法西斯領袖人物之霸氣。

東武 (Azuma, Takeshi)

——政友會系衆議院議員明治二年生奈良縣人——

明治二十三年東京法學院卒業。當卒業之前一年，彼之故鄉吉野郡十津川，受洪水之災，人畜漂流，家屋蕩然。彼遂歸故里，建議鄉黨，移住北海道，衆聽其說，遂率一村二千六百人，而移住北海道石狩川樺戶郡，拓殖開墾，建立新村曰新十津川。今已人口二萬，年生產額達二百萬圓。此氏不朽之偉業也。氏除盡瘁於建立新村外，復經營北海時事及北海泰晤士報各新聞（北海泰晤士報爲日本第一流之地方報，氏爲大股東，今尙任顧問。）後由北海道第二區當選爲衆議員達九次。性格謹嚴，直言直行，在羣雄割據派系紛繁之政友會中，惟彼獨立孤行，正義所在，不少假借。對農政問題，造詣甚深，爲政友會惟一之農政通。每屆議會，常有犀利之演說，曾任豫算委員長等職。昭和二年田中內閣時，在山本悌二郎下任農林省政務次官。體格健強，肌肉如鐵，今猶健飯如青年。號牧堂，能書畫，喜騎馬行獵。

松井久太郎 (Matsui, Hisataro)

——陸軍少將駐北平特務機關長——

陸軍士官學校第二十二期步兵科（較松室孝良後三期）及陸軍大學卒業，久任參謀本部地誌班班員及參謀本部附。九一八事變時，任本莊繁下關東軍第四課課長，與白田寬二（現任天津駐屯軍參謀）二人專司對外宣傳工作。長於文筆，並嫻英語。後調任駐熱河大隊隊長，承德特務機關長，活動於承德錦州等地。昭和十一年十二月繼松室後，調充駐北平特務機關長，同時由大佐晉級少將。

松永材 (Matsunaga, Sai)

——惟新制度研究會委員長明治二十四年生高知縣人——

大正八年東京帝大文科哲學系卒業，九年任早稻田大學哲學教授，十二年兼任國學院大學哲學教授，以迄於今。年來日本之右翼團體，大多雖標榜『日本主義』，然所謂『日本主義』其具體內容，又因團體主持者主觀之不同而不無差異。故氏以爲欲求日本主義戰線的統一，先應求日本主義內容的統一，因有『維新制度研究會』之創設。氏現任該會委員長，本此理論，力事鼓吹。其他中心人物有木島完之（血盟團事件主犯井上日昭盟友）赤松克麿（國民協會會長）等。與橋本欣五郎所指揮之『大日本青年黨』蓋互相呼應之姊妹團體也。

## 松本治一郎 (Matsumoto, Jichiro)

——衆議院議員全國水平社主持人——

氏爲「水平運動」之急先鋒，曾參加暗殺德川公爵及襲擊福岡聯隊事件。水平運動起於歐戰後，本爲日本特殊部落民穢多之自己解放運動，所謂水平，即要求與日本一般人民平等待遇之意。及大正十四年，轉而與無產運動接近，其主持之團體水平社，亦呈無產政黨化。氏爲水平社之主持人，年來因法西斯勢力高漲，深表不滿。去秋發生統一無產團體運動，企圖結成人民陣線之時，負責拉攏「勞農無產協議會」與社會大眾黨者即爲氏與全國農民組合會長黑田壽男二人。後雖事未實現，然氏之思想依然保持左傾，可以想見。爲人富於熱情，去年二月間總選時，由福岡縣當選爲衆議員。

【八畫】 松本勇平

一一〇

松本勇平 (Matsumoto, Yuhei)

——愛國勞動農民同志會會長退役少將明治十年生石川縣人——

明治三十一年陸軍士官學校卒業，三十五年任砲兵少尉，後累升至陸軍少將。歷任金澤砲兵第九聯隊附，砲兵學校教授，野砲兵第五聯隊大隊長，第一師團兵器部長，奄美大島要塞司令官，仙台野砲兵第二聯隊長，廣島陸軍兵器分廠廠長等職。昭和六年退役，青年營參加日俄戰爭及從征西伯利亞。現任小林順一郎所創立之「愛國勞動農民同志會」會長及「新經濟國策研究會」幹事。

松本蒸治 (Matsumoto, Jōji)

——貴族院議員法學博士明治十年生東京府人——

氏爲歧阜士族松本莊一郎之長子，生于東京，明治三十三年東京帝大法科德文法學系卒業。曾任商工參事官，母校教授，後派赴英法德諸國研究商法。明治四十三年得法學博士學位。歸國後，歷任南滿鐵道會社副總裁，法制局長官，關西大學校長，並被勅選爲貴族院議員。同時，又執行律師業。此外兼爲帝國學士院會員，中央大學教授，及帝都復興助成，東京瓦斯，安田保險，川崎信託等各會社顧問。昭和九年二月繼中島久萬吉後，任商工大臣。同年七月辭職。在貴族院十餘年，殊鮮登壇發表意見。性情溫厚，關於商法之著作甚多。現除律師業務外，兼任法制審議會民商法改正起草委員。本年二月林銑十郎初上台時，曾謠傳將任商工大臣。

松本健兒 (Masumoto, Kenji)

——陸軍少將近衛步兵第一旅團長明治十九年生高知縣人——

士官學校第十九期及陸軍大學軍刀組卒業（大正五年）。歷任近衛步兵第四聯隊第一大隊長，參謀本部部員兼陸大兵學教官，天津駐屯軍參謀長，陸軍省軍務局軍事課勤務，第四十三聯隊附，陸軍步兵學校研究部主任，參謀本部歐美課長。昭和八年調任第二十師團步兵第七十八聯隊長，九年至十一年任駐美大使館武官。十一年轉陸軍大學研究部主事。氏曾游歷歐美各國，精通各國軍事情形，爲佐賀閩中有望之將材。本年三月繼秦雅尙後，調任近衛步兵第一旅團長。

## 松江春次 (Matsue, Haruji)

——南洋興發會社經理明治九年生東京府人——

氏爲福島縣士族松江豐壽之弟，明治三十二年東京高等工業學校應用化學科卒業，後留學美國路易顯那大學 (Louisiana University)，得理學士學位。卽入美國某製糖工場，潛心研習製糖技術，凡數年。歸國後任大日本製糖會社工場長，首創製造方糖，以防止外貨。明治四十三年在台灣創辦斗大製糖會社，被舉爲經理。旋任新高製糖會社常務理事，大正十年南洋興發會社設立後，由常務理事，舉爲總經理，任職迄今。該會之主要事業爲在南洋委任統治地區內栽培甘蔗與製糖，其附帶事業爲製造澱粉，探掘磷礦，栽培棉花，水產及製冰等，而水產事業最近已爲南洋拓殖會社所買收。現額定資本爲二千萬圓，已實收一千二百二十萬圓。氏二十餘年來苦心經營南洋，故在今日南進政策急進之際，頗受推崇。現除任南洋興發會社經理外，兼任台灣石材，日本製絨等各會社理事，南洋咖啡，南洋製冰等各會社顧問。

松岡駒吉 (Matsukata, Komakichi)

——全日本勞動總同盟會長明治二十一年生鳥取縣人——

十七歲入舞鶴工廠，當熟練工，後轉室蘭製鋼所。明治四十五年管指導製鋼所之爭議案件。大正三年任友愛會支部會計，六年受鈴木文治之德惠，離製鋼所而入友愛會本部，翌年任主事及會計。大正十五年鈴木赴歐出席國際勞動會議任日本勞方代表，氏爲其顧問同往。及社會民衆黨成立，被舉爲中央執行委員，昭和四年再度赴歐任勞方代表出席國際勞動會議。現任「全日本勞動總同盟」(大正九年由友愛會改組)及「日本勞動組合會議」會長。全勞有加盟組合六八，會員五〇、五四六人，係支持社會大衆黨之有力無產團體。昭和十一年秋間勞農無產協議會擬與社會大衆黨合併結成人民陣線之時，麻生久(社大書記長)與氏均力加反對，交涉卒致決裂。氏所唱「資本奉還論」，則其思想已漸漸轉而接近法西斯主義，可以想見。著有野田大勞動爭議，勞動組合論等書。

## 松村久義 (Matsunura, Kugi)

——民政黨系衆議院議員明治三十一年生宮城縣人——

大正十二年卒業東京帝大法學部，十四年又卒業同校經濟學部。歷任東京名古屋各地方裁判所推事，後辭職執律師業。昭和七年當選爲衆議院議員，十一年二月之總選，二度當選。長於辯才，對於農村問題，甚有研究，爲民政黨新銳分子。其農業理論，多爲民政黨之農村政策所採用。氏年事方盛，今後對於政治之伸長力，深被注目。然彼爲屬於所謂「學者政治家」之範疇，其政治手腕，不免遜人一籌。在議會中以雄辯有名，關於農村問題之質問，尙使政府苦於應答。

【八畫】 松村光三

一一六

松村光三 (Matsumura, Kozo)

——政友會系衆議院議員明治十五年生栃木縣人——

明治四十二年東京高商專政科卒業復留學柏林大學及柏林高商學習經濟學。歸國後入古河合名會社，歷任古河鑛業會社調度課長，大日本人造肥料，旭電化工業各會社（均古河資本）理事，在經濟界甚爲活躍。昭和三年以來，當選爲衆議院議員四次，屬政友會籍。彼於社會政策造詣甚深，並有經濟通之目的。其對經濟政策之主張，承認自由主義經濟誠不無缺陷應由國家加以適當之統制，然反對產業之國有，以爲應以民營爲原則，目下日本之官營事業如烟草專賣電話官營等，皆歸失敗，可爲佐證。本年二月之議會中，彼嘗以此立場，主張政府應撤回前內閣之電力管理案。昭和七年六月至九年七月曾任商工省參與官。性情溫厚，有學者風，平居以讀書爲樂，著有工資論等書。

松延繁次 (Matsunobu, Shigeji)

——大日本青年黨黨員——

大正十二年猶存社解散後，大川周明於翌年創立行地社，是時氏任大川總務委員長下之專門部長，頗爲活躍。昭和六年七月使大川與赤松克麿一派相接合，並與高島素之門下之石川準十郎津久井龍雄輩相提攜，以創立「日本社會主義研究所」，皆出彼斡旋之力。昭和七年二月大川組成神武會，氏任勞動部長，是時氏與橋本欣五郎大佐相知，力勸橋本爲「昭和維新」專心奮闘。昭和十年神武會解散後，與橋本之關係似更趨深刻。去年（十一年）夏季肅軍運動時，橋本與急進派建川美次中將同時解職，一說即出於氏之強邀退官，然無論如何，氏爲橋本之參謀，爲不可掩之事。橋本解職後，即創立「大日本青年黨」，提倡「天皇歸一主義」（即舉一切所有歸之於天皇），深引起各方之注意。氏從中策劃，協助進行。彼之於橋本，與近藤榮藏之於小林順一郎相類似也。

松浦淳六郎 (Matsura, Junrokuro)

——陸軍中將明治十七年生福岡縣人——

氏爲故陸軍中將松浦寬威之弟，士官學校第十五期及陸軍大學（大正元年）卒業。歷任參謀本部部員，步兵第十三聯隊長，教育總監本部庶務課長，陸軍省副官，步兵第二十旅團長，陸軍省人事局長。與林銑十郎系較爲接近，爲人長於事務，介乎各系派之間，色彩淺鮮。昭和九年轉任步兵學校校長。十年晉升中將，改調第十師團長，十二年三月免職。

松浦鎮次郎 (Matsura, Chijiro)

——貴族院議員明治五年生愛媛縣人——

明治三十一年東京帝大法科政治學系卒業，經高等文官考試合格。歷任東京府參事官，文部省書記官，文部省專門學務局長（明治四十五年），至大正十三年擢爲文部次長，其間嘗兼任學習院評議員，維新資料編纂局長，震災豫防評議會長，普通文官考試委員長，學校衛生調查會會長等職。昭和二年任京城帝大總長，四年調九州帝大總長。九州帝大學生之思想，向稱相當複雜，氏任總長時，用其手腕，循循善導，成爲翕服。十一年辭總長職，專任貴族院議員（昭和五年十二月勅選）。氏非教育家，亦非學者，實一長於政治手腕之政客。本年一月下旬廣田內閣提出總辭呈後，軍部方面對於新閣文部大臣一席，初頗屬意於氏，於此可見氏之言行，與軍部方面之意識，不無若干共鳴之點也。前嘗奉派赴德，平居喜研究漢文。

林博太郎 (Hayashi, Hirotarō)

——貴族院議員伯爵明治七年生山口縣人——

舊山口藩士林友幸之孫，友幸有功於明治維新晚年任樞密院顧問官封伯爵，氏繼其後，襲受伯爵。明治三十二年東京帝大文科卒業後，復留學歐洲，歸後歷任學習院及東京高商教授，大正八年轉東京帝大教授，同年並得文學博士學位。其當選爲貴族議員始於大正三年，屬研究會系（伯子爵團體），與兒玉秀雄前田利爲等，均爲主張較爲穩重者。昭和七年受齋藤首相之慫恿，經貴族院之推舉，出任滿鉄總裁，時承滿變之後，滿鉄地位更突見重要。氏就任之後，實權實操於副總裁八田之手。財閥對氏以爲過於無能，而關東軍與林陸相以爲不能執行軍部之雄圖。十年八月遂不得不出於辭職之一途，而繼之者則爲軍部寵兒松岡洋右。彼現除任貴族院議員外，兼爲東亞產業協會名譽總裁，文政審議會委員。

林彌三吉 (Hayashi, Yamichichi)

——預備役陸軍中將明治九年生石川縣人——

士官學校第九期及陸軍大學畢業，曾留學德國及參加日俄戰役。歷任陸軍大學校兵學教官，山縣有朋元帥副官，參謀本部課長，步兵第三十七聯隊長，第十四師團參謀長，陸軍省軍務局軍事課長，中國公使館武官，步兵第三旅團長，步兵學校校長，第四師團長及東京警備司令官等職。昭和二年晉級中將。日本出兵西伯利亞時，轉戰各地，頗為著名。氏在陸軍系統上屬於宇垣派，本年一月間宇垣內閣因受少壯軍人反對以不推出陸和相阻，氏不勝憤懣，發為軍人干涉大權之嘆，而非議其不當，致中樞派反唇相讎，謂其誹謗皇軍，離間軍民，而故意紊亂統制云。

武田德三郎 (Takeda, Tokusaburo)

——衆議院議院政友會財政及經濟部長明治五年生新瀉縣人——

早歲卒業於和佛（日法）法律學校，歷任瀨岡日日新聞，日本新聞，高田日報記者，關川電力，頸城鐵道各會社理事。現爲中央電氣會社董事，高田日報社主幹。大正九年以來當選爲衆議院議員今已五次，隸政友會系，現任該黨財政及經濟部長。前田中內閣時嘗舉爲農林大臣祕書官。平居喜讀書，關於財政經濟有相當研究，尤其於租稅方面，特具見解。

## 武部治右衛門 (Takebe, Jyunemon)

——南滿鐵道會社理事明治十九年生岡山縣人——

東京京北中學卒業後，入神戶高等商業學校，明治四十三年卒業。其在高商時代，爲水島校長（神戶高商創辦人，並爲第一任校長，年前去世）之得意門生，現外務省情報部長天羽英二，住友銀行常任理事十龜盛次，皆其同窗學友也。出校後，卽入滿鐵運輸課，大正二年轉販賣課，三年因功敘正八位。後歷任哈爾濱，馬尼刺，新嘉坡，各辦處處長，九年回本社任興業部販賣課長。十二年出差赴歐美，十四年任參事。十五年再度出差赴歐美。昭和二年任審查役兼高工課長。後歷任殖產部次長，地方部次長，商事部長，至十一年十月「日滿商會社」成立後，轉任爲該社經理。十一月被選爲滿鐵理事，仍兼前職。氏性格厚重，意志堅強，長於事務的手腕。

河上丈太郎 (Kawakami, Jotaro)

——社會大衆黨中執委衆議員明治二十二年東京府人——

大正四年東京帝大法科德文法學系卒業。由立教大學講師，關西學院教授，轉任神戶勞働學校講師，乃開始參加社會運動，經政治研究會支部長而加入勞衆黨。昭和三年由神戶區當選爲衆議院議員，同時辭關西學院教授職，執行律師業務。後移居東京，助麻生久爲社會大衆黨而奮鬥，現任該黨中執委。氏自學生時代即以雄辯聞名，每登壇演說，宛如作雄獅吼，大拳屢擊桌，充滿鬥志。演說時常謂：「諸君，吾人豈能不食而生活乎？」昭和十年小黨分立之無產陣營，得以聯合團結，氏奔走鼓吹之功也。十一年二月之總選舉，由兵庫縣第一區最高點而獲選。無產黨對資產階級政黨之鬥爭，氏殆爲不可缺之人物。

## 河田烈 (Kawada, Isao)

——貴族院議員明治十六年生東京府人——

氏先代世爲淡路國河田莊地頭，父然以詩文名，嘗任東京市副市長。氏於明治四十一年卒業東京帝大法科政治學系，在學期中已及格高等文官考試。出校後，卽供職大藏省，歷任稅務監督官，大藏大臣祕書官，大藏省書記書；大正三年奉派爲駐英法財務官，五年歸國。後由主計局豫算決算課長，主計局長，至昭和四年濱口內閣時在藏相井上準之助下升任大藏次官。七年轉任拓務次官，九年七月岡田內閣成立，任內閣書記官長，賜特任官待遇。同年十月辭職，由吉田茂繼充，後選爲貴族院議員。本年二月林銑十郎組閣，嘗任組閣參謀，一時有任內閣書記官長之謠。好旅行，能篆刻。與前法制局長現貴族議院員大橋八郎交誼甚篤。

【八畫】 河合良成

一三六

河合良成 (Kawai, Yoshinari)

——福德生命保險會社常務理事明治十九年生富山縣人——

明治四十四年東京帝大法科政治學系卒業。曾任商工省書記官，後轉實業界，任東京證券交易所理事，兼總經理。大正十三年，以其弟爲川崎八右衛門之愛婿，復受鄉誼之助之汲引，轉任日華及福德生命保險會社專務理事，遂成爲川崎財閥之重要人物，一時頗爲活躍。及「帝人事件」發生，此時氏兼任帝國人絹（人造絲）會社理事，大爲川崎不滿，致削去專務之職。現除福德常務理事日華理事外，並任菊池電氣軌道，帝國水災保險，中央羊毛紡織各會社理事及帝國人造絹絲各會社監察人，東京商工會議所議員。大正十年左右曾任東京帝大經濟學部交易所講師，著有國家改造之原理及實行，主張法西政治，實則議論支離滅裂，不過一投機分子而已。

河合榮治郎 (Kawai, Eijiro)

——評論家經濟學博士明治二十四年生東京府人——

大正四年東京帝大法科政治學系卒業，卽入農商務省，歷任工廠監督官，臨時產業調查局事務官。大正七年派赴美國，歸後昇任農商務省參事官。大正九年辭職。翌年任東京帝大助教授，派赴歐美留學，歸後於十五年昇任教授，昭和十一年三月又昇任經濟學部部長。所著有勞動問題研究，社會思想史研究，在歐通訊，格利因之思想體系，英國勞動黨之意識形態，學生思想問題，歐洲最近之動向，法西斯主義批判等書。平時關於社會問題之評論，在各雜誌發表者甚多，今已成爲社會政策社會問題之專家。氏思想富於自由主義，對馬克斯主義與法西斯主義均表示反對，然不露鋒芒。曾任高等文官考試委員七年，乃以法西斯勢力高漲，於昭和十一年五月竟被取消委員資格。性好旅行電影。

河原田稼吉 (Kawarata, Katchi)

——內務大臣明治十九年生福島縣人——

原籍岡山縣，爲奧村就有之第三子，後入嗣福島縣議會議長河原田益美，改今姓。明治四十二年畢業東京帝大政治科（註），卽入內務省。歷任福島縣事務官（明治四十四年），福岡縣理事官（大正二年），熊本長崎各縣警察署長，內務省書記官，警政司警務及保安課課長，內務大臣秘書官，社會局第一課課長。大正八年，十二年及昭和三年三次以政府代表資格，出席世界勞動會議。十四年升社會局勞動部部長。昭和二年，川村竹治膺台灣總督，邀爲總督府總務長官。五年擢爲內務次官，中經中橋鈴木兩內相，與政務次官松野鶴平，尤好合無間。（註）七年五·一五事變發生，負責辭職，隨充勞資協調會開職。氏在內務省內夙號爲水野鍊太郎幕下重要角色，富融通力，易採納人言，既不如潮惠之輔之爲純粹官僚，亦不如伊澤多喜男之陰險好弄權術，與吉田茂之遇事包攬，結植私黨，亦復大不相同，故爲軍部所歡迎。且會長社會局及出席勞動會議，民間疾苦，亦有相當瞭解（註）。生父奧村爲近衛文麿家臣，與近衛夙多往來。一二年來近衛擬組織新黨，林銑十

郎亦其中重要人物之一，黨首推林與推近衛尙無定說，而氏則在幕中策劃。故林內閣成立後，拔任現職，蓋現內閣閣員中之最年青者也。

(註一)有田八郎，藤沼莊平，大塚惟精，堀切善次郎，橫山助成，次田大三郎等均與氏同班。  
(註二)有謂其深與政友會相勾結，亦有指爲首倡對華強硬及改造既成政黨之故森恪氏門下三傑之一者。

(註三)氏自任協調會理事後，不時視察工場，考查勞資狀態，故有謂爲林內閣中之社會政策派。

河野一郎 (Kawano, Ichiro)

——衆議院議員明治三十一年生神奈川縣人——

大正十二年早稻田大學政治經濟學部卒業，曾任朝日新聞社記者。昭和六年退社，七年任農林大臣秘書官，同年辭職。氏爲政友會之新銳分子，昭和七年以來，已二度當選爲衆議院議員。對農村問題，造詣甚深，有「農村通」之目。昭和十一年五月六十九特別議會，討論米穀自治管理法時，永田（秀次郎）拓相受氏之質問，赧然不知所答，一則曰『此問題尙未有十分理解』，再則曰『朝鮮人爲想食米，終當飽之。』竟致哄堂大笑。性愛運動，爲青年政治家中前途有望之人物。

## 油谷恭一 (Yutani, Kyūichi)

——日華貿易協會常務理事明治十九年生山口縣人——

一作湯谷恭一，上海東亞同文書院畢業。大正四年入日清汽船會社。大正九年，日本國內及在華實業界巨頭以鑒於山東問題我國民情激昂，引起猛烈之排斥日貨運動，日本經濟界，蒙受巨大打擊，胤設日華實業協會，藉以緩和我國排日空氣，邀氏担任秘書，旋升為秘書長。前年冬間日華貿易協會成立，被選為日方之常務理事。去年六月，氏以東京商工會議及會員資格，策動對我提出減低進口稅之要求。後又來滬主持設立不動產銀行。本年三月加入經濟考察團前來我國。時在雜誌支那中發表關於我國財政金融等問題之意見。著有東亞同文書院沿革史，蓋實業界中之中國通也。

牧野良三 (Makino, Ryozo)

——衆議院議員政友會顧問明治十八年生岐阜縣人——

牧野伊平之第三子，著名刑法學家牧野英一之弟，明治四十四年東京帝大法科卒業，經高等文官考試合格。後入遞信省，歷任管理局書記，通信事務官，匯兌貯金局證券課長等職。才能優秀，見稱於時，遂爲中橋德五郎所賞識，自此出入門下，頗爲活動。及原內閣成立，中橋出任文相，擢爲秘書官兼敕任參事官。退職後，執律師業。後又管爲商工省參事官（田中內閣時）及遞信省政務次長。大正九年以來，當選爲衆議院議員今已六次，風政友會籍。長於雄辯，並以聲音宏亮稱。前在議會中常與民政黨之永井柳太郎相匹敵，亦有謂演詞內容且勝於永井者。本年二月七十議會中，彼之質問演說中，曾向陸相杉山元提出「何謂大陸政策」之問題。彼謂齋藤、岡田兩內閣從不在議會明示軍部所抱大陸政策之爲何，而一方面反責政黨不理解大陸政策，實苦難諒解。而陸相之答辯則謂大陸政策實無其事，不過軍方所考慮者爲促進「滿洲國」之健全發達及日支經濟文化之提攜，絕無對支侵略之企圖。一時會場空氣，頗爲緊張。彼爲議會中之鬪將，久著聲譽，在律師界亦爲一

活動之人物。對藝術方面興味甚濃，能作歌，戲劇造詣甚深，其所作隨筆，富於詩意。

【八畫】 牧野良三

一四三

神田正雄 (Kanda, Masao)

——「海外」雜誌社長兼主筆明治十二年生栃木縣人——

明治三十一年畢業於早稻田大學前身之東京專門學校政治經濟科。清季曾任四川省法律顧問及法政學堂教習。後留學美國哥倫比亞大學及英國牛津大學。明治四十一年任朝日新聞北京特派員，大正六年調回本社，後歷任該社中國部長外務部長政治部長等職。現任「海外」雜誌社長兼主筆，海外事情研究會會長。前嘗當選為衆議院議員二次，並任民政黨情報部副部長。大正時代，時在報章發表關於中國問題之論文，現僅在外交時報中偶一見之。曾出席華盛頓會議。嘗來中國與駐居北平之大同教教主段正元及其弟子現任冀察政委會委員之雷壽榮等頗有交情云。

## 近藤榮藏 (K ndo, Eizo)

——愛國勞動農民同志會幹事——

氏本爲左翼分子，潘變後（昭和六年十二月）發表糾正無產黨一小冊子，遂轉向右翼，崇奉國家社會主義。昭和七年五月以下中彌三郎爲中心所結成之「新日本國民同盟」成立時，氏爲中央常務委員之一，兼任組織部長。昭和八年七月與崇奉皇道主義之本部派（氏爲東京府聯合會派）發生意見衝突，宣告脫黨。昭和九年四月與松本與次郎創立「勤勞日本黨」，松本任總理，氏任黨務長。昭和十一年十一月退役砲兵大佐小林順一郎組成「愛國勞動農民同志會」，企圖以勞農團體爲基礎，結成一種新式愛國政黨。該會會員計有農民一萬八千人，工人五千人，此爲目下日本右翼團體中之最可注意者。名義上之會長爲松本勇平少將，實際上之統率者則爲小林，而居幕中運籌決策者則爲氏。氏之思想業已由國家社會主義轉變而爲日本主義（即皇道主義）。

阿南惟幾 (Anami, Koreki)

——少將陸軍省人事局長明治二十年生大分縣人——

氏爲阿南尙之次子，士官學校第十九期步兵科及陸軍大學卒業。歷任步兵第一聯隊附，參謀本部部員，步兵第四十五聯隊附，侍從武官兼軍事參議院幹事，近衛步兵第三聯隊長。昭和八年調任陸軍幼年學校校長，十年轉任陸軍省兵器局局長，本年三月陸軍定期異動，以氏性情剛直，無政治興味，而又屬大分系，超然於佐賀石川山口諸派之外，與陸軍上下層多所聯絡，繼後宮淳後，轉調人事局局長。

青木一男 (Aoki, Kazuo)

——對滿事務局次長明治二十二年生長野縣人——

大正五年東京帝大法科卒業，經高等文官考試合格，即入大藏省理財局供職。翌年任財務書記官派赴英法。十二年歸國，以後歷任理財局調查課長兼國庫課長，秘書官，存款部勤務及營業課長，大臣官房秘書課長，大藏省書記官兼大臣秘書官，理財局國庫課長，外國匯兌管理部長等職。昭和九年七月藤井眞信出任大藏大臣，以津島壽一爲次長，升氏爲理財局長，與賀屋興宣（主計局長），石渡莊太郎（主稅局長）於部內結成深引起世人注目之新官僚陣營。氏爲通貨政策，匯兌政策之專家，第二次匯兌管理法，即爲彼依據德國匯兌管理法所草成。十一年三月馬場鐵一出任大藏大臣，氏以於統制經濟獨具隻眼，素爲軍部所賞識，故不久即轉任對滿事務局次長，此在馬場固出於排除異己，而氏亦適得其所也。

青木精一 (Aoki, Seichichi)

——昭和會系衆議院議員明治十六年生羣馬縣人——

早歲卒業正教神學校，任日本電通社記者，後入大阪新聞社，任東京支局長，旋又轉中央新聞社，任政治部長。大正十三年以來，當選爲衆議院議員，今已五次。初隸政友會籍，曾任總務。昭和九年岡田內閣成立，對政友會用分化手段，以圖減少其反對力，邀反鈴木派之床次竹二郎任遞相，氏則任政務次官。政友會方面以彼輩紊亂黨規，遂與床次同被除名。及十一年一月望月非介內田信也等所組織之昭和會成立，氏亦參加焉。自此一年來，氏於會務頗具熱心，對內田協贊尤力，然該會大勢，要爲不振，故亦勞而無功。容貌猶猛，性情爽直，每逢議會騷擾，必一吐其意見以爲快，蓋一純情之熱血漢也。

南弘 (Minami, Hiroshi)

——樞密院顧問官明治二年生富山縣人——

南兵吉之養子，明治二十九年東京帝大法科卒業。歷任內閣書記官，行政裁判所評定官，內閣書記官長，福岡縣知事，文部次官等職。大正元年勅選爲貴族院議員，隸交友俱樂部，富政友會色彩。昭和七年三月犬養內閣期中被擢爲台灣總督。五一五事變後，齋藤出任首相，任爲遞信大臣，九年七月辭職。氏秉性正直，好議論，其在大臣任內，與時拓相永井柳太郎時起爭執。又因北鮮航政問題，與法相小山松吉陸相荒木貞夫，亦曾發生齟齬。向以讀書家聞名，能漢詩，號青園。最近調充樞密院顧問官。

後宮淳 (Atomiya, Jun)

——陸軍省軍務局長陸軍少將京都府人——

陸軍士官學校步兵科第十七期及陸軍大學卒業（大正六年）。曾任第三、第五師團參謀，參謀本部部員，第四十八聯隊長，第四師團參謀長。昭和二年，任關東軍部附。九一八事變發生後，兼任鐵路總局顧問。昭和九年三月轉參謀本部第三部長，同年八月林銑十郎陸相任內，以其派閥關係較淺，擢爲陸軍省人事局長。寺內繼任陸相，仍予留任。昭和十一年一年中，日本陸軍人事異動，其人夥之多，範圍之廣，爲十餘年來所未有，均由彼一手主持。幾成爲日本極大問題之肅軍工作，漸底於成者，氏在幕中策劃，與有力焉。氏久在關東軍，與該軍上下多所聯絡，以其精通交通業務，世多譽爲陸軍中之運輸權威。本年三月繼磯谷廉介後調充軍務局長，以昧於我國情勢，引久居東北及華北之柴山兼四郎爲軍務課長以自助。子二郎，卒業陸士，於去年十二月任職少尉時，因誤讀勅諭，引咎自殺。

持永淺治 (Mochinaga, Asaharu)

——預備役陸軍少將明治十三年生佐賀縣人——

士官學校第十五期及陸大卒業。大正二年轉任憲兵部隊後，歷任弘前江東姬路羅南宇都宮名古屋各憲兵隊長。昭和七年秦與次任東京憲兵司令官時，氏任東京憲兵隊長，與青年將校勾結，極力從事政治活動，實爲憲兵中之最激烈分子。十年三月調任朝鮮憲兵司令官。十一年八月寺內壽一勵行肅軍，結果，遂編入預備役。

津久井龍雄 (Tsunuki, Tatsuo)

——前青年日本同盟會長衆議院議員明治三十四年生栃木縣人——

曾肄業早稻田大學英文科。氏爲高島素之門下之英才，成名甚早。嘗參加赤尾敏之建國會（大正十五年創立），任書記長，活躍異常，高島之國家社會主義遽成該會之指導精神。然卒以與赤尾之純日本主義不相容，遂於昭和三年退出。當上杉慎吉與高島合組之「經給學盟」（大正八年創立），因兩巨頭之意見參差而解體後，氏與上杉門下之中谷武世、天野辰夫等共同參加愛國勤勞黨之創立，此爲昭和五年事。未幾，與中谷不合，又憤而脫黨。先是當氏退出建國會後，於翌年與伊地知義一、福島佐太郎組織急進愛國黨及急進愛國勞動者總同盟，而由氏任執行委員長。昭和七年與大日本生產黨合流，而氏被擢爲生產黨中執委之一。同時氏復組成大日本青年同盟，爲生產黨之前衛，任會長職。八年八月因神戶兵隊事件，氏在生產黨受除名處分，因與赤松攜手協同創立國民協會，赤松任委員長，由氏任常任理事。而大日本青年同盟則與日本遞信從業員組合（赤松派）合流，改稱爲青年日本同盟，以赤松爲顧問而氏爲會長，以爲協會之行動隊。昭和十年協會改組爲政治團體，

青年日本同盟亦改稱爲國民青年隊。氏於法西斯黨徒中爲有數之理論家，著有法西斯主義之意大利與墨索里尼，國家社會主義問答，日本社會主義之提倡等書。昭和十一年當選爲衆議院議員，由神奈川選出。

【九畫】 津久井龍雄

一五三

津田信吾 (Tanda, Shingo)

——鐘淵紡績會社總經理明治十四年生愛知縣人——

氏原爲西山芳六之第四子，後出繼津田於菟爲養子，故改今姓。明治四十年卒業慶應大學理財科。在學時代已立志服務紡績界，其卒業論文即爲關於紡績事業者。卒業後即入鐘淵紡績會社，依其自行提出之願望，充兵庫工場學習員。修習工場實務經驗。後由庶務課調充織布試驗工場主任，善能發揮其手腕。任岡山縣西大寺工場長時，以長於統制職工，業績大舉，其經營才能遂爲總經理武藤山治所賞識，故該會社新設之淀川工場一切創設計劃，悉委氏擔任，而舉爲工場長。自此氏與職員同甘苦，起臥於工場內，拮据經營，卒致被稱爲模範工場。昭和五年一月，武藤辭職，以副經理長尾良吉升任總經理，而副經理一席，武藤則舉氏任之。當時各股東以其年輕資淺，咸爲愕然。然彼協助長尾，銳意邁進。是年六月該社發生罷工風潮，就任僅及半載之長尾總經理辭職，至此氏以衆望所歸，繼其遺缺，以迄於今。氏富於熱情，自信力極強，凡事必求貫徹其主張，有知慧，有謀略，而精力又獨強，雖一二晝夜不寢不寐，亦毫無倦容。去秋曾到我國北方，買收天津各紗廠，

並籌劃華北之植棉計劃，力贊日在華軍人盡瘁國事。本年林銑十郎組閣時，遊任新工商大臣，辭不赴任。鐘淵爲日本最大紗廠，而居統帥地位之津田，猶年僅五十七歲，其前途實未可限量也。

津島壽一 (Tashimō, Jūichi)

——日本銀行副總裁明治二十一年生香川縣人——

氏於明治四十五年以優秀成績卒業東京帝大政治經濟科，即奉職大藏省。大正三年奉當時大藏大臣勝田主計之命游歷中國及歐美各地。歸國後，歷任副司稅官，淀橋幸橋各稅務署長，專賣局參事兼大藏省書記官，大藏大臣祕書官，國庫課長，後升理財局長，深爲井上準之助所器重。十二年復派赴歐美。十四年出席中國關稅會議。昭和二年五月任海外駐在財務官，至九年歸國。是年二月藤井真信出主大藏省，擢爲次官。高橋是清時蟬聯，在部內爲少壯官僚之領袖，因有所謂：「津島集團」之結成。十一年二、二六事變後，馬場鎭一出任藏相，該派人物如石渡莊太郎，賀屋興宣，青木一男等，以政見不同，多被排斥，氏亦辭職。氏深通國際金融，富活動力，舉止洒落，善英語，與軍部似無甚姻緣。妻爲東京府第一多額納稅者，日本銀行理事堀越角次郎之妹，與日本銀行幹部如山內理事島居營業局長等多屬舊交。故本年三月池田成彬適任日本銀行副總裁。談者多以未來之藏相屬目之。

## 泉二新熊 (Motoji, Shinkuma)

——大審院檢察總長明治九年生鹿兒島縣人——

明治三十五年東京帝大法科卒業，又進大學院研究。三十八年任東京地方裁判所檢察官兼司法省參事官，其後歷任東京控訴院檢察官，大審院推事，東京帝大法科及早稻田明治中央等各大學講師，司法省行刑局長及刑事局長等職。昭和六年任大審院部長，本年一月擢爲檢察總長。前嘗於明治四十五年奉派赴歐美視察，大正五年得法學博士學位，十四年任倫敦第九次國際刑務會議委員。氏早歲之得任司法省參事官，係出於平沼騏一郎之荐拔，因得建立一生事業之基礎。資質平庸，因孜孜學業，遂成爲著名之刑法學者，於條文竟能一一熟記。在大審院部長時代，担任審理共產黨事件小川（元吉）前鐵相貪賄事件諸要案，並爲五、一五事件之審判長。氏性格謹嚴，風度不揚，思想較爲右傾，傳爲將來之佩法相印綬者。

秋永月三 (Akinaga, Tsukizo)

——砲兵中佐野戰重砲兵第六聯隊附——

士官學校及陸軍大學卒業，曾留學德國。歷任陸軍省軍務局動員課課員，參謀本部滿蒙班班員，關東軍參謀。軍部對「滿」行政機構改革案，多出其規劃。思想銳進，意氣衝天，爲青年將校中最強硬分子之一。昭和十一年十一月調充現職。

## 秋田清 (Akita, Kyosshi)

——衆議院議員明治十四年生德島縣人——

明治三十四年卒業東京法學院及日本法律學校，經推事及檢察官試驗合格，出爲高知地方裁判所推事，後辭職，執律師業。明治四十四年任二六新報社長，其目的不在經營新聞事業，而實以資政治活動耳。翌年當選爲衆議院議員，今已八次。彼於政黨初無所屬，大正十年與犬養毅商談之結果，始入國民黨。後與犬養同由革新俱樂部（大正十一年由國民黨與憲政會脫籍黨員合組而成）而轉入政友會。大正十三年被推爲政友會總務委員，自是遂居黨中重要之地位。昭和二年至四年之田中內閣時期，曾任遞信及內務兩省政務次官。昭和六年十二月犬養內閣成立，彼非僅不能獲得閣席，且次官之位而亦不可得，蓋其時二人意見已見參差。翌年彼獲選爲衆議院議長，似可稍吐之不平之氣，顧其時彼之政治立場，已不復可挽回。自此以後，岡田內閣成立，入閣既告失敗，而在黨中與向稱莫逆之久原房之助床次竹二郎以及舊政友系之望月圭介前田米藏等又無一不見疏隔。彼以足智多謀，天下奇才，見稱於世，至此反以自縛，昭和九年遂不得不與政友會宣告脫離，並辭議長職

【九畫】 秋田清

【九畫】 秋田清

，現爲無所屬之議員。近傳將另組新黨，推松岡洋右爲領袖，打倒既成政黨云。

一六〇

## 砂田重政 (Sunada, Shigemasa)

——衆議院議員前政友會政務調查會長明治十七年生愛媛縣人——

砂田重政之長子，明治三十七年中央大學卒業，經投考推事及檢察官試驗合格。歷任東京京都神戶各地司法官，後辭職，執行律師業務。當選爲衆議院議員，迄今已七次。曾任農林省參與官及政務次長職。在政友會中向爲故山本條太郎派直系人物，今接近舊政友系。前曾二度任政務調查會副會長職，在山本會長之下，諸事悉由彼主持。去年五月以來改任會長。與宇垣一成有葭學親，屢擬擁之組閣。今政友會之有擁立宇垣之一派，氏其領袖也。其律師事務所任政友會所之附近，常與會內同志，共同研究財政經濟問題，頗爲熱心，故於農村經濟，造詣甚深，水產方面之知識，亦相當淵博。昭和十一年一月日本高週波重工業會社成立時，被舉爲理事長。此爲日本新興事業中最新與之事業，以電鑿製煉法，應用於工業方面，係菊池秀三所發明，全世界爲之注目。氏性靈敏，富活動力。本年二月宇垣內閣流產後，已辭去政友會政務調查會長職務。

【九畫】 若宮貞夫

一六二

若宮貞夫 (Wakamiya, Saichō)

——衆議院議員政友會總務明治八年生兵庫縣人——

明治三十二年東京帝大法科政治學系卒業，經文官高等考試合格。翌年任海事官兼遞信省書記官，派在遞信省管船局辦事。三十六年奉派赴美。三十八年兼任地方海員審判所理事官。三十九年又派赴歐洲各國。後歷任海事局長兼地方海員審判所長，遞信省書記官，管船局監理課長兼遞信省參事官，北海道遞信局長，管船局長兼高等海員審判所長，戰時管船管理局長等職。大正十一年升任遞信省次官，翌年轉航空局長官。大正十三年以來，已五次當選爲衆議議員。氏在政友會中素受犬養毅之青睞，犬養組閣時，曾被舉爲陸軍政務次官。歷任政友會政務調查會長，幹事長。去年五月被舉爲總務六人之一。向不屬於任何派系，然自任幹事長以來，已轉變而爲總裁鈴木系之人物。氏久歷仕途，對人謙和，處事細心周到，貌不揚，因有「老太婆」之綽號。

## 風見章 (Kazami, Fumi)

——衆議院議員國民同盟總務明治十九年生茨城縣人——

氏爲風見力三郎之次子，明治四十一年早稻田大學政治經濟科卒業。歷任大阪朝日新聞記者，國際通信社主筆，信濃每日新聞社董事兼主筆等職。昭和五、七、十一年三次總選，均獲選爲衆議院議員。氏於馬克斯主義積有相當研究，其他如社會問題，政治問題，經濟問題，亦均有深切之認識，尤其關於農村問題，因其久從事於農民運動，深曉農民苦况，能以無產農民之立場，發抒中肯之見解。嘗謂：『真正勤勞憂國者爲默默無聞之農民也』。著名農村問題專家中澤辨次郎頗爲心折之。氏思想巧緻綿密，具有果敢的鬥爭精神，意識接近無產階級，交友亦頗多無產黨中之人物，然其黨籍所屬之國民同盟，固爲著名之右翼政黨，又嘗力贊橘孝三郎之愛鄉塾，並參加權藤成卿之村治同盟，則與法西斯分子深有聯絡，亦屬顯然。昭和十一年五月特別議會時，在秘密會中對寺內陸相二、二六事變報告，質問十數項目，理路井然，三十分鐘之彈劾演說，使聞者正襟，惜無速記發表。年來彼在政治舞台縱橫活躍，充滿鬥志，固不僅爲國民同盟之猛將，亦日本新進政治家中屈指

【九畫】 風見章

可數之人物也。

原田熊吉 (Harada, Kumakichi)

——步兵大佐關東軍高級參謀——

士官學校第二二期步科及陸軍大學卒業。曾任參謀本部地誌班班員，大正七年派駐長沙，九年調回原職。十一年任駐華使官副武官，昭和二年移住南京。六年任關東軍參謀，與板垣，石原諸人發動九、一八事變。九年轉近衛步兵第四聯隊長。十一年十二月，又調充關東軍高級參謀。侵略綏遠，多由彼與武藤章二人主持。

【十畫】 宮島清次郎

一六六

宮島清次郎 (Miyajima, Seijiro)

——日清紡績會社總經理明治十二年生栃木縣人——

明治三十九年東京帝大法科卒業，後即奉職日清紡績會社。現除任日清紡績日清人造絲兩會社總經理，東亞製麻，川崎信託各會社理事，南洋貿易，大日本麥酒，遠州織機各會社董事外，更兼日本經濟聯盟之常務委員，關東紡績聯合會副會長及大阪常任市議會議員等要職。遇有經濟上重要問題，常代表民間與政府折衝，故實爲實業界之重鎮。本年一二月間，內閣更迭時，曾傳出出任商工大臣。三月間加入訪華經濟考察團，來我國考察。於日華貿易協會，亦爲理事之一。性情豪放，頗重信義。於政界人物最服膺犬養毅，嘗爲之奔走效勞。犬養死難後，已久不批評時政。經營事業，勁心內鍊，日清紡績之得成爲第一流會社，氏之力也。

宮脇長吉 (Miyawaki, Chokichi)

——衆議院議員退役陸軍航空兵大佐明治十三年生香川縣人——

明治卅七年陸軍士官學校卒業，任工兵少尉，大正十五年升航空兵大佐，昭和三年編入預備役。其間歷任陸軍士官學校教官，所澤氣球隊長等職。自退役後，即當選爲衆議院議員，今已四次，隸政友會籍，現任該黨國防部長。本年二月七十議會時，受同黨推舉，向政府質問國防費，肅軍及軍人干政諸問題，以立憲政治立場，節節進迫，言詞巧妙扼要，全場空氣緊張。嗣以陸海兩相之答辯措詞緩和，得突破雙方衝突之危機。此在本屆議會中，爲一席重要質問戰。且彼本係軍人出身，故頗值注意。性好運動，角力。兄爲政友會要人前鐵相三土忠造，弟宮脇梅吉曾任千葉崎玉新瀉等縣知事，亦頗負時譽。

宮澤胤勇 (Miyazawa, Inyu)

——民政黨系衆議院議員明治二十年生長野縣人——

明治四十年早稻田大學政治科卒業，入實業界，曾任明治製革，櫻組工業各會社理事有年。後創立標準製鞋會社，現任該會社理事外兼任野村合資會社顧問。數度當選爲衆議院議員，隸民政黨籍。其在黨中，資望雖較淺，然頗爲努力。本年二月七十議會時，曾代表民政黨對政府質問國民經濟之一般政策，且力說對滿投資之必要，此殆與野村財閥不無關係，蓋自九一八事變後，野村在滿洲方面之勢力，發展甚速，身當顧問之氏，發爲此言，自可想見其用意。

清瀨一郎 (Kiyose, Ichiro)

——國民同盟幹事長衆議院議員明治十七年生兵庫縣人——

明治四十一年卒業京都帝大法科，試補司法官，後辭職，執律師業。以求知慾甚強，繼復留學英、法、德諸國，研究法學，得有法學博士學位，爲日本今日特許法之權威。大正九年以來，當選爲衆議院議員，迄今已達五次。昭和二年至四年曾被舉爲衆議院副議長。氏頭腦靈敏，態度誠懇，原爲自由主義之人物，其在國民同盟，處於強硬派與穩健派之間，頗能應付裕如。國民同盟自山道襄一等復歸民政黨，中野正剛一派又另組東方會，大有孤城落日之感，氏始終熱心黨務，協助安達（謙藏）總裁，世多稱之，爲今日日本政界有數之人物。平居好讀書，無嗜好。

酒井忠正 (Sakai, Chusei)

—— 貴族院議員伯爵明治二十六年生東京府人 ——

氏爲伯爵阿部正直之弟，伯爵酒井忠興之養子，大正七年東京帝大法科卒業，翌年襲受伯爵，九年任司法及鐵道大臣祕書官，十二年互選當選爲貴族院議員，任職迄今。其間兼任內閣調查局參與官，國有財產調查會委員，米穀調查會委員，帝國農會會長。在貴族院爲研究會（伯子爵團體）新興巨頭，常與岡部長景取得聯絡，岡部獨斷獨行，爲主張反米突制反羅馬字法之國粹主義者，常立於表面，而氏則居於幕後爲其策畫。頭腦微密，態度慎重，而人格圓滿，與研究會舊幹部派（青木信光子，小笠原長幹等）亦頗融洽。氏嘗開放其私宅之一部分創設金鷄學院，自任院主，兼請岡正篤任教職，努力精神教化運動，其所講授，雖以論語爲唯一教材，然其目的則在養成「改造日本」之指導分子。支持者除氏外尚有後藤文夫，結城豐太郎，赤池濃等，聽講者有軍人，官僚、財界、華族等。該院一方面爲修養性質之日本法西斯團體，一方面實與所謂新官僚者深爲聯絡。家產富有，好繪畫。養妹菊子，嫁陸軍少將前田利爲。

皆川治廣 (Minakawa, Haruhio)

——東京控訴院長明治八年生廣島縣人——

明治三十六年東京帝大法科卒業。日俄戰爭時，任國際法顧問，隨從軍中，戰後，補檢察官，服務於大阪，東京各地方裁判所。明治四十三年奉派參加不魯塞爾舉行之國際刑法會議，後即留居歐陸，遊學法德比瑞諸國。大正二年任司法省書記官，充大臣官房典職課長。十年補大審院檢察官，翌年任司法省人事局長，十二年調廣島控訴院首席檢察官，翌年奉命出差歐美各國。昭和二年任名古屋控訴院首席檢察官，六年擢為司法次官。九年岡田內閣成立，任推事，補東京控訴院長，以迄於今。本年一，二月間內閣更迭之際，司法界人士多揣氏將膺新閣之司法大臣重任，乃竟為年齡閱歷較次之鹽野季彥獲得，殆「非常時」之情勢使然歟？

馬場恆吾 (Baba, Tsunego)

——政治評論家明治十一年生岡山縣人——

馬場龜三郎之子，京都第三高等中學卒業後，入仙台高等學校習工科，修業滿期前之正月，患感冒，臥于宿舍，萬感叢集，對工科一類之物質的學問，深為不滿，遂決退學，而轉入京都同志社之神學部，時年二十三歲。氏之入神學部，志在為牧師，蓋其先氏已深信基督教，聖書之一字一句，奉為金科玉律，然及入神學部後，聞安部磯雄新神學之理論，對聖書始而懷疑，終乃信新神學為真理。故在學未滿一年，又轉入早稻田大學習法政。翌年（明治三十四年）退學，入日本泰晤士報編輯部。至明治四十三年辭職。後赴紐約並任 Oriental Review 之編輯凡三年。歸國後，任國民新聞編輯。一九一九年嘗出席巴黎和會。近為自由評論家，已歷多年。所著論文多關於政治及人物，而對政界人物之評論，尤膾炙人口。著有議會政治論，現代人物評論，政界人物風景，政界人物評論及國民政治讀本等書。氏之思想，屬于民主主義自由主義之一流。故對蘇聯共產主義之獨裁政治與德意法西斯主義之獨裁政治，均加反對，斥為殘酷無情，而日本決不應效法。昭和十一年十一月

日德協定成立後，氏嘗力加攻擊。謂日本人民對於日德協定消息之傳來，確如晴天霹靂，不勝其憂慮，就目下之情形觀察，日本似已失去英美各友邦而與德意講求親善矣；廣田內閣最近之祕密外交，一般人皆信係由軍部之壓迫，或不無相當之理云云。蓋氏深恐此種協定之成立，將使日本法西斯化之色彩愈見濃厚，而憲法政治更受嚴重之打擊也。

高山久藏 (Takayama, Kyuzo)

——愛國勞動組合全國懇話會常任委員——

曾任新日本國民同盟中央常任委員。彼之基本勢力在「日本勞動組合總聯合」，此爲次於「日本產業勞動俱樂部」之有力的法西斯勞動組合，以重工業方面之勞動者爲其基礎。初支持勞動大眾黨，後轉而支持新日本國民同盟，然至昭和十年四月坂本孝三郎死後，由氏繼任會長，乃宣言轉向日本主義，揭舉道日本之完成與國家產業之發展爲宗旨。計有加盟組合四一，組合員二七、一二六人。十一年四月東京有「愛國勞動組合全國懇話會」之結成，參加團體凡二五，會員十萬人，其中團體卽爲前述之俱樂部與總聯合，氏被舉爲常務委員之一。十一月右翼政治之諸有力團體於東京召集「時局協議會」籌劃創立統一右翼陣綫之「維新政黨」，氏與大日本青年黨創立者橋本欣五郎，愛國勞動農民同志會創立者小林順一郎等同爲發起人。

高須芳次郎 (Takasu, Hojiro)

——新東方協會會長文藝家明治十三年生大阪府人——

早稻田大學英文科卒業。初任新聲雜誌記者，及世界的青年，東西南北編輯主幹，後轉入新聞界，歷任國民新聞，東京每日新聞，二六新聞之社會部長及文藝部長。發表評論，講話，隨筆甚多，與蜷川新北聆吉同爲日本主義學者之先輩。曾參加日本村治派同盟。著有古代中世日本文學十二講等書。

俵孫一 (Tawara, Magotchi)

——民政黨系衆議院議員明治二年生島根縣人——

明治二十八年東京帝大法科卒業，後歷任朝鮮統監府參與官，朝鮮學部次官，朝鮮總督府臨時土地調查局副總裁，三重宮城各縣知事，北海道廳長官，拓殖事務局局長等職。大正十四年由鐵道省次官轉任內務省政務次官。昭和四年七月濱口內閣成立，被舉爲商工大臣，六年四月退官。當選爲衆議院議員，今已五次，初屬政友會，大正四年後，轉入民政黨，歷任幹事長，顧問等職，爲伊澤系人物，但與若槻系亦有聯絡。其在黨中，前曾活躍一時，今則勢殊不振。爲人正直，三菱方面有相當信用。長子精一，東京帝大經濟科卒業，現供職三菱石油會社。四子隆治，東京帝大工科卒業，現供職任友仲銅會社。

堀切善次郎 (Horikiri, Zenjirō)

——貴族院議員明治十七年生福島縣人——

氏爲現衆議院議員堀切善兵衛之弟，明治四十二年東京帝大法科法律學系卒業，經文官高等考試合格。歷任岩手廣島京都各府縣事務官，內務省參事官及書記官，都市計劃局長，土木局長，神奈川縣知事，復興局長官等職。昭和四年任東京市長，六年任拓務省次官，七年齋藤內閣成立時任法制局長，八年昇任內閣書記長官，九年齋藤內閣解體同辭職。去年秋間日貴族院議員有「華南考察團」之組織，由氏任團長，前來閩厦汕港澳粵各處考察。氏爲東大卒業生「四十二年組」之官僚小組織中重要分子之一。本年一、二月間字垣一成及林銑十郎組閣時傳均邀任內務大臣，未就。

堀切善兵衛 (Horikiri, Zenkei)

——衆議院議員政友會總務明治十五年生福島縣人——

氏爲現貴族院議員堀切善次郎之兄，明治卅七年卒業慶應大學，復以校費留學英、美、德三國，於劍橋，哈佛，柏林各大學，專攻經濟財政學。歸國後歷任時事新報記者，慶應大學教授。明治四十五年以來，當選爲衆議院議員，今已九次，屬政友會籍。在黨中，不屬任何派系，超然獨立自尊，故該黨中人嘗讚謂「彼其仙乎」。久任總務職，與大口喜六同稱爲政友會財政通之雙璧。在議會之演說，娓娓動聽，最易令人領悟，故昭和五年被舉爲衆議院議長。在政界曾歷任大藏省勅任參事官，內閣總理大臣祕書官，（大正一〇——一一），農商務省參與官，（大正一三——一四）等職，皆出高橋是清之荐拔。昭和六年大藏內閣時，高橋任藏相，又舉爲大藏政務次官。至九年七月辭職。氏外表冷靜，有英國紳士風。富於鬥志，且擅長柔道。有時出言亦殊幽默，聞者粲然。家世富厚，爲福島縣之多額納稅者。

望月圭介 (Mochizuki, Keisuke)

——衆議院議員昭和會長老慶應三年生廣島縣人——

早歲肄業於攻玉社，共立學校及明治英語學校，後從事鑛山業。今已年逾古稀，自三十二歲（明治三十一年）當選爲衆議院議員以來，政治生活垂四十年，當選十二次。向隸政友會籍，曾任幹事長總務等職，與岡崎邦輔同爲黨中長老輩之重鎮。原內閣時（大正七年）嘗任農商務參事官，昭和二年田中內閣成立，舉爲遞信大臣，翌年轉任內務大臣，四年退官。九年七月岡田內閣成立時，床次竹二郎，山崎達之輔，內田信也因入閣而被開除黨籍，氏對鈴木總裁之處置，深抱不滿。翌年，床次逝世，氏繼之入閣，亦與政友會脫離。床次離黨後，曾努力新黨運動，逝世後，氏繼其遺志，於十一年一月與內田山崎等創立昭和會。昭和會與岡田內閣保持密切合作之態度，故在二月之總選中，佔有相當之地位。願總選後，不數日而發生二・二六事變，岡田內閣解體而廣田內閣成立，昭和會遂失其與黨資格之存在。氏年邁消極，而昭和會之實際領袖內田信也又因鐵道賄索案待罪未決，最近山崎達之輔又因投入林內閣而脫離黨籍，此誕生僅及年餘之昭和會，似已孱弱難復支持矣。

清水行之助 (Shimizu, Konosuke)

——大行社社長靜岡縣人——

氏於二十歲以前卽來華，在上海一帶過浪人生活，出入於北一輝之門，與岩田富美夫同爲北氏之左右手。大正八年北氏返國，氏偕岩田隨之同歸，加入猶存社。翌年岩田創大化會，襄其進行一切，後退出，於大正十三年另自組織大行社，自任社長，以迄於今。資性明敏，在愛國主義團體中，與岩田同爲獨樹一幟之領袖人物，前以仗劍殺入帝國飯店舞場，哄動一時，蓋其時正日本對美問題緊張，彼不禁憤而出此。又當大倉喜八郎祝賀米壽時，以財閥身份，大事鋪張，氏遞決議文，欲其停止舉行。自昭和四年候選失敗後，已放棄其急進思想，大行社亦不復如前時之活躍矣。

深尾隆太郎 (Fukao, Ryutarō)

——南洋拓殖會社社長男爵貴族院議員明治十年生大阪府人——

氏家世藩吏，明治三十二年卒業東京高等商業學校後，即入大阪商船會社，歷任近海課長，東京支店長，專任理事，至大正十四年被擢爲副社長。後改任理事，同時就日清汽船會社社長之職，以迄於今。嘗任國際經濟會議日代表顧問，並出席萬國議員商事會議。昭和三年當選爲貴族院議員，十一年五月特別議會時，通過設立南洋拓殖會社法案，此爲日本南進政策重要之一端。對於初任社長逐鹿者頗多，以氏在實業界久著譽望，遴選斯職。氏眼光遠大，處事精細，愛書畫骨董。

淺沼稻次郎 (Asanuma, Inajiro)

——社會大眾黨常務執行委員衆議院議員明治三十年生東京府人——

氏生於小笠原羣島，大正十二年早稻田大學經濟科卒業後，即加入日本鐵夫組合及日本農民組合，從事無產階級解放運動，十三年因足尾銅山爭議事件入獄。十四年任農民勞動黨書記長，後加入日本勞動黨，全國大眾黨，均居幹部。及昭和七年社會大眾黨成立，任常務執行委員，以迄於今。彼在本所深川方面之勞動者間，植有不拔之勢力，呼爲「我等之淺沼先生」，前此候選衆議員時，該區工人均自動出資爲之援助，雖告落選，而十一年二月之總選舉卒如願以償，氏體軀偉大，其舉動亦落落大方。

淺原健三 (Asahara, Kenzo)

——前社會大眾黨中央委員明治卅年生福岡縣人——

日本大學夜學部法科卒業。大正八年於其故鄉八幡市，以八幡製鐵所之勞動者爲基礎，組織「日本勞友會」。翌年因指導該製鐵所之罷工，被拘入獄，判處懲役六個月。出獄後，結成「西部煤礦夫組合」。後任九州民憲黨黨首，及社會大眾黨成立，曾任中央委員。昭和三年及五年當選爲衆議院議員。氏在青年時代，即從事社會運動，昭和十一年舉行總選時，因思想銳變放棄候補。本年三月林銑十郎組閣時，偕十河信二居中策劃，慫恿林氏引用板垣末次等革新派分子，可知其思想之與軍部合流矣。

添田敬一郎 (Soeda, Keinichiro)

——衆議院議員民政黨顧問明治四年生福井縣人——

明治三十一年東京帝大法科卒業，歷任兵庫縣參事官，大分熊本山梨滋賀各縣事務官，崎玉山形各縣知事，內務省地方局長等職。在地方局長任內，嘗將以救護課改稱爲社會課，原來舊日之觀念，以爲社會事業不過救護事業而已。自氏之改稱，使省內官吏對於社會事業之認識爲之一新。後創立協調會，任該會常務理事職（與吉田茂一派反對）不數年乃由官僚生活而轉入政治舞台，當選爲衆議院議員，今已五次，屬民政黨籍。嘗故松田源治任文相時（昭和九——一一），曾在其下任政務次官，頗爲活躍，有「次官大臣」之名。現除任議員及民政黨顧問外，並爲協調會及中央社會事業協會理事。嘗與河源田稼吉大藏公望等組織國策研究同志會。民政黨內閣如能成立，彼爲大臣級之人物也。

鳥居龍藏 (Torii, Ryuzo)

——人類學家文學博士明治三年生東京府人——

氏爲鳥居新次郎之次子，在中學時，因數理等學科成績不良，致留級。早歲即從事人類學及東亞細亞古代文化之研究，今遂成斯界之權威。曾任東京帝大助教授，擔任文學部及理學部人類學講座，大正十年得文學博士學位。現任上智大學教授兼文學部長，國學院大學教授，世界聯盟人類學會會員，巴黎，美國各人類學會會員，並經營及主持鳥居人類研究所，自任所長，率其全家族共同研究人類學史前學，考察旅行，席不暇暖。氏通蒙古語及滿洲語，爲日本滿蒙考古大家，數至我國蒙古調查，今可考者：第一次在明治二十八年，係受東京人類學會之委託，在東蒙一帶調查，歷五個月。第二次在明治三十八年，氏一面調查，一面夫婦二人同任內蒙喀喇沁王貢桑諾布爾所辦崇正，毓正等校教師。第八次在昭和二年。昭和十一年十二月奉外務省命赴巴西考古，著書甚多，（以外國文字者發表亦不少），其與滿蒙有關者有蒙古紀行（明治四十三年出版），滿蒙古蹟記等書。

麻生久 (Aso, Hisashi)

——社會大眾黨書記長衆議院議員明治二十五年生大分縣人——

由第三高等學校升入東京帝大法科，於大正六年卒業。在三高時，嘗與棚橋小虎山名義鶴等共同組織縱橫會，努力鼓吹自由思想。後入東大，爲新人會之中心人物，常立於改革運動之第一陣，以理論鬥士見重於同志之間。出校後任東京日日新聞記者，並主辦解放雜誌。大正八年加入友愛會，翌年任全日本鑛夫總聯合會顧問。大正十五年組織日本勞動組合同盟，並結成日本勞農黨，任該黨書記長。後全國大眾黨成立，任中央委員會議長。現任社會大眾黨書記長，事實上實爲該黨黨魁。昭和十一年二月之總選，大眾黨獲得意料以外之十八名議席，而氏竟以全國最高點當選，大眾黨所標榜之綱領爲：擁護勞動者農民及爲一般勤勞大眾之生活而奮鬥。然實際近年來常表示支持少壯將校之態度，法西斯蒂之色彩，頗爲濃厚。故大眾黨之獲得勝利，時會使然，並非真正出於大眾之擁護。氏性情明朗，具有浪漫詩人之氣質。著有泳於濁流，無產政黨之理論與實際，何謂無產政黨等書。

富田勇太郎 (Tomita, Yutaro)

——「滿洲」興業銀行總裁明治十六年生福岡縣人——

明治四十一年東京帝大法科政治學系卒業，翌年入大藏省，任專賣局書記官。嗣後歷任稅務監督局監督官，理財局國債及國庫課長等職。大正十三年擢爲理財局長，兼任存款部長。昭和九年派赴倫敦，任海外駐在財務官。本年一月一日，日本與僑滿合資設立「滿洲興業銀行」，以氏爲第一任總裁。氏在大藏省幾近卅年，其任理財局長，前後達十一年之久。當昭和六七年間黑田英雄任次官時代，黨同伐異，勢炎迫人，而氏與彼，感情頗不圓滿。依氏之手腕與經歷言，早應昇爲次官，然卒未遇機運。前曾任華府會議日全權代表隨員，深通國際金融情形，與前大藏省次官津島壽一齊名。

(註)滿洲信業銀行資本金三千萬元，由日僑各半出資，得發行資本金十五倍之債券。其業務爲長期放款，不動產投資，企業投資等。

堤康次郎 (Tutsumi, Yasujiro)

——民政黨系衆議院議員明治二十二年滋賀縣人——

早稻田大學政治經濟科卒業。出校後，入實業界，經營地產，嘗任東京土地會社董事，箱根土地社長，頗獲子利，活躍一時。然素性豪邁熱情，此種事業，未能滿其志，遂投身政界。自大正九年以來，當選爲衆議院議員，今已五次，隸民政黨籍。其在黨中，地位之升進甚速，嘗任顧問職，曾極力反對安達謙藏之復黨。彼爲以永井柳太郎（現幹事長）爲中心所謂早稻田系之人物，齋藤內閣時，永井任拓相，曾舉爲拓務省政務次官（昭和七——九）。然在另一方面，與伊澤（多喜男）派宇垣（一成）派亦均有聯絡。民政黨中人物概較政友會爲穩健，若彼之奔放者殊少見。在東京交易所方面有相當勢力，最近於清津方面亦購有不少土地。

植原悅二郎 (Uehara, Etsusaburo)

——衆議院議員政友會院內總務明治十年生長野縣人——

明治四十年及四十三年先後卒業美國華盛頓州立大學，及英國倫敦大學大學院，專習政治經濟得博士學位。課外曾歷任美國西北新報記者，日美商報社長，華盛頓日本人同鄉會副會長，日英博覽會及巴拿馬博覽會事務顧問。歸國後歷任東京高工講師（明治四十四年至大正三年），明治大學教授（大正元年至七年），立教大學教授（大正七年至九年）。大正六年以來，當選爲衆議院議員，迄今已達七次，並曾任副議長多年。氏爲尾崎行雄之直系人物，自國民黨而革新俱樂部而政友會，均追隨尾崎，若影隨形。在田中內閣時代，因尾崎之推荐，曾任外務參與官。性情明朗而誠摯，非長於施展政治手腕者。本年二月中旬第七十議會停會續開之時，氏繼民政黨之小泉又二郎重又質問林首相政黨人員以脫黨爲入閣條件究竟根據何種理由，一方面既謂尊重議會政治，而事實上豈非目無政黨而何？迫使林首相答謂「要求脫黨係因當時之情勢，決非目無政黨」。於此亦足覘氏魄力之一端。着有日本明治時代之政治發展，日本之民主政治制度，憲法研究，日本之建設各書。

渡邊千冬 (Watanabe, Chifuyu)

——子爵貴族院議員大阪每日新聞社理事明治九年生長野縣人——

氏爲渡邊千秋之三男，後入繼其叔渡邊國武爲養子。國武係舊諏訪藩士，三任大藏大臣，以功受子爵，家聲大隆。明治三十三年，氏卒業於東京帝大法科法文法學系，復留學法德美諸國。歸國後任日本製鋼所，北海道炭鐵汽船各會社專務理事。後入興業銀行，任專務理事兼東京分行代表。明治四十一年由長野縣當選爲衆議院議員。大正九年互選爲貴族院議員。昭和四年濱口內閣時任司法大臣，六年四月若槻第二次內閣成立，連任原職，同年十二月大藏內閣繼起辭職。現除貴族院議席外兼爲宗秩寮審議官，大阪每日新聞社理事。氏在貴族院爲研究會三巨頭（青木信光，松平賴壽與氏）之一。指導後進，頗爲努力，凡研究會出身之政務次官，均由彼一手推荐。俊敏豪邁，有武士氣質，是是非非，決不苟合附和。近年來法斯勢力高漲，深致憤懣。本年第七十次議會重開時，痛斥獨裁政治之不可；並對有田外交，尤其有田之對華外交，頗多非難。

湯澤三千男 (Yusawa, Michio)

——前內務次官明治二十一年生栃木縣人——

明治四十五年東京帝大法科經濟學系卒業，經文官高等考試合格，大正元年入內務省，嗣後歷任福井縣理事官，內務省書記官，衛生局事務官，保健課長及調查課長。大正十年派赴歐美視察。歸國後，仍任內務省書記官，旋轉社會局社會部長，保險部長，勞動部長。昭和四年任宮城縣知事，六年任土木局長，七年任廣島縣知事，去年三月潮惠之輔入閣，擢為次官。五月特別議會時，氏乘革新之潮流，不願資本家之猛烈反對，提出『退職公積金及退職津貼金法案』，因不滿於議會之修正，憤然主張撤回原案，後因潮之勸阻而罷。氏素受鈴木喜三郎賞識，為內務省新官僚中傑出之人物。性格與前潮內相相反，即潮則長於處理事務氣魄較差，而氏則大刀斧闊，頗有政治家風度。本年二月林內閣成立，河源田稼吉任內相，氏辭職獲准，今在閒地，然將來當有內相之望云。

勝正憲 (Kritsu, Masanori)

——民政黨會計監督衆議院議員明治十二年生福岡縣人——

明治三十八年東京帝大法科法學系卒業。歷任仙台稅務監督局長，大藏省書記官兼參事官，海  
外駐在財務官，東京稅務監督局長，東京市副市長，大藏省參事官等職。昭和九年七月岡田內閣成  
立時，町田忠治出任商工大臣，擢爲政務次官。十一年二・二六事件後，隨町田辭職。由福岡縣舉  
爲衆議院議員今已四次，隸民政黨籍。氏出身大藏省，於稅制問題頗有研究，與川崎克，工藤鐵男  
等同稱爲民政黨之財政通。第六十九屆（十一年五月）特別議會時，氏代表民政黨，對馬場財政管加  
以辛辣之批評。態度穩健，平居喜植栽花卉以自娛。

## 猪野毛利榮 (Inose, Riei)

——外務省政務次官衆議院議員明治十九年生福井縣人——

氏爲猪野毛利右衛門之長子，明治四十四年日本大學法科卒業，曾任新聞記者，東京順天中學教師，日本大學常任董事，經國社社長等職。大正十三年以來，四次當選爲衆議員，隸政友會籍。昭和七年鈴木喜三郎長政友會總裁時，任隨從祕書，常攜手槍護衛鈴木。昭和十年國體明徵問題正喧擾時。氏助山本悌二郎，大肆活躍。十一年四月被舉爲外務省政務次官，此雖由於鈴木總裁之全力推荐，然有田外相爲明徵派山本悌二郎之實弟，則山本自亦不無推轂之功也。氏性愛日本犬，又爲漢藥研究家，自能以藥草治病，頗見功效。嘗云：『政治者天聲也，故執政者不可不上體神命』。此彼之政治哲學也。宗教心亦至熱烈，誦讀聖若經，迄今已逾二十四年。

菊池良一 (Kikuchi, Ryōichi)

—— 民政黨衆議院議員明治十二年生青森縣人 ——

氏爲已故菊池九郎之長子。(九郎素從事自由民權運動，曾任衆議院議員。)明治四十一年卒業京都帝大法科後，任新聞記者，旋轉入商界，經營貿易，今擔任山口商會社代表理事。大正九年以來，當選爲衆議院議員，今已六次。氏爲山道兼一手下之健將，其黨籍由民政黨而國民同盟，去年由國民同盟而復歸民政黨，悉隨山道爲轉移。素抱大志。對政界革新，倡導有年。前曾久任中國，任孫總理之祕書。

奧村喜和男 (Okumura, Kiwaō)

——內閣調查局調查官長野縣人——

大正十四年東京帝大經濟學部卒業後，卽入遞信省，歷任遞信省事務官兼書記官，關東廳遞信局事務官，遞信省電氣局無綫電課長等職。氏出校門後卽嶄露頭角，昭和六年之反對濱口內閣減低官吏俸給案卽爲遞信省中之策動人。在任時如電話民營，電通聯合兩通信社之合併，以及偽國通信行政之統一等要案，皆出其一手擘劃。昭和十年五月，調任內閣調查局調查官。十一年三月賴母木桂吉出任遞相，力主電力國營，其原案卽由氏依據鈴木貞一大佐之意作成，因此一躍而立於少壯官僚之最前綫。氏素抱國家社會主義，爲國策研究同志會重要角色，與中野正剛及少壯軍人，尤脈息相通云。

塚田攻 (Tsuikata, Senemu)

——參謀本部第三部長明治十九年生茨城縣人——

士官學校第十九期及陸軍大學卒業。曾任參謀本部課員課長，陸大研究部主事兼兵學教官。歐戰後被派赴德，與魯登道爾夫相識。嘗謂德國敗衄之原因，主由國防上政府不肯依照軍部之要求，與以充分之滿足，故卒爲敵人所乘。近年日本軍事預算之無限膨脹，實由此種思想所促成。氏久居參部，與山下奉文同被稱爲負荷將來新陸軍之雙璧。思想激烈。昭和十年，川島義之任陸相時，擢爲參謀本部第三部長並晉級少將，在士官第十九期生中蓋最早升爲少將者也。本年宇垣一成奉命組閣，陸參兩部中樞將校如石原筈爾，町尻量基，石本寅三，田中新一，秦彥次郎等羣起反對，氏卽其中重要分子之一。

## 鈴木文治 (Suzuki, Bunji)

——社會大衆黨及全日本勞動總同盟顧問衆議員明治十八年生宮城縣人——

明治四十二年東京帝大政治科卒業。氏家境清寒，在學期中，嘗爲本鄉教會機關雜誌新人之編輯，以補膏火，而與基督教之發生關係，亦自此始。出校後，入秀英舍印刷所，後轉朝日新聞記者，並兼任芝教會社會事業部主任，擔任勞動者學術演講會之指導。大正元年組織友愛會，就會長職。大正四、五年負緩和排日之使命赴美。大正九年友愛會改組爲日本勞動總同盟繼續擔任會長之職，十五年被推爲社會民衆黨中執委，直至昭和五年同時辭去此二職。氏出席國際勞動會議，任日本勞方代表，先後達五次之多。昭和八年又嘗隨松岡洋右赴歐，以圖於勞動界方面緩和滿變後歐洲各國反日空氣。昭和三年及十一年當選爲衆議員。爲人富於感情，著有勞動運動二十年一書，日本勞動運動之先進也。

鈴木正吾 (Suzuki, Seigo)

——國民同盟系衆議院議員明治二十三年生愛知縣人——

大正二年明治大學卒業，後歷任讀賣新聞記者，大觀編輯部長。昭和七年及十一年當選爲衆議院議員，隸國民同盟籍，爲安達謙藏總裁之直系人物，於政治生活，爲日尙淺，願亦頗具策術。本年二月氏在議會攻擊對華外交之失敗，謂實係日本安定東亞勢力之不足，故此後應擴充軍力，以期完全實行國防政策，並對林內閣政綱表示贊同，對「祭政一致」尤爲滿意，此爲右派之自然結論，蓋衆議院中讚揚新聞政策者僅右派耳。氏前嘗與尾崎行雄共赴歐美各國視察，性好運動，愛觀電影。

## 鈴木宗作 (Suzuki, Munesakū)

——教育總監部第二課課長陸軍大佐明治二十四年生愛知縣人——

士官學校第二十四期及陸軍大學卒業，與現參謀本部第一部長石原莞爾同期，席次石原第一，氏第二。曾任陸軍大學教官，關東局警務部警備課長。昭和十一年繼石原後任仙台第四聯隊長。任陸大教官時，適因倫敦條約發生統帥權問題，陸大學生同聲附和，意氣激昂，氏勵聲曰：『海軍之事海軍任之，設因此而啓海陸兩軍之爭端，將若何？况事爲參議官所爲乎？爾曹其靜研所學，毋妄動』。此一席訓話，學生果見馴服。氏富於組織能力，被稱爲『軍隊編制之神』。與石原同爲將來最有希望之人物。惟石原過露鋒鎔，而氏則勁心內鍊，具有學者風。本年三月調任現職。

鈴木莊六 (Suzuki, Soroku)

——陸軍大將前在鄉軍人會會長慶應元年生新瀉縣人——

氏爲新瀉人，小米商鈴木高次之第三子。幼年貧苦，曾任長岡警察署工役。後由小學校代用教員，應試陸軍教導團及格，期滿考入士官學校騎兵科，於二十二年第一期卒業，即任職少尉，旋入陸軍大學，因成績優異，賜軍刀賞。日俄戰爭時，以少佐及中佐任第二軍參謀職。其後歷任參謀本部課員，課長，兼海軍軍令部參謀，陸大兵學教官，尤以教官時間爲最長久。晉級少將後，充騎兵第三旅團長，騎兵實施學校校長，騎兵監。大正八年長第五師團，從軍西伯利亞，與赤衛軍戰於俄境。繼調第四師師團長，台灣軍司令官，朝鮮軍司令官等職。大正十五年升參謀總長，五年退職。七年任樞密顧問，並任在鄉軍人會會長，本年三月告退。氏曾歷遊歐美各國，思想右傾，激烈分子之敢於發動九·一八事變者，暗中實由其支措所致。少壯派領袖建川美次其襟弟也。

鈴木善一 (Suzuki, Zenichi)

——神兵隊事件主犯明治三十五年生茨城縣人——

早歲以優等成績畢業於國士館。其後與同志八幡博堂，合力組成信州國民黨。昭和四年十一月信州國民黨擴大組織，改爲日本國民黨，八幡任書記長而氏任副書記長。昭和七年十一月日本國民黨合併於大日本生產黨，彼二人又轉爲生產黨之重要人物。當昭和八年七月神兵隊事件破案之前，氏任該黨中央常務理事，隱然具有操縱一黨之勢力，飛檄各地支部及各右翼團體，組成神兵隊，由彼担任地上部隊參謀兼生產黨暴動同志總指揮。然在發動前夕，卽被破案，氏亦被捕。今尙身繫囹圄，尙未判罪。

飯田貞固 (Hida, Sadakata)

——騎兵監陸軍中將明治十七年生新瀉縣人——

明治三十八年陸軍士官學校第十七期騎兵科首席卒業，（與前田利爲東條英機同期），即以少尉，參加日俄戰爭。其後又卒業陸軍大學，獲軍刀賞。歷任青島守備軍參謀，陸軍大臣祕書官，駐意使館武官，陸軍大學兵學教官，近衛騎兵聯隊長，陸軍省軍務局馬政課長，陸軍省副官，騎兵第三旅團長，騎兵學校校長（昭和十年），參謀本部總務部長等職。昭和九年陸軍大演時，任阿部信行下之參謀長。其戰術與小畑敏四郎並稱，極見賞於同鄉鈴木莊六大將及建川美次中將。昭和十一年十二月升中將，同時繼遠沼蕃後調任騎兵監。或謂氏之才能性格與其爲戰將，不如任軍政家較爲適切，故畀以此職云。

飯沼一省 (Inuma, Kozumi)

——內閣調查局調查官明治二十五年生福島縣人——

大正六年東京帝大法科法律學系卒業，同時卽投身官界，歷任靜岡縣志太郡郡長，靜岡縣理事官、內務省事務官兼鐵道省及復興局書記官，內務省書記官兼造神宮主事及復興事務局書記官，都市計劃課長等職。昭和九年七月擢爲崎玉縣知事。十年五月內閣調查局成立，調爲勅任調查官。氏天資優秀，爲中堅少壯官僚羣之主要分子，前調查局長官吉田茂特加青睞，氏亦以勤奮相報。十一年三月廣田內閣成立後，爲少壯官僚大本營之調查局，與軍部一脈相通，大肆活動，氏與中村進之同爲行政機構改革及教育制度改革問題之担当者，故一時頗爲人所注目。惟吉田茂於十一年年底去職後，氏之活動，當不無影響也。妻爲前遞信大臣南弘女。

(註)內閣調查局之組織，在長官以下，有勅任調查官五名，奏任調查官十三名，參與三十名，具有學識經歷之專門委員五十名，并其他書記官事務官若干名。

廣瀨久忠 (Hirose, Hisatada)

——內務省社會局長明治二十二年生山梨縣人——

氏爲廣瀨久正之長子（久正曾任七里銀行理事，三次當選爲衆議員，在山梨縣頗具德望）氏於大正三年卒業東京帝大法科政治學系，經高等文官考試合格。嗣後歷任岐阜縣警視及理事官，警視廳理事官及警視，滋賀縣警察部長，內務省社會局事務官，福井縣內務部長，復興局書記官；內務省官房文書課長等職。昭和四年五月掘切善次郎任東京市長時，擢爲副市長。五年五月辭職，一時賦閒。九月被委爲東京府內務部長。六年擢爲三重縣知事，八年轉調埼玉縣知事，九年舉爲內務土木局長，十一年三月潮惠之輔任內相後，調任社會局長。本年一月間廣田內閣總辭職，氏一時被傳有升爲內相希望，及後林內閣成立，內相一席雖卒爲河原田稼吉所得，然氏在政界中聲望之隆，於此可見。喜高爾夫球，壘球，網球。

滿川龜太郎 (Michigawa, Kantaro)

——前新日本國民同盟中央常任委員——

氏爲努力日本主義運動之先聲，當大正七年日本最早之急進國家主義團體老壯會出現時，氏爲發起人之一，會中事務多由其主持，大正八年北二輝自滬歸國，組織猶存社，大川周明與氏其股肱也。大正十三年行地社成立，大川任委員長，氏任主事。大正十五年退出猶存社而自行創立一新社。生平服膺西鄉隆盛，希望世間有偉人之產生。自一新社成立後，努力於學生間之宣傳，故在學生愛國團體間有甚大潛勢力，如京大之猶興學會，早大之潮之會，拓大之魂之會，皆爲其所指導。昭和五年創辦與亞學校，聘中谷武世爲講師，志在培養能在中國大陸活躍之人才，故特爲教習俄語華語。昭和七年五月下中彌三郎創立新日本國民同盟時，氏爲中央常任委員之一，十年九月退出。最近活動狀況，不甚明瞭。又前曾任拓殖大學教授。

滿井佐吉 (Michi, Sakichi)

——前陸大兵學教官陸軍中佐明治二十六年生福岡縣人——

大正三年以優等成績卒業於陸軍士官學校第二十六期，即以少尉供職大分步兵第四十七聯隊。中尉時，從軍西伯利亞。大正十年入陸軍大學，卒業後服務陸軍省軍務局，旋被派赴德研究軍事。昭和五年歸國，七年任久留米第四十八聯隊中隊長。八年進級中佐，昇任陸軍省軍事調查部員。其時陸省新聞班所頒布小冊子「國防之本義與其強化」，彼爲執筆者之一人。在任未滿一年，卽轉調大兵學教官。昭和十年八月相澤刺殺當時之永田軍務局長，氏担任相澤之特別辯護人，對重臣財閥大肆攻擊，而稱道相澤之行爲。十一年二・二六慘變發生時，氏以爲惟有實現「昭和維新」，以解決事態，並以此意傳達於軍首腦部與叛亂將校間，結果不爲軍首腦部所容，而氏亦被捕。今年一月經軍法會議審訊，結果以氏同情叛亂將校，並擅敢提陳於叛亂將校有利之具體方案，判處徒刑三年。氏向與根本博坂西一良神田正種鈴木貞一影佐禎昭等被稱爲中堅將校之強硬派。其以「昭和維新」爲理想，與叛亂將校本相一致，但不主以暴力取得之耳。

增田義一 (Masuda, Gitchi)

——衆議院議員實業之日本社長明治二年生新潟縣人——

明治二十六年以首席卒業於早稻田大學前身之東京專門學校政治科，後復研究財政學。明治二十八年任讀賣新聞經濟財政部主任，三十三年創立實業之日本社，發行雜誌（實業之日本）書籍，在出版界頗佔勢力。現除任該社社長及衆議院議員外，於實業方面兼任大日本印刷會社總理，馬來橡皮公司理事長，日清生命保險、東京地下鐵道、婆羅洲橡皮各會社理事，錦華紡織會社董事等職。於政治社會方面，兼任文政審議會委員，國語審議會委員，佃農調查會委員，早稻田大學及跡見女校理事。其任議員今已六度當選，昭和六年曾被舉爲副議長，屬民政黨籍。前曾遊歷歐美，餘暇常執筆爲文，著書有十餘種，其所主宰之實業之日本，爲一種通俗雜誌，銷數甚廣。性好讀書旅行。

橫山助成 (Yokoyama, Sakenari)

——警視總監明治十七年生秋田縣人——

明治四十二年與河原田稼吉同卒業東京帝大法科政治系，經高等文官考試合格。歷任大分縣警察部長，內務省土木局書記官，石川及廣島各縣知事，內務省警保局長，京都府知事，昭和十一年一月調東京府知事。本年二月內閣改組後，新內相河原田稼吉，擬舉爲內務次官，氏邀篠原英太郎代己，而就任警視總監職。彼三人皆爲水野鍊太郎系之重要人物，其中尤以氏係水野同鄉，手腕圓滑，水野無不言聽計從，因有「建築居士」之綽名。（水野退職後，與町田忠治競爭議席落選，輾轉各地，鬱鬱不得志）。此次河原田就任內相，氏以同窗好友，部內人事調動，多出其策謀。現部內重要職位除警保局長（原地方局長）太村清一及地方局長（原岐阜知事）坂千秋外，皆出水野一系也。性格外柔內剛，思想則爲國粹主義，時爲愛國團體入幕之賓，而爲之參預一切焉。

蓮沼蕃 (Hasunuma, Shigeru)

——陸軍第九師師團長陸軍中將明治十六年生石川縣人——

陸軍士官學校第十五期騎兵科及陸軍大學卒業。昭和十年累升至陸軍中將。其間曾參加日俄戰爭，奉派赴歐公幹，歷任第十師團副官，參謀本部部附，騎兵學校及陸軍大學教官，騎兵第九聯隊長，侍從武官，騎兵學校教育部長，騎兵第二旅團長等職。昭和十年任騎兵監，十一年十一月轉第九師團長。氏之名不甚著稱，而派閥關係亦無所聞，平居讀書散步以爲樂。（日本師團長中（昭和十一年末之調查）以第十五期占最多數，計十五人，餘十三期一人，十四期六人，十六期一人）。

駒井德三 (Komai, Tokugo)

——「康德」學院院長明治十八年生滋賀縣人——

卒業於東京第二中學及明治大學法科，復入札幌帝國大學農科，其畢業論文爲「滿洲大豆」。出校後，入南滿鐵道會社服務，於該社地方部達十三年之久，從事調查滿蒙及中國本部之產業資源。大正九年芳澤謙吉任亞細亞局長時，氏在其下任職多年。及滿洲事變爆發後，除關於軍事侵略由關東軍自行進行外，其他一切政治編制，法章草擬，殆無不出於氏之陰謀，並爲其一手所包辦。傀儡政府成立後，氏曾任尚書府祕書官長，國務院總務長官等職，挾溥儀以號令羣醜，儼然爲一太上皇。事變之翌年（一九三二）國聯派遣李頓調查團入滿洲調查時，全由彼當折衝之任，爲傀儡張目。昭和八年春，著有大「滿洲國」建設錄一書，卽爲敘述其手製傀儡政府之經過。前數年辭職歸國，於兵庫縣之良元村寶塚南口設立所謂康德學院，專事教育及訓練侵略滿蒙及中國之人材。

橘孝二郎 (Tachibana, Kosjuro)

——前愛鄉塾塾頭明治二十六年茨城縣人——

曾肄業第一高學校，因病輟學。回鄉後，率其兄弟輩五家族三十餘人，於水戶市新原町建設「兄弟村」，經營農場。至昭和五年竟成模範村，受縣當局之表彰並得其補助，於是附近農村青年來歸者日衆。是年歲暮，復得該縣出身之衆議員風見章之援助，成立「自覺的農村勤勞學校愛鄉塾」，即普通稱爲愛鄉塾者是。崇奉二位一體之精神主義，三位者即大地主義，兄弟主義，勤勞主義。塾生分爲少年部與青年部，經二三閱月畢業後，即各歸本鄉指導。該塾原爲一種烏托邦之組織，然氏因痛感農村之疲弊，政黨之腐敗，遂與國家主義者發生關係。昭和七年之五・一五事件，氏與一部分塾生（即農民革命隊）担任襲擊電氣廠之任務。事敗，亡命滿洲，後歸國自首，被判處無期徒刑，旋因大赦減爲十五年有期徒刑。昭和十一年十一月，母病危篤，求得一日釋放，歸見其母，聞者咸爲感動。著有農村學，日本愛國革新本義，皇道國家農本建國論，農業本質論等書，然立論大都不合科學。愛鄉塾現尙存在，塾頭爲橘鐵太郎。

橋本徹馬 (Hashimoto, Tetsuda)

——紫雲莊主持人——

每屆日本政局變動或發生動搖之時，吾人常在日本各大報紙上見有紫雲莊所登發表政見之大幅廣告，故於其名知之頗稔。該莊為日本主義團體之一，願其主張極形空泛，而行動亦不甚積極，向由氏所主宰。氏前與原敬，橫田千之助，田中義一均甚接近，即在近年，政友會之長島隆二，宮田光雄等亦與該莊關係頗深，故常被目為政友會系院外團體之一種。氏思想右傾，常痛罵現狀維持派人物。該社機關雜誌曰紫雲，辦有紫雲學塾，塾頭為本間憲一郎。

篠原英太郎 (Shino'ara, Eitaro)

——內務次官明治十八年生長野縣人——

明治四十四年東京帝大法科卒業，供職山梨縣署。後歷任長崎縣警視，大阪府理事官，朝鮮總督府理事官，內務省書記官，山形縣知事，文部省普通學務局長，岡山縣知事等職。昭和九年八月調任愛知縣知事。本年二月林內閣成立後，內相河原田稼吉擢任現職。氏與河原田及新警視總監橫山助成三人均爲水野鍊太郎系之人物。前嘗奉派至中國及歐美各國視察，喜乘馬運動。(參閱橫山助成條)

篠原陸朗 (Shinobara, Kikuro)

——衆議院議員民辭政所屬明治十六年生東京府人——

明治四十二年東京帝大法科卒業，經高等文官考試合格。初試補司法官，後入大藏省，歷任稅務監督局事務官，札幌丸龜大阪各稅務監督局直接稅部長，大藏省主計官，長崎稅務局長，大藏省書記官，理財局國債課長，熊本稅務監督局長，昭和五年二月辭官，同時當選為衆議院議員。昭和七年總選落選，一時閒居無事，十一年總選復當選，隸民政黨籍。氏供職大藏省甚久，且其職務多關於稅務方面，故在民政黨中關於租稅之實際知識，除勝正憲外，殆亦為可數之人物。本年二月議會中討論「臨時租稅增徵案」時，為參加質問之一人。妻為千葉縣富室女。

## 頭山滿 (Toyama, Mitsuru)

——浪人會會長安政二年生福岡縣人——

氏爲日本浪人之總領袖，日本國家主義運動之鼻祖，名滿三島，婦孺皆知，人多以頭山翁稱之。早歲於其故鄉福岡，糾合同志，組織玄洋社，以修習知識，鍛鍊身體爲宗旨，期能於有事之秋，獻身國家。在其門下，人才輩出，當中日，日俄兩戰役時，嘗活動甚力。今日言日本法西斯運動史者，無不以玄洋社爲嚆矢。後在東京創立浪人會，此爲玄洋社社員中非福岡出身者所結合之團體，由氏總理其事。以迄於今。明治九年氏嘗參加前原一誠之亂，後自由民權運動發生，協助板垣退助遊說日本東北各地。願是時尙爲一無名之青年。明治二十二年十月，外相大隈重信因改正條約問題被狙擊身死，事後偵查結果，悉犯人來島恆喜係代替頭山滿向大隈拋擲炸彈者，乃被捕於大阪之旅途中。然經嚴密審訊，氏始終只謂「生平常與來島來往親密」，此外別無供詞。當局無如之何，而又未能獲得具體證據，遂不得不予釋放。此爲氏三十五歲之事，自是以後，名乃大噪。氏體軀魁偉，性情慷慨，嘗嘗其在北海道之煤礦，得款八十萬圓，除一部分清理債務，餘悉分與左右親近之人

，其在今日所以集有多數門徒，儼然以天下浪人之領袖自居者，職此由也。大正十三年嘗奉旨入宮，特賜御前侍宴，以一布衣，獲此恩寵，談者每謂開未有之先例。氏與我國革命先進，頗多往還，時來我國。今日日本一切之右翼團體，殆無不與氏或其門下有關係，而政界中人如廣田前首相，亦舊日玄洋社之分子也。

龜井貫一郎 (Kamei, Kaichiro)

——社會大衆黨中執委衆議院議員明治二十五年生神奈川縣人——

大正六年東京帝大法科政治學系卒業，即留學美國福達姆大學。歸國後經外交官及領事官試驗合格，入外務省供職。歷任天津，紐約領事，外務省事務官。大正十三年辭職，任電報通信社（即前之電通社，現併入同盟社）記者，慶應大學講師，自是即參加或支持社會運動。十四年任勞動總同盟所主辦之三田勞動學校講師，努力勞動者之政治教育。十五年社會民衆黨成立，即加入該黨，後轉社會大衆黨，以迄於今。昭和三年、七年、十一年三次由福岡縣選舉區當選爲衆議院議員。氏出身舊主之家，衣服楚楚，一見若貴族院議員，不知其爲無產黨之一鬥士，於勞動者之啓蒙運動，曾盡瘁不少也。

齋藤良衛 (Saito, Ryoc)

——關東軍顧問明治十三年生廣島縣人——

氏爲齋藤良淳之長子，明治四十一年畢業東京帝大政治科，即合格外交官考試。歷任天津漢口哇太華副領事，福州領事，外務省書記官，美國大使館二等書記官，通商局第一科科长，通商局長等職。昭和二年調充南滿鐵道理事，六年轉任關東軍司令部顧問，擔任調查華北經濟。對於中國情形，非常熟悉。昭和十一年川越未發表前，軍部推爲駐華大使，未果。

齋藤瀏 (Saito, Kiyoshi)

——明倫會理事預備役陸軍少將明治十二年生長野縣人——

明治三十三年陸軍士官學校第十二期步兵科卒業，翌年以少尉任職近衛步兵第一聯隊。日俄戰爭時，任該聯隊第一大隊副官，轉戰各地，戰後升任步兵第一旅團副官。四十二年卒業陸軍大學，後歷任教育總監部課員，旭川步兵第廿七聯隊大隊長，第七師團參謀，小倉聯隊區司令官，小倉步兵第四十七聯隊長等職。昭和二年任熊本步兵第十一旅團長，濟南事件發生時，率兵阻止我北伐軍前進，致發生慘案。昭和五年退入預備役後，任明倫會理事，從事右翼運動。十一年二・二六事變時，以資金供給叛亂將校，復對軍中央部要求善處事態。本年一月經審訊判處徒刑五年。氏在軍部素以強硬著稱，善文能詩。

濱田國松 (Hamada, Kunimatsu)

——衆議院議員政友會總務明治元年生三重縣人——

氏爲山村榊香之次子，明治二十年入繼濱田清三郎家爲嗣子，故改今姓。早歲卒業於三重師範學校，二十一歲時，任鳥羽小學校長，因郡長某不履行其對學務上之口約，大爲憤慨，面斥之餘，襲以老拳，辭職赴東京。入京後，氏一面於堀留小學校担任月薪僅有六圓之教師，一面肄業於現中央大學前身之法學院，明治二十四年卒業，經第一次律師考試合格，遂執律師業，後以辯護刑事重大案件，名聲鵲起。由町會議員，郡會議員，市會議員，市會議長，京都瓦斯會社董事，被舉爲衆議院議員（三重縣選出）。至昭和十一年二月之總選，當選已達第十一次，議員生活，歷三十餘年之久。氏在議會中爲著名之鬥士，曾任副議長三年（大正六年六月至九年二月，在大岡育造議長任內）昭和九年十二月繼秋田清後，被舉爲議長，直至十一年五月之特別會議始改由富田幸次郎繼任。在政友會與犬養毅同時進黨，並在國民黨共守苦節多年，立在於野黨之第一線而奮鬥，幾度肉搏政府。昭和十一年五月政友會改組後，担任總務職。氏膽氣豪壯，有武士風，生平持論，決不妥協。

苟合。忠於黨而篤信議會政治，一字一句，不脫復興政黨之熱意。本年一月第七十議會重開時，氏極力攻擊廣田內閣之依賴軍部，並非難軍人干政之不當。而陸相寺內指爲侮辱皇軍。此一場舌戰，初則引起議會停會之風波，終則成爲廣田內閣解體之導火綫。其在政界，除昭和二年田中內閣下一度出任司法政務次官外，未嘗就何種官職。長子幹，京都帝大畢業，亦業律師。

濱野徹太郎 (H.mano, Tetataro)

——民政黨系衆議院議員明治十八年生和歌山縣人——

大正五年中央大學法科卒業。入岸清一博士律師事務所，八年自行執業，今仍任律師職。昭和五年以來，當選爲衆議院議員，今已三次，隸民政黨籍，曾任該黨青年部長。本年二月七十議會時，被同黨推舉，擔任關於內政問題之質問。首謂軍人排擊宇垣卒使組閣流產，林首相拒絕政黨人員入閣，理由何在？次對官僚獨善政治，人權蹂躪問題，均提出質問，頗能揮發勸聽，蓋民政黨之一新人，其前途值人注目。

織田信恆 (Oda, Nobutsune)

——貴族院議員子爵明治二十二年生東京府人——

舊羽前國天童藩主織田信敏之養子，大正四年京都帝大法科政治系卒業。出校後，服務日本銀行。旋漫遊中國及歐洲各國，視察商工業，歸後任東京朝日新聞社員。大正十五年任鐵道大臣井上匡四郎（現同爲貴族院議員研究會系）祕書官，後當選爲貴族院議員。昭和四年七月在外相幣原喜重郎下任外務省參與官。八年四月在農相後藤文夫下任農林省次官，九年七月與後藤同退職。頭腦冷徹，觀察深刻，於進退出處，頗知審擇。現在貴族院與酒井忠正等同屬於研究會之新進派，信望甚厚，前途有望之人物也。

寶來市松 (Horai, Ichinatsu)

——日本興業銀行總裁明治十四年生大阪府人——

明治四十年東京帝大法科政治學系卒業後，入住友銀行任職。大正二年志立鐵次郎從住友轉任興業銀行總裁，遷任興業副會計長。翌年派赴英美，實習銀行及信託業。五年歸國後，歷任鑑定課長，放款課長，至十三年舉爲理事。昭和二年金融恐慌後，任職大阪分行，時結城豐太郎任安田銀行副行長，激賞氏之手腕，邀轉安田以爲己助，未果。會昭和五年藏相井上準之助與興業總裁鈴木烏吉意見不洽，乃以結城繼之。當時日本產業界因受井上緊縮政策關係，金融奇緊，無從告貸，獨結城則不顧一切，處處與商家以種種金融上之便利，因得渡過難關，世恆以此多之。而臂助結城者，則爲氏也。昭和十年升任副總裁。本年二月結城入任藏相，擢爲總裁。氏爲典型的銀行家，喜讀書，好禪悅，傳未嫻政治手腕云。

藤山愛一郎 (Fujiyama, Aichiro)

——大日本製糖會社總經理明治三十年生東京府人——

氏爲貴族院議員糖業巨商藤山雷太之長子，大正七年慶應大學卒業，十二年復留學歐美。現除任大日本製糖會社總經理外，並擔任糖業聯合會會長，東京證券交易所理事，東京商工會議所常任議員，日華生命保險，共同信託，千田代信託，朝鮮農事等各會社董事。時於政黨背後，肆其活躍，隱有領袖東京少壯實業家之勢。因嘗受歐美文化之薰陶，故思想見解異於一般國家主義者，對軍部行爲，常抱不滿。本年三月參加兒玉謙次所率領之遣華經濟考察團，來我國視察，以其爲力主中日經濟提攜現藏相結城豐太郎之愛婿，故頗引起我國人之注意。

鵜澤聰明 (Uzawa, Somei)

——貴族院議員明治五年生千葉縣人——

明治三十二年東京帝大法科德法學系卒業，出校後即充律師，四十一年得法學博士學位。曾任立教大學，青山學院及慶應大學講師，明治大學理事，教授及總長，大東文化協會理事，東京親鄰館理事長，東京第一辯護士會會長，又充東京日日新聞記者及明義雜誌主幹。當選衆議院議員六次，屬政友會系。昭和三年勅選爲貴族院議員，思想上與美濃部透吉岩田宙造同屬於自由主義派之人物，屬交友俱樂部系。對於刑法學頗著聲譽，永田事件之相澤審判案中曾任辯護人。

## 蠟山政道 (Royama, Seido)

——東京帝大教授明治二十八年生羣馬縣人——

大正九年東京帝大法學部政治科卒業，卽任母校助手，十一年升助教，昭和三年升教授，任職迄今。昭和九年曾隨近衛文麿公爵赴美遊歷。嗣後卽被聘爲近衛之私人政治顧問，與後藤文夫一派亦脈息相通。藩變發生前曾倡滿洲應先作獨立運動，再圖歸併日本。氏爲日本第一流之政治學者，尤其對行政學一門，爲斯界之權威。其治政治學也，以政治與行政應各爲獨立之學科，認政治雖可左右行政，行政亦嘗影響政治，二者本有密切之關係，然各有其領域，尤其行政在技術上所保持之地位，具有獨立的性質，因而在組織上自有與政治組織相異之原理，故在學問上可以單獨成爲學科，在實際上行政機構亦可與政治機構分別研究。日本現行行政機構自技術上觀之非予以重大改革，實難期圓滿之運用，然苟並政治機構而破壞之，未免與學理有乖離。最近對本年一二月間政變之動感，曾謂廣田內閣之總辭職與宇垣內閣之流產，均起因於陸軍方面，不論陸軍所持理由如何，要非國民所心服，從憲政本義言，潛伏一大危機。此後安定時局之政治方式，已瀕破產。有心之士與

國民豈尙能作壁上觀乎？其政治思想，於此可見一端。著有政治學之任務與對象，國際政治與國際行政，行政組織論，日滿關係之研究，日本政治動行論，現代之社會思想等。

櫻井兵五郎 (Sakurai, Hyogoro)

——衆議院議員明治十三年生石川縣人——

明治四十四年早稻田大學政治經濟科卒業。大正四年當選爲衆議院議員以來，迄今已連任七次。昭和六年若槻第二次內閣時，任商工省參與官。九年十二月任拓務省政務次官，十一年三月辭職。在民政黨曾任總務職，現任顧問。彼爲產業合理化之研究家，對於時事問題之批判，亦具相當識力。原爲實業家出身，今仍任日本打字機，日本耐火煉瓦各會社經理。前曾主編地方行政雜誌，現爲帝國地方行政學會董事，及北陸新聞社理事兼副社長。本年第七十議會中曾主張購買荷領新幾尼亞島，致荷人聞之深爲惶恐，蓋主張南進派之人物也。

鶴見祐輔 (Tsurumi, Yusuke)

——衆議院議員民政黨青年部長明治十八年生岡山縣人——

氏爲前滿鐵總裁及外務大臣後藤新平之婿。明治四十三年東京帝大政治科卒業，經高等文官考試合格，入鐵道省，歷任書記，副參事，參事，書記官，其間數度奉派出國，至德美及中國視察鐵道事業。大正八年因研究交通事務，留學歐美。歸國後任鐵道省運輸局總務課長，大正十三年辭職。是年美國發生排日風潮，自限制日本移民案之制定，氏乃赴美遊說，以冀緩和空氣。昭和二年出席爪哇舉行之泛太平洋會議。三年及十一年當選爲衆議院議員，隸民政黨籍，現任青年部長。氏雖在政界多年，然以著述家演說家聞名，近十餘年來殆專事著述，文筆秀麗，富煽動性，爲一般青年所愛讀。著有南洋遊記，歐美名士之印象，英雄待望論，母親，膨脹之日本等書。其中膨脹之日本一書，成於前年，又名新英雄論，爲英雄待望論之姊妹篇，彼謂滿洲問題（九一八事變）發生後之日本，決不容再後退，只有前進，只有膨脹。又謂廣漠之北亞細亞荒野，一碧萬里之太平洋波上，吾人之故鄉也。此可見氏思想之一斑。風貌溫雅。弟定雄爲浪役步兵中尉，現任南洋石油會社理事。

權藤成卿 (Gondo, Seikyu)

——制度學專家明治元年生福岡縣人——

氏自幼未嘗奉師問業，因累代爲制度學者，彼亦繼繩祖業，專事研究日本古代之成俗及制度。中年以後以著述爲業。據彼研究所得之結論，謂日本固有之本體爲「生民之自治」，即政治爲自然自治組織，經濟爲農本自治組織。昭和六年與風見章，長野朗等創立日本村治派同盟，十年改爲農本聯盟。彼素無赫赫名，然集於彼之門下者不乏法西斯主義信徒，有學者，有軍人，有官僚政客，皆頗聞其自治學說。昭和七年五·一五事件發生後，因其與民間方面主犯愛鄉塾頭橋孝三郎嘗有交往，（六年十月血盟團事件主犯井上日昭亦嘗投拜彼之門下），致被捕入獄，蓋疑其所教唆也。後未獲實據，得釋。自此以後，一躍聞名，彼非爲一頑固之制度學者，深通國內外情勢，關於中國，尤其滿洲方面，所蒐集之資料甚多。雖深受法西斯分子之信仰，然實則彼非國家主義者，皆可謂爲日本主義的無政府主義者，較爲適切。著有自治民範，八隣通聘放，日本震災囚謹放，君民共治論等書，而自治民範一書尤爲青年將校所愛讀。

【十八畫平二十五畫】 藤權成卿

鹽野季彥 (Shiono, Toshiko)

——司法大臣明治十三年生長野縣人——

長野士族山寺常山（與佐久間象山鎌原桐山同爲有名之國粹主義學者）之孫，鹽野信炳（因入鹽野家故改姓）之子，明治三十九年畢業東京帝大法科。自四十一年起歷任大阪東京區裁判所檢察官，司法省參事官兼書記官，東京地方裁判所檢察官，控訴院檢察長，司法省監獄局長等職。昭和九年升名古屋控訴院長，十一年十二月調充大審院檢事局次長。氏曾遊歷歐美（昭和二年）考察司法制度，以舉發小川法相疑獄，助章疑獄，山梨大將事件，小橋一太郎事件及三木武吉輩之東京市疑獄等所謂昭和五大疑獄（均在東京地方裁判所檢察官任內舉發），馳名於世。其司法上之主張，爲排斥懲罰主義，易以教化主義，進而施行免囚之保護事業。性情豪放，加入平沼騏一郎之國本社甚久。二・二六事變前，平沼欲擢取內閣首班，恆倩氏爲之參預。與軍人及右翼分子尤多所往來。此次超越儕輩，擢任法相，即得力於平沼之推薦。談者疑爲司法界之法西斯時代，即將出現焉。氏雅好揮毫，且兼通植物學，肯以金錢接濟部下之緩急，至不時索債者盈門云。

附  
錄

Yokoyama, Sukenari	橫山助成……………二〇八
Yoshida, Masuzo	吉田益三……………八三
Yoshida, Tanichiro	吉田丹一郎……………八二
Yoneuchi, Mitsumasa	米内光政……………九七
Yusawa, Michio	湯澤三千男……………一九一
Yutani, Kyuichi	油谷恭一……………一四一

Tawara, Magoichi  
 Tomita, Yutoro  
 Torii, Ryuzo  
 Toyama, Mitsuru  
 Tsuda, Shingo  
 Tsuji, Kingo  
 Tsukata, Sameru  
 Tsukui, Tatsuo  
 Tsurumi, Yusuke  
 Tsushima, Juichi,  
 Tsutsumi, Yasujiro  
 Uchida, Ryohei  
 Uehara, Etsusaburo  
 Uzawa, Somei  
 Wakamiya, Sadao  
 Watanabe, Chifuyu  
 Yahata, Hakudo  
 Yamada, Otsuzo  
 Yamada, Tatsuo  
 Yamamoto, Kozo  
 Yamamoto, Sanehiko  
 Yamamoto, Teijiro  
 Yamamoto, Tsuruichi  
 Yano, Tsuneta  
 Yasui, Eiji  
 Yasumi, Saburo  
 Yatsunami, Takeji  
 Yauchihara, Tadao

俵孫……………一七六  
 富田勇太郎……………一八七  
 鳥居龍藏……………一八五  
 頭山滿……………二一五  
 津田信吾……………一五四  
 辻謹吾……………九九  
 塚田攻……………一九六  
 津久井龍雄……………一五二  
 鶴見祐輔……………二三〇  
 津島壽一……………一五六  
 堤康次郎……………一八八  
 内田良平……………四六  
 植原悦二郎……………一八九  
 鶉澤聰明……………二二六  
 若宮貞夫……………一六二  
 渡邊千冬……………一九〇  
 八幡博堂……………七  
 山田乙三……………三七  
 山田龍雄……………三八  
 山本厚三……………三一  
 山本實彦……………三四  
 山本悌二郎……………三二  
 山本鶴一……………三六  
 矢野恆太……………七〇  
 安井英二……………八五  
 八角三郎……………五  
 八並武治……………六  
 矢内原忠雄……………六九

附錄

七

Saito, Kiyoshi	齋藤澗……………二一九
Saito, Ryoe	齋藤良衛……………二一八
Sakai, Chusei	酒井忠正……………一七〇
Sakurai, Hyogoro	櫻井兵五郎……………二二九
Shimizu, Konosuke	清水行之助……………一八〇
Shimonaka, Yasaburo	下中彌三郎……………一三
Shinobara, Eitaro	篠原英太郎……………二一三
Shinobara, Rikuro	篠原陸朗……………二一四
Shiono, Toshihiko	鹽野季彦……………二三二
Soeda, Keiichiro	添田敬一郎……………一八四
Sugiyama, Motojiro	杉山元次郎……………一〇四
Sunada, Shigemasa	砂田重政……………六一
Suzuki, Bunji	鈴木文治……………一九七
Suzuki, Munesaku	鈴木宗作……………一九九
Suzuki, Seigo	鈴木正吾……………一九八
Suzuki, Sororu	鈴木莊六……………二〇〇
Suzuki, Zenichi	鈴木善……………二〇一
Tachibana, Kosaburo	橘孝三郎……………二一一
Tachibana, Shinryo	田知花信量……………六七
Takasu, Hojiro	高須芳次郎……………一七五
Takayama, Kyuzo	高山久藏……………一七四
Takebe, Jiyuemon	武部治右衛門……………一三三
Takeda, Tokusaburo	武田德三郎……………一三二
Tanabe, Harumichi	田邊治通……………六八
Tanaka, Kiyoshi	田中清……………六五
Tanaka, Ryuzo	田中隆三……………六六
Tanaka, Takeo	田中武雄……………六四
Tanimoto, Bataro	谷本馬太郎……………一〇二

Miyazawa, Inyu	宮澤胤勇……………一六八
Mizuno, Rentaro	水野鍊太郎……………五二
Mizutani, Takasaburo	水谷長三郎……………五一
Mochinaga, Asaharu	持永淺治……………一五一
Mochizuki, Keisuke	望月圭介……………一七九
Motoji, Shinkuma	泉二新熊……………一五七
Moriya, Sakao	守屋榮夫……………一八四
Murada, Shiro	村田孜郎……………一〇五
Nakajima, Yadanji	中島彌團次……………四二
Nakamura, Ryoza	中村良三……………四一
Nakatani, Takeyo	中谷武世……………四〇
Nakayama, Jisaburo	中山治三郎……………三九
Nara, Takeji	奈良武次……………一一一
Nishioka, Takejiro	西岡竹次郎……………九五
Oasa, Tadao	大麻唯男……………二一
Obata, Torikichi	小幡酉吉……………三〇
Oda, Nobutsune	織田信恆……………二二三
Ohashi, Nobukichi	大橋信吉……………二三
Okawa, Shumei	大川周明……………一七
Okawachi, Denshichi	大川内傳七……………一六
Okochi, Kiko	大河内輝耕……………二〇
Okumura, Kiwao	奥村喜和男……………一九五
Omura, Seiichi	太村清一……………五〇
Ota, Kakumen	太田覺眠……………四九
Ota, Seiko	太田正孝……………四八
Otani, Noboru	大谷登……………一九
Ozaki, Yukio	尾崎行雄……………一〇六
Toyama, Seido	蠟山政道……………三二七

附  
錄

五

Koyama, Shoju	小山松壽	二五
Kudo, Tetsuo	工藤鐵男	一五
Kushi'da, Manzo	串田萬藏	一〇〇
Makino, Ryoza	牧野良三	一四二
Masuda, Giichi	増田義一	二〇七
Matsue, Haruji	松江春次	一二三
Matsui, Hisataro	松井久太郎	一一七
Matsumoto, Jichiro	松本治一郎	一一九
Matsumoto, Joji	松本蒸治	一二一
Matsumoto, Kenji	松本健兒	一二二
Matsumoto, Yuhei	松本勇平	一二〇
Matsumura, Kozo	松村光三	一二六
Matsumura, Kugi	松村久義	一二五
Matsunaga, Sai	松永材	一一八
Matsunobu, Shigeji	松延繁次	一二七
Matsuoka, Komakichi	松岡駒吉	一二四
Matsuura, Chinjiro	松浦鎮次郎	一二九
Matsuura, Junrokuro	松浦淳六郎	一二八
Michigawa, Kametayo	滿川龜太郎	二〇五
Michii, Sakichi	滿井佐吉	二〇六
Mikami, Sanji	三上參次	八
Mimuroto, Keiko	三室戶敬光	一一
Minakawa, Haruhiro	皆川治廣	七一
Minami, Hiroshi	南弘	一四九
Miwa, Jusho	三輪壽莊	一二
Miyagawa, Hyakutaro	三宅川百太郎	一〇
Miyajima, Seijiro	宮島清次郎	一六六
Miyawaki, Chokichi	宮脅長吉	一六七

Iwata, Ainosuke	岩田愛之助	一一五	
Iwata, Tomio	岩田富美夫	一一三	
Kagami, Kenkichi	各務鎌吉	八〇	
Kamei, Kanichiro	龜井貫一郎	二一七	附
Kanda, Masao	神田正雄	一四四	錄
Katayama, Tetsu	片山哲	五四	
Kato, Keisaburo	加藤敬三郎	五八	
Kato, Kumetaro	加藤久米太郎	五七	
Katsu, Masanori	勝正憲	一八二	
Kawada, Isao	河田烈	一三五	
Kawai, Eijiro	河合榮治郎	一三七	
Kawai, Yoshinari	河合良成	一三六	
Kawakami, Jotaro	河上丈太郎	一三四	
Kawano, Ichiro	河野一郎	一四〇	
Kawarata, Kakichi	河原田稼吉	一三八	
Kazami, Fumi	風見章	一六三	
Kikuchi, Ryoichi	菊池良一	一九四	
Kishi, Nobusuke	岸信介	一一二	
Kita, Reikichi	北聆吉	五五	
Kitajima, Kenjiro	北島謙次郎	五六	
Kiyose, Ichiro	清瀬一郎	一六九	
Kohara, Naosu	小原直	二八	三
Koike, Shiro	小池四郎	二六	
Koizumi, Matajiro	小泉又次郎	二七	
Kojima, Shinichi	小島新一	二九	
Kokubo, Kishichi	小久保喜七	二四	
Komai, Tokuno	駒井徳三	二一〇	
Kondo, Eizo	近藤榮藏	一四五	

Hamada, Kunimatsu	濱田國松……………二二〇
Hamano, Tetsutaro	濱野徹太郎……………二二二
Harada, Kumakichi	原田熊吉……………一六五
Hashimoto, Tetsuba	橋本徹馬……………二一二
Hasunuma, Shigeru	蓮沼蕃……………二〇九
Hayagawa, Saburo	早川三郎……………九一
Hayashi, Hirotaro	林博太郎……………三〇
Hayashi, Yimikichi	林彌三吉……………一三一
Hirose, Hisatada	廣瀬久忠……………二〇四
Honda, Tadaro	本田忠雄……………一六三
Horai, Ichimatsu	寶來市松……………二二四
Horikiri, Zenbei	堀切善兵衛……………一七八
Horikiri, Zenjiro	堀切善次郎……………一七七
Hyakutake, Saburo	百武三郎……………七七
Ichinomiya, Fusajiro	一宮房治郎……………一
Iguchi, Sadao	井口貞夫……………四三
Iida, Sadakata	飯田貞固……………三〇二
Iinuma, Kozumi	飯沼一省……………二〇三
Ikesaki, Chuko	池崎忠孝……………九四
Imada, Shintaro	今田新太郎……………四四
Imamura, Shinjiro	今村信次郎……………四五
Inoge, Riei	猪野毛利榮……………一九三
Iriye, Taneku	入江禪矩……………三
Irumano, Takeo	入間野武雄……………四
Ishibashi, Tanzan	石橋滿山……………七六
Ishiguro, Tadaatsu	石黒忠篤……………七五
Ishikawa, Junjuro	石川準十郎……………七二
Ishiwata, Shotaro	石渡莊太郎……………七三

附 錄 人名英文索引

Abe, Isao	安部磯雄……………八七	附 錄
Abo, Kiyokazu	安倍清種……………八六	
Adachi, Kenzo	安達謙藏……………八九	
Akaike, No	赤池濃……………一〇八	
Akamatsu, Tatsumaro	赤松克麿……………一〇九	
Akinaga, Tsukizo	秋永月三……………一五八	
Akita, Kiyoshi	秋田清……………一五九	
Anami, Koreki	阿南惟幾……………一四六	
Aoki, Kazuo	青木一男……………一四七	
Aoki, Seiichi	青木精……………一四八	
Arima, Yoriyasu	有馬頼甯……………九六	
Asaha a, Ken o	淺原健三……………一八三	
Asanuma, Inajiro	淺沼稻次郎……………一八二	
Aso, Hisashi	麻生久……………一八六	
Atomiya, Jun	後宮淳……………一五〇	
Azuma, Takeshi	東武……………一一六	
Baba, Tsunego	馬場恆吾……………一七二	
Bansai Ichiryō	坂西一良……………一〇三	
Eto, Genkuro	江藤源九郎……………九二	
Fujiyama, Aiichiro	藤山愛一郎……………二二五	
Fukao, Ryutaro	深尾隆太郎……………一八一	
Furukawa, Torano uke	古河虎之助……………六〇	
Futara, Yoshinori	二荒芳徳……………二	
Gōdo, Takuo	伍堂卓雄……………七九	
Gondo, Seikyu	權藤成卿……………二三一	

